

Handwritten signature in red ink at the top right of the page.

წიგნის მალაზია „ცოდნა“-ს გამოცემა.


# ქართველი ბრიგორიანები.

(სომხის რწმუნის ქართველები)

ისტორიული მიმოხილვა

ზავზელისა.

(წ. ქ.)



თბილისი

სტამბა შ. ე. ხელახის, სოლოდაკი, შსსკევიჩის ქუჩა, სსხ. № 3.

1906 წ.

ფასი 30 კაპ.



წიგნის მალაზია „სოდნა“-ს გამოცემა.

ბე. ილიძე უჩიბაძეს  
საქმისათვის  
ქართული მემკვიდრეობისათვის

ქართული

ბრიტოლოგიის.

(სომხის სარწმუნოების ქართვლები)

ისტორიული მიმოხილვა

ზავზელისა.



თბილისი

სტამბა მ. ე. ხელაძისა, სოლოლაკი, ზასკევიჩის ქუჩა ს.ნ. № 3.  
1906 წ.

10039

Дозволено цензурою. Тифлисъ, 14-го января 1906 года.

# ქართველი ბრიგოზიანები

## I.

ჩვენს დროში, გვაროვნობის შესახებ საუბარი ერთის მხრით მეტ ბარგად უნდა ჩაითვალოს. რა დროს გვაროვნობაზეა ლაპარაკი საჭირო, როცა ამის მაზანდა დიდი ხანია დავარდა და სადაც კი დარჩა ეს რაიმე განსაკუთრებითის პირობებით, იქ ესეც დაეცემა, მომავლისთვის ცხადლივ დაილოცება. ევროპის განათლებულ ერთა შორის ბევრს მწერალთაგან გვაროვნობის შესახებ საუბარი თითქმის უარ ყოფილია, იქ საქმე კაცია, მისი ადამიანური ღირსება და არა გვაროვნება, ანუ ამის მეოხებით ერთის პირის მეორისაგან განცალკევება, დაშორება, ბოლოს სამუდამოდ მტრობის ჩამოგდება და ურთი-ერთ შორის გვაროვნობის გამაგრების ზიზღის გაურცელება. ასე იყო ძველად, ასე იყო საშუალო საუკუნოებში და თვით ჩვენს დროსაც, მაგრამ ვიტყვით იმასაც, რომ ასეთის მიდრეკილებით ვერც ერთი ერი ვერ წავიდა წინ და ყველას მომავალში მხოლოდ დედამიწის პირიდან აღგვა მოველინა და დაღეწვა, ამაზედ ჩვენ სჯავს არ დავიწყებთ, რადგანაც ეს ისტორიული ჭეშმარიტება განვითარებულს მკითხველს უჩვენოთაც ეცოდინება. მაშასადამე, კაცობრიობის უმთავრეს გონებრივ სახსარს და მის პროგრესიულს უკურნებელ მალამოს უნდა შეადგენდეს მხოლოდ ერის გონებით აღორძინება — მასში ნათელ მოქალაქეობის დამკვიდრება, მეცნიერულის სოციალიზმით აღორძინებული მოქალაქური დემოკრატია, მერმისისათვის ჭეშმარიტ კომუნისტიური წეს-წყობილების გავრცე-

ლება, კაცთა შორის ურთი ერთ პიროვნების პატივისცემის დაფარვა, პირად უფლების შემოფარგვლა, რენანის სიტყვისა-  
შებრ, მაცხოვრის ქადაგების მსგავსად უმაღლესი ძმური სიყ-  
ვარული, ანუ ლუი ბლანის მსგავსად ნამდვილი იდეალური  
ძმობა, სიყვარული, თანასწორება და თავისუფლების დაარ-  
სება, ეს როგორც მან გამოხატა და ახსნა საფრანგეთის რევო-  
ლიუციის ისტორიის პირველს ტომში.

მხოლოდ აი მაშინ შეეძლება კაცობრიობას, რომ თავის  
მოქმედებით და ინერციით ცხოვრების უმაღლეს წერტილს  
მიახწიოს, მის მერმისისთვის ნათელი პროგრესიული გეგმა  
შეიმუშავოს და შეიდგინოს. უამისოდ კი, კაცობრიობამ რაც  
გინდ ბევრი იმეცადინოს და იღვაწოს თვის ძლიერების აღსა-  
ფრთოვანებლად და ერთის ტომის მეორეს ტომის წინაშე და-  
წინაურებას, წინ გასწრობას და გაძლიერებას, ეს იქნება მხო-  
ლოდ დროებითი ლტოლვა ნატურისა, ხოლო მომავლისთვის  
კი მას მტკიცე ნიადაგი არ მოჰყვება და მშრალად მონარუ-  
ქებული ქადილი მშრალადვე დაშთება, პატარა ოცნებათ, ქა-  
რის წისქვილათ, რადგანაც ბოლოს სამხედრო პატრიოტობას  
ყველგან საძირკვლები გამოეცლება და იგი ისე უნაყოფოდ  
დაეცემა, როგორც დაეცნენ მრავალ ტომთა სამეფოთა გვარ-  
ნი. ასეთ ოცნებას ევროპის ერთა შორის რამდენიმე სახელმწი-  
ფოთ გვართა დააღწიეს თავი და მათ ამის დაღწევით დროითვე  
შიაღწიეს უმაღლეს ცივილიზაციას, დიდს კულტურას. ამიტომ  
ჩვენც, როგორც მორჩილნი ევროპის განვითარების და ცხოვ-  
რებათა მხარეების ბაძვის, უნდა ვეცადოთ, რომ ჩვენს ცხოვ-  
რებაშიაც შემოვიტანოთ და დავამკვიდროთ ის წესები და  
შიდრეკილებანი, რაც იქ ძველადგანვე იყო აღორძინებული  
და წინ წასული. უამისოდ კი ვიტყვი, რომ ჩვენ წინ ვერ  
წავალთ და ყოველთვის და ყოველგან მშრალ მეოცნებეთ  
დავშთებით და მის მეოხებით ბევრს სულის ასამაღლებელს  
და ცხოვრების გასამტკიცებელს წარმატებასაც მოვაკლდებით.  
მშრალის სამხედროს პატრიოტობით, სასწაულებრივის მხარე

ებით და ეკლესიურის საქმეთა გვაროვნულის ტრადიციებით წინ ვერ წავალთ. ერთს საფეხურზედ გაჭირდებით და ბოლოს როგორც ბრბო ისე ავიგვებით ამ დედამიწის პირიდგანა. ყველა ეს მოხდება იმ ერში ადვილად, სადაც რეალურს განათლებას მტკიცე საძირკველი არა აქვს დამკვიდრებული და ან სხვა და სხვა გვარის ტომთა წინაშე მკაცრათ არის აღორძინებული ერთმანერთის გვაროვნობის დამცირება, ერთმანერთის შექმა და მით სამუდამოთ მოსპობა ცხოვრების ასპარეზის გეგმავედ. ყველა ჩვენ ეს გაგვახსენა შემდეგმა გარემოებამ, რომელ საგანზედ სჯა და კამათი ჩვენთვის საკმარისად საინტერესო უნდა იყოს.

1891 წ. სომხურ თვიურ ჟურნალ „მურჭში“ წერილი დაიბეჭდა ქართველთ შესახებ, სადაც დამწერი სხვათა შორის, ერთ ალაგას ასე საუბრობდა: „ქართველებს ძლიერ უყვარსთ სხვა და სხვა სარწმუნოების მექონ ხალხში ქართველ გვარის ერის გაჩენა. მაგალითებრ, ქართულ მწერლობაში კარგა ხანია რაც ავრცელებენ ქართველ მაჰმადიანთ არსებობას, ქართველ ებრაელთა, ქართველ კათოლიკეთა ღებლა მათ ქართველი გრიგორიანებიც გააჩინეს, ამის საქმეც გაათავეს, მას მტკიცე ბეჭედი დააკრეს, დღეის შემდეგ ქართველებში, უეჭველია ქართველი სომხები, ანუ გრიგორიანებიც გაჩნდებიან, ამას ფიქრი არ უნდა, რადგანაც ქართველებმა ამ საგანს თავიანთ ქეშმარიტების ბეჭედი უკვე დაარტყეს-დაპლომბეს“. ეს წერილი სომხურს ჟურნალს „მურჭში“ გამოიწვია ერთის ქართველის წერილმა, რომელიც იმავე წლის გაზეთ „ივერიის“ ნომერში იყო დაბეჭდილი და რომელ წერილშიაც დამწერი საფუძვლიან და სამართლიანად სჯიდა ქუთათურ ქართველ გრიგორიანთა შესახებ. „მურჭის“ წერილი პირდაპირ ამ წერილის და დამწერის წინააღმდეგ არის მიმართული და ნამეტურ სამხრეთ საქართველოზე, რომელიც „მოგზაურში“ დაიბეჭდა და რომელ წიგნაკმაც სჯა და კამათიც გამოიწვია. აქ ამაზედ არავინ იფიქროს, რომ მე ვითომც ამ წერილს ხსენებულის

სჯა და კამათის მეოხებით ვწერდე, არა, ამ საგანზე წერა მე აღრიდგანვე მქონდა გაღვიძებული და მის შესრულებას ყოველთვის ნატვრით ვეჭრფოდი, ხოლო მრავალსაქმეთა მიმდევრობამ არ მომცეს დროზედ ნატვრის შესრულება. შეუსრულებლობა კი ჩემგან შეუძლებელი იყო, რადგანაც რამდენიც ხანი გადიოდა, იმდენი ჩვენის სამშობლო ქვეყნის ასპარეზზედ, ჩვენ მემამულეთ შორის, დიდი განმასხვავებელი გვაროვნული კამათიც იბადებოდა, ერთის ტომის და მოდგმის შვილები, ერთის ენის და ქვეყნის მეზობელნი ურთიერთ შორის განსხვავებას და გაცალკევებას ქადაგებდნენ. ამის სრულს მაგალითს წარმოადგენს ქართლ-კახეთის სოფლებში მცხოვრებ ქართველთ ისეთ ჯგუფთ მცხოვრებთ, რომელთა რიცხვიც სარწმუნოებით, ანუ ეკლესიით გრიგორიანობას ეკუთვნიან და შთამომავლობით კი ქართველს, საქართველოს მათი დედა ენაც ქართული ენა არის, ძველადგანვე მათ ქართული ენა ჰქონიათ მიღებული და დამკვიდრებული.

უნდა მოგახსენოთ, რომ ჩვენის ისტორიის თანახმად, ქრისტიანობის პირველ საუკუნოებში ქართველნი და ჰაოსიანნი ერთ სარწმუნოებას ვაღიარებდით, ერთი კათალიკოზი გვეყვანდა, რომელიც ეჩმიაძინში იჯდა, დანარჩენი ეპისკოპოზნი კი, რომელნიც ქართველთათვის იყო საჭირო, ისინი ქართლის ქვეყნის კუთხეებში განაგებდნენ და მათი რიცხვიც ყოველთვის ქართველ გვარისაგან შესდგებოდა, ხოლო კათალიკოზნი კი ყოველთვის ჰაოსიანის გვარის იყო. ორს საგვარეულო ერთ სამღვდლოთ შორის დროის განმავლობის მეოხებით მცირე უთანხმოება ჩამოვარდა ეკლესიური წეს-წყობილების და ცხოვრების შესახებ ჰაოსიანთ სასულიერო წოდება თავისებურს გზას ადგა, ისევე ქართველნი. ბოლოს საქმე ისე მოეწყობა, რომ როდესაც ბიზანტიაში უკანასკნელი მსოფლიო კრება მოხდა, იქ ჰაოსიანთ სამღვდლოებამ მონაწილეობა არ მიიღოს. ეპისკოპოსთაგანი არავინ დაესწრნენ, ქართველთაგან კი თორმეტე ეპისკოპოზი დაესწრა. კრების გარდაწყვეტილებას ქართველ



ეპისკოპოსნი დიდ თანხმობას უცხადებდნენ, რაც კი კრებამ დაადგინა და გადასწყვიტა ეკლესიური ცხოვრების და წესწყობილების შესახებ, ყოველივე ქართველთა ერთ ხმად მიიღეს, რაც სხვებმა უარი ჰყვეს, ის ქართველთაც არ მიიღეს, რაც სხვებმა მიიღეს, ის ქართველთაც შეიწყნარეს, ასე და ამ გვარად, ქართველნი, ახალ მსოფლიო კრების ძალით ბერძენთ მოთანხმენი გამოჩნდნენ, მათი სარწმუნოების თანა-მორწმუნენა და ჰაოსიანები კი დაშთნენ ცალკე, მათ უკანასკნელ მსოფლიო კრებაში მონაწილეობა არ მიიღეს, მათ სამჯობინროდ დაინახეს ბერძენებისაგან შორს განდგომა, მათის ეკლესიის წესებთან არაფერი ერთობის ქონვა, ეს კარგიც იყო მათთვის და საქებიც. ჰაოსიანთ ეკლესია განცალკევებულათ გამოჩნდა, ეს მოხერხება და განცალკევება მათის გვარისათვის დიდ განძათ ჩაითვალა, მის შემდეგ ჰაოსიანთ ეკლესია დღემდე დაშთათვისუფლად და დამოუკიდებლათ სხვათა და ნამეტურ ბერძენთ ეკლესიის წინაშე. ამის სამზადისი შათ წინათვე ჰქონდათ გარკვეული. საბერძენეთიდან საქართველოში დაბრუნებულ ქართველთ ეპისკოპოსებმა ქართველი ერი ბერძნის ეკლესიის წესების მოთანხმედ განაცხადეს, ერთ თანამორწმუნეთ, ჰაოსიანთაგან კი განყოფილს. ქართველთ ეპისკოპოსთ განცხადება საქართველოში ქართველთ თითქმის ყველგან მიიღეს, სიტყვის უთქმელად, უკანასკნელ მსოფლიო კრებას სიამოვნებით დაემორჩილნენ, ბერძენების კავშირი და ნათესაობა დიდ სანუკარ საქმეთ აღიარეს. ქართველ მღვდელ-მთავართ განცხადება და ქადილი ქართველთ შორის არ იქმნა შეწყნარებული მხოლოდ ბერდუჯის კუთხისკენ, ანუ სამხრეთ საქართველოს მცხოვრებ ქართველთაგან, რომელნიც თავიანთ მოსამზღვრეობით ჰაოსიანთ კუთხეებს ესამზღვრებოდნენ, ანუ დიდის და მცირე ნაწილის არმენიას. მხოლოდ ამათში ვერ მოიკიდა ახალმა სარწმუნოებრივმა განკარგულებამ საძირკველი. ჰაოსიანებთან ახლოს მცხოვრებთ ქართველთ ასეთ ჰაოსიანთ ეკლესიის და მის მაღიარებელთ რიცხვის ცხოვრებაც იწვევდა, ნამეტურ

ნათესავური კავშირი, რაც ამ ორ გვარ შორის აღრიდგანვე დაი-  
წერგა სარწმუნოების მხრით.

ბერდუჯელნი ქართველნი იტყოდნენ: „ჩვენ ასე აღვიღად  
ვერ გადავალთ მამაპაპის სჯულიდამ და ვერ ვიწამებთ ახალს  
მოდღვრებას, ჩვენ დავშთებით ისევ ისე, როგორც ვყოფილ-  
ვართ აქამდე, ერთის სჯულიდამ მეორეზედ გადასვლა სამძიმო  
იქნებაო“. ასე და ამ გვარად, ძირეულ ქართველ გვარის კარგა  
დიდი რიცხვი დარჩა იმ ეკლესიის კერძ, რომელ ეკლესიაც  
ჰაოსიანთ საკუთრებას შეადგენდა, ე. ი. ქართველ გვარის ერს  
სულიერი დაკავშირება უნდა მიეღო ჰაოსიანებთან ერთად.  
მართლაც ეს ასეც მოხდა და ნელნელა დროის განმავლობის  
მეოხებით ქართველნი სასტიკათ დაექვემდებარნენ ჰაოსიანთ  
ეკლესიის წესებს, ქართველნი განდრკენ ახალს მერჯულს ქარ-  
თველთაგან, განირჩნენ მათგან სასტიკათ, მის ნაცვლად იწყეს  
ჰაოსიანთ ეკლესიის წესებზედ მკვიდრად აღმოცენება. მალე  
ისე მოიმართა საქმე, რომ მთელ სამხრეთ საქართველოს ერს  
რბილსა და ძვალში ჰაოსიანთ ეკლესიის წესები და მალიარებ-  
ლობა ქვა კუთხედათ გარდაექცათ, ქართველთ საეკლესიო ენათ  
ჰაოსიანთ ენა შეიქმნა და მათს ენაზედ ეკლესიაში საეკლესიო  
წიგნების ხმარება და ჰაოსიანთ ლოცვა. ერთის სიტყვით,  
ქართველ გვარის ქართველი უკანასკნელ ქართველობისას ყო-  
ველივეს უნდა გამოსთხოვებოდა და პირდაპირ მის მაგიერ  
ჰაოსიანთ წესები, ენა და მიდრეკილებანი უნდა ჩაენერგა,  
რასაც თვით ჰაოსიანთ ეკლესიაც ამტკიცებდა და წერგავდა  
მათში, იგი ისეთ საეკლესიო ძალათ გარდიქცა და იმისთანა  
საკუთრებად ჰაოსიანთ ერის, რაც სხვა ტომის კაცთა რიცხვს  
უაღვილესად ჰყლაპავდა, მათ გვარტომობას ისლამივით სპობ-  
და. როგორც სამხრეთ საქართველო აღიარებდა ჰაოსიანთ ეკ-  
ლესიის წესებს, ისევე აღიარებდა მთელი კახეთის ერიც, კა-  
ხელნიც ასევე იტყოდნენ: „ძველ მამა-პაპათა სჯულიდან გარდა-  
მავლობას ვერ ვიტვირთებთ“. როგორც სამხრეთ საქართველოს  
ქართველნი, კახელნიც ისევე დაშთნენ ჰაოსიანთ ეკლესიის კერძ,

ფითარცა სამხრეთ ქართველნი. ამიტომ ესეთი გარემოება და-  
ნარჩენ ქართველთ დიდათ აფიქრებდა. ასე, ქართლის ცხოვ-  
რების სიტყვით კახეთის ქართველობა მხოლოდ X საუკუნის  
დამდეგს იქმნა მართლმადიდებელ ეკლესიასთან დაკავშირებუ-  
ლი, ისიც ძალით და ძალაობით ქართველთ დინარ დედოფ-  
ლის წყალობით და შრომით \*). უნდა ითქვას, რომ კახეთში  
ჰაოსიანთ ეკლესიას მარტოდ ერთი ემორჩილებოდა, მთავარნი  
და მეფენი კი მართლ-მადიდებლობას აღიარებდნენ.

ასე და ამ გვარად, ჩვენ რომ გავსინჯოთ პირველ დრო-  
ის ქართველთ ერის ეკლესიური ისტორია, გავიცნათ მისი გვ-  
რემოება და ქართველთ პირობები, მაშინ ჩვენ ცხადათ დაე-  
რწმუნდებით, რომ ქართველთ თავიანთ გვარიდამ გარდამავ-  
ლობა და გადასხვაფერება, გადაგვარება თვით ქრისტიანობის  
განმტკიცების შემდეგიდამვე მოჰვლენიათ კარს და მის მეოხე-  
ბით საქართველოს კიდევებისაკენ, ძრიელ ბევრს ალაგას ქარ-  
თველნი თავის გვაროვნობით სამუდამოთ მოსცილებიან საქარ-  
თველოს, ქართველობას, ქართულს ენას და მის ნაცვლად ჩა-  
უნერგავთ ის ენა და წეს-ჩვეულებანი, რომელ ერის ენის სა-  
სულიერო წიგნებიც მათს ეკლესიაში ყოფილა გამეფებული.  
ასე, რომ ქართველთაგანნი ძველადგანვე განერიცხნენ ქარ-  
თველთა გვაროვნობას მრავლად და მათ პირდაპირ ჰაოსიანო-  
ბა იწყეს, სამერმისოდ ნამდვილ ჰაოსიანად აღმოცენება. სა-  
ქართველოში ქართველთ რიცხვი ძველადგანვე შესამნეჩვი ყო-  
ფილა და მასთან მრავალ ალაგასაც. ასე იყო ეს და მის მო-  
დავით არც ქართველები ხდებოდნენ, ძველად ქრისტიანობის  
ასპარეზი ქართველთათვის ერთი იყო; მასზედ ქართველთა  
გინდ კათოლიკის სჯულის ყოფილიყო, გინდ გრიგორიანის  
და გინდ მართლმადიდებელი, ეს ორივე ერთი იყო მათთვის. ამ  
გარემოებას ქართველთ ცხოვრების საკმარისი მნიშვნელობა უნ-  
და მიეცეს, რადგანაც მან თავისებური მახვილი მოინარუქა და

\*) ქართ. ცხოვრება ტ. I.

ქართველ ერს ბევრნაირი ზარალიც მოუვიდა, დღეს, ქართველთ ძველი ინდიფერენტული შეხედულების ნაყოფი ცხადი არის და ქართველი ყველგან სარწმუნოების მეოხებით ჰკარგავს თავის გვარს, ენას და მამა-პაპათა ხსოვნას და მის სიყვარულს.

ბევრჯერ გვითქვამს და აქაც ვიტყვით, რომ ქართველ კაცს არა აქვს თავის საგვაროვნო ეკლესია, სარწმუნოება, თავის საკუთარს აგებულებაზედ დამკვიდრებული ძალა. ქართველი ერი ხან ერთის ერის უცხოების საკუთრებას ითვისებდა და ხან მეორესას, ყოველს შემთხვევაში კი მისთვის არც ერთი შთებოდა ფარსაგად და არც მეორე, ერთიც ხელს აგლებდა და მეორეც. ქართველმა მიიღო მართლმადიდებლობა და მის მეოხებით იგი ძველადგანვე გვაროვნობითაც დაუკავშირდა მათ და უკანასკნელ ასეთის დაკავშირების საშუალებით გადაგვარდნენ კიდევ. გარდა ამისა ქართველმა მიიღო მუსულმანობა, დაუკავშირდა თათრის ტომის სარწმუნოებას და მის საშუალებით და ზე გავლენით მან დაკარგა თავისი ყოველივე გვაროვნების და ენის და მის მაგიერ შეიკავშირა თათრის წესი, ზნე, ჩვეულება, ენა და თვისებაც კი. თავის მამაპაპათ მტრათ აღმოუჩნდა და მით ოთხი წილი ქართველობის დღეს გათათრებულია ყველაფრით. ესეთია ქართველი კაცის თვისება, ასე ღუნეა მისი ბუნება და იგი დაკარგვის გარეშე სხვაგან ვერსად იჩენს ძალას. ქართველმა მიიღო კათოლიკობა და მითაც არ დარჩა იგი ქართველათ, ერთმა ნაწილმა კათოლიკობის მეოხებით ჰაოსიანური ენა შეითვისა, მეორე ნაწილმა თათრული და მესამემ ქალდეური. ქართველი დაუკავშირდა გრიგორიანობას და უნდა ითქვას, რომ არც ამით იქმნა იგი განრინებული და მორჩენილი გვაროვნულის გადაყლაპვისაგან. დღეს მეტად დიდი რიცხვი ლაპარაკობს ქართველი ჰაოსიანურს ენაზედ. ქართველი კაცი სადაც კი წავა და ან გადასახლდება, უსათუოდ იქ მოიკიდებს ბინას, იქ გახდება მისი სამშობლოს მთა-ბარი და მის მამაპაპათა მო

საგონარი ყოველივე კი განელდება, გაქრება და მით დავიწყებას მიეცემა. ესეთი მიდრეკილება დღეს ქართველებს ცხადათ ეტყობათ. დღეს ქართველნი ამბობენ თამამად— „სომეხმა ხმალი აიღო, ქართველმა სომხის დავთარი“ ეს იქმნება ზოგიერთმა კაცებით მიიღოს, ჩვენ კი ქებათ ჩავითვლით, სწორეთაც ასე უნდა იყოს, დროა უკვე რომ ქართველმაც თვალი გაახილოს, აიღოს ხელში სავაჭრო დავთარი და მის გზასა და კვალსაც შეუდგეს. დღეს ეს დავთარი და ანგარიში გახლავსთ ბევრისთვის ცხოვრების ასპარეზზედ იარაღად გამხდარი, უამისოდ ჩვენი დაწინაურება ერთის მხრით შეუძლებელიც გახდება. დავთრის აღება კაცს არას ავენებს, თუ ის თავის ეროვნულის დედა ჰაზრებით მტკიცეთ დაშთება, არსად და არას დროს თავის ვინაობის ხსოვნას არ დაჰკარგავს. უამისოდ კი კაცი რა უნდა იყოს, ან იგი რას უნდა წარმოადგენდეს, არაფერს. დღესაც, თვით შუაგულ ქართლში, გრიგორიანთ სარწმუნოების მექონნი ქართველნი მოიძულეებენ თვით ქართულს ენას და მის მაგიერ იწყებენ მათთვის უცხო ენაზედ საუბარს. ამასაც არ კმარულობენ და თვით ქართულს ენაზედ წერას, ან კითხვასაც აღარ სწავლობენ. საოცარია მეტად და მასთან სამწუხაროც, რომ შიგ შუა გულს ქართლში ნახავ ისეთ ქართველ ძირეულ გვარის კაცს, რომელმაც ქართული კითხვა არ იცის, ქართულის კითხვის გარდა რომ სიტყვა იყოს, მაშინ აღმოჩნდება, რომ მან ქართულ ენის გარდა სხვა ენა არც კი იცის, მაგრამ როცა კითხვა ჩამოვარდება, მაშინ ის თავის თავს სხვა გვარისად აღიარებს, ქართველობის მას არაფერი სწამს! როგორ არის ეს და რანაირად მოსდის მას, უმეცრებით თუ მეცნიერულად. ამაზედ ჩვენ არას ვიტყვი, აქ საქმე მარტოდ ფაქტის, ანუ გარემოების პირობათა ანუსხვას შეეხება. ერთს ასეთს მთავარს საყურადღებო საგანს წარმოადგენს ქართლ-კახეთ-იმერეთის და მასთან მთელს საქართველოში მცხოვრებთ იმ მკვიდრთ ქართველთ საქმე, რომელნიც შთამომავლობით ქართველ ტომს ეკუთვნიან, ხოლო

ლო სარწმუნოებით გრიგორიანებს, რაის საშუალებითაც იგინი უკანასკნელ ტომიდან გარდამავლობას სჩემობენ და ქართველობის უარ-ყოფას, რასაც თვით კლერიკალური ეკლესიაც უწყობს ხელს,

## II

როცა ასეთ ქართველ გრიგორიანებზედ სადმე სიტყვა წამოვარდნილა, სჯა ამტყდარა და ბაასი, იქ თუ ყოფილა ვინმე ჰაოსიანთაგანი, იმას მაშინათვე თამამად უთქვამს, რომ საქართველოს გრიგორიანები ნამდვილ ჰაოსიანები არიანო და მათი შთამამავალნიო. სხვა-და-სხვა დროს ჰაისტანიდამ საქართველოში გადმოსახლებულნი, ქართველებთან ერთად დასახლებულნი, უკანასკნელ ენით და ჩვეულებით გაქართველებულნიო, ხოლო ეკლესიის წეს-რიგით ძველს სარწმუნოებაზედ დაშთენილიო.

ეს გახლავსთ უმთავრესი საფუძველი ყველა ისეთ პირების, რომელნიც კი თავიანთ მოსაზრებას და შეხედულებას ასეთს საოცნებოს მოსაზრებაზედ ამყარებენ, საღს, ლოლიკურს მოსაზრებას უბრალო საგვაროვნო საკმელს უკმევენ, გამქრალს სამთელს უსინათლოდ უნთებენ, ყოველივე ისტორიულს ცნობას და მოსაზრებას თავისებურად აზავებენ, თვისებურად რთავენ და აკეკლუცებენ, ამის შნოც შესწევთ მათ, ამის ოსტატებიც არიან, ხოლო ეს ოსტატობა ერთობ უნაყოფოა უნიადაგო და ფუყი, საღს მოსაზრებას და კრიტიკას მკაცრად მოცილებული.

საქმე და საგანი რომ მკაცრად გავარკვიოთ და გავიცნათ, ეს მაშინ კი ასე არ გამოვა. საქართველოს გრიგორიანებში ჩვენ ვნახავთ ბევრს ისეთებსაც, რომელნიც გრიგორიანობას მხოლოდ სარწმუნოებით ეკუთვნიან, თორემ გვაროვნობით იგინი ისეთივე ქართველები არიან როგორც ერთი

და ორი ქართველი. ამას ცხადათ დაასაბუთებს ის გარემოება და სტატისტიკის ცოდნა, თუ სხვა-და-სხვა დროს საქართველოში სომეხთა რიცხვი რა ზომის მოდიოდა და სახლდებოდა. ამ გარემოების ისტორიული სტატისტიკა ჩვენ შესწავლილი გვაქვს და უეჭველია ამიტომ აქ ამაზედ: ცილს არავინ დაგვწამებს, ჩვენს ცნობებს ქეშმარიტებათ მიიღებენ.

მოგეხსენებათ, რომ სამწუხაროდ სომეხთა დაცემა და ძირიან-ფესვიანად ამოგდება XII საუკ. დამდეგს მიეწერება. ამ დროს, სომხეთში, სომეხებს ისე გაუჭირდათ, რომ იგინი სომხეთიდგან გადასახლდნენ ჰოლონეთს, ინდოეთს, საბერძნეთს, სპარსეთს და სხვაგანაც. ასევე მოხდა და დავით აღმაშენებელმა ქართლში გადმოსახლა 100 კომლი სომეხთ ოჯახებისა. ეს სომეხნი მაშინ დასახლდნენ გორს, ახალქალაქს, ახალგორს და ცხინვალს. თითო სოფელში არა უმეტეს 20 კომლის. სხვა უცხო ქვეყნებში სომეხები ასი და ორასი კომლობით მიდიოდნენ და საქართველოში კი მცირედ მოვიდნენ, მიზეზი ამისა ის იყო, რომ დავით აღმაშენებელს სომეხთა დაპნევა სომხეთიდგან არ უნდოდა, იგი ამაგრებდა მათ და იმედს აღწევდა სომეხთა კვალად აღდგენის, სომხეთში ფეხის გამაგრებას და ამიტომ არსად გადასახლებას. ამას იგი მით უფრო საჭიროებდა, რადგანაც ჭკვიანი კაცი იყო, მას დიდათ ენატრებოდა, რომ საქართველოს მოსახლვრეთ სომეხებს სომხეთში ფეხი გაემაგრებინათ, ქართველებს ქრისტიან მოსახლვრეები ჰყოლოდათ მეზობლად.

მაშასადამე დავით აღმაშენებელი თუ ასე ფიქრობდა სომეხთა შესახებ, იგი მათ გადასახლებას აქა იქ ყოველთვის კრძალვით მოეპყრობოდა, სომეხთა დაპნევას და თუნდ საქართველოში გადმოსახლებას სულ არ შეუწყობდა ხელს, რადგანაც ეს გარემოება მის სახელმწიფო გამგეობის ნიჭიერებას შეადგენდა და სომეხთა გადმოსახლება საქართველოში რათ იქმნებოდა საჭირო, როცა იგი სომეხთა დამოუკიდებელ ცხოვრებას და სომხეთის არსებობას აუცილებლათ ითხოვდა; სო-

შხეთის არსებობა მას საქართველოს ძლიერებათ მიაჩნდა და ამიტომ იგი სომეხთა დაპყროვას დიდათაც ეკრძალებოდა, ერიდებოდა. ასე რომ საქართველოში, დავით აღმაშენებელის დროს სულ 100 კომლი გადმოსახლდა და აქედამ ოც-ოცი კომლი იქმნა ზემოხსენებულს სოფლებსა და ქალაქებში დასახლებულნი.

ამ პირველ გადმოსულ სომეხთა რიცხვის შესახებ სომეხთა შესწავლულნი სხვა აზრისანი არიან, მათის ფიქრით, კახეთის და ქართლის მცხოვრებთა რიცხვის უმეტესი ნაწილი მთლად სომეხებისაგან შესდგებაო. ამ მოსაზრებას იგინი აწინდელის ცრობების წყალობით ჰფიქრობენ, რადგანაც დღეს საქართველოში გრიგორიანთა რიცხვი ასეა გამრავლებულიო. ამიტომ იგინი ძველადაც მრავლად იქნებოდნენო. სხვა რამ ცნობები ამ პირველ გადმოსახლებულთა რიცხვის შესახებ მათ არაფერი აქვსთ. ამ პირველ გადმოსახლებულთ რიცხვის შესახებ ჩვენი მატთანე 100 კომლს უჩვენებს და უნდა ითქვას, რომ ეს მართალიც იმნება, ამას ექვი არ უნდა, ტყუილის თქმა მათთვის საჭირო არ იყო, არც იყო ამისი დრო, რომ მათ ტყუილები რამეში გამოეყენებინათ. ასე და ამ გვარად ჩვენ ვიცით, რომ დავით აღმაშენებელისაგან ქართლში სომეხთა 100 კომლი იქმნა დასახლებული, შენიშნულია, რომ 100 კომლში რამდენიმე ალებ-მიცემის პირიც რეულან და ამიტომ შემდეგ დროში მთელი მათი ჯგუფიც ალებ-მიცემას მიეცა. მერე ესენი ვაჭრობის ასპარეზზედ უფრო დახელოვნდნენ—განვითარდნენ. ყველა ამათ თავ-თავის სოფლებში გააქეთეს სომეხთა ეკლესიები, ამისთვის სამეფოც აძლევდა დახმარებას.

ამავე დროს, თფილისშიაც გადმოსახლდნენ რამდენიმე ოჯახნი სომეხთა, რასაკვირველია ვაჭრობის მხრით, მათი რიცხვი თფილისში ისე განდიდნა, რომ მალე ეკლესიაც გაიკეთეს. თფილისში სომეხებს XII საუკუნედამ აქვდათ მხოლოდ ერთი საყდარი. სომეხთა პირველ გადმოსახლების ისტორი-



რია ასეთია. თუ მხედველობაში იმას ვიქონიებთ, რომ ივანე და ზაქარია მხარგრძელნი საქართველოში რომ მოვიდნენ, მაშინ მათ სომხეთიდან სომეხთა ყმანიც გადმოჰყვენენ და მათთან დასახლდნენო, დიახ ჩვენ ამ გარემოებას არ ვეწინააღმდეგებით, ხოლო ისიც ვიცით, რომ ივანესა და ზაქარიას წინაპრებს საქართველოში სომეხთა გლეხთაგანნი მხოლოდ ხელზედ მოსამსახურენი ჰყვანდნენ. სხვა არავინ, მხვენელ მთესველ გლეხთა რიცხვი მათ არ ჰყვანდათ, მათ უმეტესად მეფეთაგან სამსახურის გამო ქართველი გლეხნი ეძლეოდათ ყმებათ.

აი ასეთი გახლავსთ პირველ გადმოსახლების ცნობა და მათი რიცხვიც ერთობ მცირეა. XII საუკუნის ნახევრიდამ კი მართლაცა და სომხებმა ვაჭრობის და ხელოსნობის მხრით თფილისში იწყეს გადმოსახლება და ცხოვრება. ისიც მართალია, რომ თფილისში მცხოვრებ ვაჭარ სომხებს ხანდისხან სომხეთიდან თანამემამულენიც მოსდევდნენ და საქართველოს მეფეს ეკედლებოდნენ, მაგრამ უნდა ითქვას, რომ არც მათი რიცხვი იყო დიდი. სამს, ოთხს ან ხუთს კომლს არ აღემატებოდა და ამიტომ მათ ასახლებდნენ თფილისის ახლო-მახლო სოფლებში, მაგალითებრ წყნეთს, ავჭალას, მცხეთას, წავეკის, ტაბახმელას, ვაშლოვანს, კოდას და სხვაგანაც ამ დროს არიან დასახლებულნი და მერე გამრავლებულნი იქ. მცირე ოდენ ნაწილის სომეხთა დასახლების კახეთშიაც სწორედ ამ დროს ეკუთვნის, სულ ორ სამ ალაგას.

ჩვენ კარგად ვიცით, რომ სომეხთა მსწავლულნი ასეთ მოსაზრებას შორს გაუბიან და იგინი ემორჩილებიან სხვათა გულის თქმას, სხვათა ისტორიულს გამაცდუნებელს ცნებას. რაის წყალობითაც იგინი ცხარე პატრიოტულ მორევის ზვირთებშიაც სცურდებიან და მით ყოველთვის მრავალნაირს საგვაროვნო მტრობის შეცდომაშიაც არიან ჩავარდნილნი. შემცდართ აღარ ესმით თავიანთი ვითარება და ამიტომ ხშირად უძლეური ებრძვის უძლეურს, ანუ დაჩაგრული სჩაგრავს დაჩაგ-

რულს, იბრიყვებს და იკაჯებს მას, უძლური ძლიერის წინაშე ვერას აწყობს, მძლავრი ძლიერდება და მაგრდება. უძლური რაც უნდ მაგარი იყოს, მაინც ვერას გააწყობს, უძლურ ოჯახს მძლავრი სჭამს, ჩვენც ქართველებს ასე გვიხდება. დღეს ქართველ კაცის ცხოვრებაც სწორედ ასეთს სურათს წარმოადგენს, ისე ადვილად დასარბევი არც ერთი კაცია როგორც ქართველი, ისე დასაჩაგრი ჩვენს დროში არც ერთი ერი, როგორც ქართველი.

მერე რას უნდა გვანდეს ის გარემოება, დაუძლურებული ერთ თავისავე მსგავსად დამონებულს ერს ებრძოდეს. ბრძოლას გარეშე თვით მიწაზედაც ართხამდეს? ასეთ გარემოებას არც ქართველნი ეწინააღმდეგებიან, იგინი ყველას ნებას აძლევენ, რომ მათზედ ინავარდონ! ამ გულ-გრილობით გამოდის ის, რომ ქართველი ადვილათ ეძლევა გადაგვარებას, იგი თვით აძლევს სხვათა ნებას, რომ მათ ქართველებს თვის თანამემამულენი მოაცილონ და მათში უცხოობა ჩააგდონ, ქართველს ამის შეგნება ძველადგანვე არ ჰქონდა შეგნებული და მიტომაც არის რომ დღეს ქართველი საგვარტომო ასპარეზზე ერთობ უძლურია, მხატვ, შეუგნებელი და სხვათა წინაშე ეროვნების დამთმობი. ასეთი უკულმართობა ქართველებს რამდენადაც უგულობით და გულგრილობით მოსდით, იმდენათვე ვითომც და მათ კოსმოპოლიტობისაც სცხიათ რამე, ხომ მოგეხსენებათ: ხანა კუჭისა არის, ჯიბისა, ერთმანეთის გადაწვისა და წართმევისა, ყველაზედ უფრო კი უძლურთ ულაპის, რომელ საქმის მოძღვრებასაც ხშირად დიდებულის დარვინის მოძღვრებითაც მოსვენ და შით ამახინჯებენ თვით დიდებულ დარვინის მოძღვრებასაც.

ასეა ყველგან, სადაც განვითარება თავის ზომიერების წარმატებით არ იწევს წინ, ერში ნათელს მიდრეკილებას დიდი სიწინააღმდეგობის გამაძვირებულის სხივები არ ენიჭება. ქართველებიც როგორც წყალ-წალბებულნი, ვინ იცის რის მორევში არავცურავთ და ვტოპავთ. ყველაფერს ვეპოტინებით და არც

ერთის სატოპის მეცნიერული ძალაკი არ შეგვწევს, ქართველებში ყველა მეცნიერია, ყველას ყელში ებჯინება სიბრძნე, მეცნიერებით აღჭურვილებმა აღარ იციან რა ქმნან, საით წავიდნენ, ვის ეცნენ, ვინ დასცენ, ვის წინ იღვაწონ, ასეთ დამთვრალ ქართველთათვის აღარც მათი სამშობლოა, აღარც მათი დატანჯული ერის ცხოვრება გახლავთ საყურადღებოთ, არც წარსული, არც აწმყო, არც მომავალი, ყველაფერზედ ხელი აქვთ აღებული, მათთვის ყველაფერი გამქრალა, ყველაფერს ჩაილულის წყალი დაუღვეია, დღეინდელ ქართველს არ აცხოვლებს მის ეროვნების სიყვარული, ქართველობა, ქართველთ უძველესი მნიშვნელობა, მათი კულტურა. ასე გათახსირდით, ასე დავკნინდით და მიტომაც არის, რომ ჩვენს ქვეყანაში მოსულნი და შემოხიზნულნი ასე ცოცხით გვერეკებიან და გველალებიან, ასეთ დასაგველ ერისთვის აღარ არის დრო, რომ მან თავის ვინაობისა და ვითარებაზედაც იფიქროს. დღეინდელი ქართველი არის მხოლოდ სამწუხარო სურათი მამულების გაყიდვის, შექმის, გაფლანგვის, ყომარბაზობის, დავი-დარაბის, ძმათა და გაჭირებულთ არ გაკითხვის და ათასი ც სხვანი.

ქართველთ წინაშე შექმნეს და გამოაქვეყნეს მეგრული ანბანი, მოგეხსენებათ ხომ მეგრელები, ამაზედ ქართველებს განმარტება და ახსნა აღარ დასჭირდებათ. მეცნიერულმა ენათმეცნიერებამ უკვე შეიმუშავა და გამოაქვეყნა ქეშმარიტება მეგრული ენის ნათესავობის და კილო კავების ქართულს ენასთან. ეს ყველა მსწავლულისათვის ცხადი ქეშმარიტება არის და ყოველმა ბრძენმა კარგად იცის ნათესაობა მეგრულის ენისა ქართულ ენასთან. ამ საგანთა გამოცნობა და ისტორიისთვის თვალ-ხილულს გეგმას შეადგენს, რომელსა დასაძინებდა და თუბა აღარ სჭირია. თუმცა შესმენილ და „ენათმეცნიერება“ მკოდნეთათვის ეს დამტკიცებული ქეშმარიტება უნდა იყოს და დაურღვეველი საძირკველი ყოველნათვის მართლმსაჯულების, მაგრამ დღეს, ჩვენთ შორის, ამ სიმათოლეს დიდი

არაფერი აღილი უკავია ზე ქართველის ერის წინაშე თვალხილულათ და თამამად შეიქმნა და გამოქვეყნდა მეგრული ანბანი.

ვაი ჩვენს თავს და ვაი ქართველის ხსენებას, სადაც სიტყვა ქართველი შემხვდება, იქ უსათუოდ უნდა ვიგულისხმოდ სიტყვა ზარმაცობისა, უზღედლობისა, უჯიშობისა და ყოველნაირის ვერაგობის და უბედურებისა, ქართველი მხოლოდ ამის მსხვერპლია, ამის მონა არის, სხვა რამ საქმეთა მიხვედრა და მცნება ბუნებას მათთვის თითქოს არ დაუნიშნავს, არაფერი დაუდგენია. მეგრულ ანბანის შექმნა არის საგანი და გასაღები იმ კარისა, რითაც ქართული ენა უნდა ვანცალკევდეს მეგრელთაგან, იქ ქართული უნდა ამოვარდეს. მერე რას ვზრუნავთ ამისთვის ჩვენ? არაფერს, სამწუხაროდ მეგრული ანბანი თვით ქართველისაგან შესდგა და მისგანვე გამოქვეყნდა მეგრული ანბანის ენის სხვაობა.

მეგრულს გარდა მოიგონეს აფხაზური ანბანიც. ვგონებთ ყველამ ვიციტ აფხაზეთის კავშირი ქართლ-იმერეთთან. საქართველო იწოდებოდა აფხაზთ-საქართველოთ; ასევე „აფხაზთ იმერთ კათოლიკოზნი“ და აფხაზეთში ნაშენი ბაგრატ მესამის და მეოთხის, დავით აღმაშენებლის ტაძრებიც ხომ ცხადათ მოწმობს მათს ქართულ ენასთან ღვიძლს ნათესავეობას. მაგრამ მაინც ბოროტებამ თავისი გაიტანა, ჯერეთ ისლამის მახვილმა მოგვაცილა იგინი და გაათათრეს და უკანასკნელ ენითაც განგვეთვისნენ და მთლად დაგველუპნენ. ისლამის მიღებამდე, ყოველმა აფხაზმა ქართული ენა ისე იცოდა როგორც აფხაზური, ღმერთს ქართული ლოცვებით აღიდებდენ ქართულ საეკლესიო ენაც კი იცოდენ კარგად. სადღეისოდ იქ ქართული ენა ჯერეთ ისლამის მახვილმა დასცა და ახლა ჩვენი მთავრობის წინაშე ყოფილ ბოროტ პედაგოგებმა.

სვანური ანბანიც გააკეთეს, რადგანაც სვანებიც სხვა ხალხათ იცნეს, სვანების უცხოობა კი ფისმე კაცთაგან შეუძლებელია, ამას გვაჩვენებს მათი ლექსიკურად სიტყვები შესწავლა, სვანეთში დაშთენილი სხვა-და-სხვა ძველი საეკლესიო

სიო ნივთები და ნაშთები ხომ ცხადათ მოწმობენ იქ ქართული ენის სიმძლავრეს და სიწმინდეს, მაგრამ ამასთან საქმე არავის არა აქვს, მათთვის შეიქმნა სვანური ანბანი, თუმცა ეს ანბანი დღესაც მკვდრათა ჰყრია მათში, მასზედ უბრალოდ დაკარგეს დრო და ფული, ამაზედ ჟურნალ-გაზეთებში სჯა და კამათი იყო ბევრჯერ. არც ეს გვაკმარეს და ერთ დროს ხელი მიჰყვეს სხვებსაც.

თუშურ ანბანსაც დაუწყეს ძიება და შედგენის ნატვრა. ოსური ანბანიც ხომ შეადგინეს და წიგნების ბეჭდვაც დაიწყეს. ოსეთის ერის ნათესავობა მთელის წარსულით, მის აგებულებით და ენით ცხადათ არის დამტკიცებული. ოსეთში ძველადგანვე იყო ქართული ანბანი გავრცელებული, **XVIII** საუკ. მათთვის ქართულის მხედრულის და ხუცურის ასოებით წიგნებიც იბეჭდებოდა, დღეს კი ყოველივე ამოვარდა მათში. ოსები მოგვცილდნენ ხორციელად და სულიერადაც, ენითაც. ქართული ანბანი ნატამალობს მათში.

ჩვენ ყველამ კარგად ვიცით, ქართული ანბანი ისეთის ხალსავსეობით არის შედგენილი, რომ იგი ქართველთ საკუთრებას გარდა უტყუარს საკუთრებას შეადგენს ოსისაც, თუშის, აფხაზის, სვანის და სხვათაც. ქართველ ბრძენ კაცთა როცა ქართული ანბანი შეუდგენიათ, მაშინ მათ სახეში ცხადათ ჰქონიათ გამოხატული კავკასიის კუთხეებსა და მთებში მცხოვრებთ მთიულთა ხმათა ვითარება და გამოხატულება. ქართული ანბანი ამ ხალხთათვის ისეთის სისრულით არის შედგენილი, რაც მასზედ უკეთესი სხვა არა იქმნება-რა. ამაზედ უკეთეს მათთვის ვერავინ რას მოიგონებს. ქართული ანბანი რამდენათაც ქართველის საკუთრებას შეადგენს იმდენივე საკუთრება გახლავსთ ოსების, სვანების, აფხაზების, მეგრელების და სხვათაცა. მათგან ამ ენის ძველი ანბანის დათმობა იქმნება მამა-პაპათა შეურაცხოფვა, შეგინება იმ ბერძენ ქართველ მუშაკთ შრომისა ვინც კი ამისთვის იზრუნეს და ასეთი მშვენიერი სრული ანბანიც შეადგინეს და გამოაქვეყნეს.

განა სამწუხარო არ უნდა იყოს ეს თვით მთიელთათვის, რომ მათ რამდენიმე ათას წლის განმავლობაში ჰყრობილი ანბანი წაერთვათ ხელიდამა და მის მაგიერ სხვა მიეცათ. განა ამის ნება უნდა მისცენ მათ, რასაკვირველია არა, მაგრამ იგინი ისეთ მცონარეობაში შთავარდნენ და ისე დაიხვეწნენ ჩვენსავე, რომ მათ ამ გარემოების საწინააღმდეგო ძალა სულ ვერ გამოიჩინეს. ვერაფერი პროტესტი გაუწიეს, განა სამართალია ესა? ასე დაქვეითება და დაბრიყვება განა შეიძლება კიდევ რამისა, რასაკვირველია არა, თვინიერ ქართველებისა. განა კანონია ეს, რომ ერს, რომელსაც ქართული ანბანი რამდენიმე ათასი წლის განმავლობაში ჰკავებია; რაც ქართველთ ისეთის სისრულით შეუდგენიათ, რაც მომავალში მთიელთათვისაც სრულ სახეთ შექმნილა, მთელს ქართველ მთიელთა კილოკავენის და ხმათა და ბგერათა გამომხატველად, რომელ ანბანიც უამთა ვითარების წყალობით მათთვისაც ისეთივე საკუთრებად შეადგენს, როგორც თვით ქართველთათვის, დღესკი ისეთ ერს, ხელიდამ ერთმევა ეს მამაპაპეული ბრძნული ნაშთი და ამ უბედურების უამს ქართველნი და მათთან ერთად მთიელნიც ხმას, კრინტს არ იღებენ. ამ საგანს ყურადღება უნდა მიექცეს აუცილებლად თუ ჩვენს სამოსწავლო ასპარეზზედ რიალური პედაგოგია მართავს და ბრძანებლობს.

ამაებს გარდა, ქართველთ წინაშე სხვა ტომთა და ძეთა ანბანის საქმეთა გოდლილნიც ახშენდნენ, ესენი არის შემდეგნი:

ქართველ კათოლიკობა განეთვისა ქართველობას, **XVIII** საუკუნის ნახევარს, მათში ბევრს ალაგას ამოვარდა ქართული ენა და დღეს ისინი „ჰაი-კათოლიკებათ“ იწოდებიან. ამათი ისტორია ცხადია, კარგად სჩანს, რომ ქართველ კათოლიკენიც არიან.

ქართველ მაჰმადიანთა გარემოებაც ხომ მრავალ მხროვანია და გათახსირებული. ამათთვის დაარსდა „კავკასიის ქრისტიანობის აღმადგინებელი საზოგადოება“ და მათ საქმეთათ-

ვის შეიკრიბა ფული, გამოიძებნა ძირითადი თანხა და დღეს-კი ეს ფული მათ დანიშვნისამებრ კი არა ხმარდებათ, არამედ მალაქნებს და სექტანტებს. ქართველ მაჰმადიანებში არაბული ანბანია გავრცელებული, თუმცა ბევრს ამ ენის და ანბანის არაფერი ესმისთ. უკანასკნელად ოცმა ნაწილმა დაკარგა ქართული ენა და წერა კითხვა. დღეს მთელს ოსმალეთის საქართველოში მხოლოდ ბათუმს და ართვინის ოლქებში არის ქართულ მაჰმადიანთ შორის ქართული ენა შენახული. ბედმა ესენიც არ გვაკმარა, ახლა სხვაც ერთვის მას ზედ და ეს გახლავსთ შემდეგი.

ქართველ გრიგორიანობა საქართველოში ძველადგანვე არსებობს, ბევრის ჭეშმარიტის ცნობებით ცხადათ სჩანს, რომ საქართველოში, უმეტეს ალაგას, გრიგორიანები ტომით ქართველნი არიან, მაგრამ ჟამთა-ვითარების მეოხებით მათი ქართველობის ცნობები ისე გათახსირებულან და ისე გადაკეთებულა, რომ დღე ამის მოსაზრება აღარავის აქვს, ყველა ისე ფიქრობს, რომ საქართველოს სომეხები ნამდვილ ტომითაც სომეხები არიანო, მაგრამ ეს არ გახლავსთ ნამდვილი. ასეა ქართველთ საქმე დაყენებული.

### III

ყველამ ვიცით, რომ ქართლს, კახეთს, მესხეთს, ჯავახეთს და იმერეთს სომეხთა რიცხვი ძველადგანვე სცხოვრებდა, მათი რიცხვი პირველ დროს მცირე იყო და შემდეგ კი ისე იწყო მატება, რომ დღეს მთელი ქართლ-კახეთი და მასთან იმერეთიც სავსეა ქართველ გრიგორიანებით, მათ ყველას კარგად ეტყობათ რომ იგინი შთამომავლობით ნამდვილი ქართველები უნდა იყვნენ და არა სომეხნი, ყველა ეს კარგად ეტყობათ მათ, ვინც კი დააკვირდება, ყველა ცხადათ შენიშნავს რომ თუ სულ არა, უმეტესი ნაწილი ამ გრიგორიანებისა უნდა იყვნენ ნამდვილ შთამომავლობით ქართველნი. ამას ეჭვი და ყოყმანი არ უნდა, თუ კი ვინმე დააკვირდება.

სამწუხაროდ ამის დაკვირვება კი ქართველებს სრულებით არა აქვსთ, აქამდე ფიქრადაც არავის მოსვლია ქართველებში რომ ქართველთ შორის არიან ისეთი ქართველნიც, რომელნიც სარწმუნოებით გრიგორიანებს ეკუთვნიან.

ამიტომაც გახლავსთ და სულ მისი წყალობა არის, რომ ჰაოსიანთ მწერლები თამამად გაიძახიან, რომ ყველა ეს გლეხნი გვარ-ტომობით ჰაოსიანები არიანო. ესენი ამას გარდაწყვეტით ამბობენ და მთელ ქართლ-კახეთის ტეტია გლეხ-კაცობაში ერთსაც არ ხედავენ ქართველ გვარისას, არამედ ყველას სომხად აღიარებენ. რატომ?—ესეც შეიძლება რომ ასე იყოს, მაგრამ როცა ეს ასე არ არის, მაშინ ჩვენ რათ უნდა ვიქმნეთ თაღლითის ჰაზრით შეპყრობილნი და სავსენი. ყოველი მხარე ასეთ საგანთა და საქმეთა თხოულობს ნამდვილს ქეშმარიტს ისტორიულ ცნობებს და არა სიცრუეს. ასეთი სიცრუე მისაღები არ არის საგვარტომო საქმეთა კითხვების განსაზღვრაში.

საოცრება არის ქართველი კაცის საქმე, იგი თავის ვინაობის განსაზღვრაში კოსმოპოლიტია, იგი ამის ძიებას არ ელტვის. იგი რა სარწმუნოებასაც დაუკავშირდება, იმავე დროდგან ქართულს ივიწყებს და ეთვისება იმ ერის ენას, ვისის სარწმუნოებასაც დაუკავშირდა. ასეა ქართველი კაცის გონება დაქვეითებული და იგი თავის გვარ-ტომობას ყოველთვის სარწმუნოების ქვეშ აჩრდილებს. ამის მიზეზი ჩვენის ფიქრით იმაში უნდა იფარებოდეს, რომ ქართველს არა აქვს თავისი საკუთარი საგვარტომო ეკლესია, მისი ეკლესია დამოკიდებულია სხვათა წინაშე, ქართველი ხან ბერძენს ეკუთვნის და ხან სლავიანს. იგი სხვათა წესწყობილების შემყურებელია და სულ მისი წყალობა გახლავსთ, რომ ქართველს თავის თავი ხან ბერძნათ მიაჩნია და ხან სლავიანად. ხან კი ქართველთაც უნდა ითქვას, რომ ქართველთ შორის ეს იქნება იმ დრომდე, ვიდრე მათში ეკლესიას თავის განკერძოებული სახე არ მიეცემა, ვიდრე იგი თავის სულის ძალას არ ჩაიდგავს.



ან კიდევ ქართველი თუ სრულიად არ განთავისუფლდა ეკკლესიურის წესებისაგან.

სამწუხაროდ, ეს მართოდ ჩვენშია, ქართველებში, თორემ ევროპაში ეს ასე არ არის, იქ სარწმუნოების მხარეები გვარტომობის აჩრდილ ქვეშ იფარება. ევროპის რომელიმე ერთს გვარტომობის ერთ შორის რამდენიმე სარწმუნოების კაცი სცხოვრებს, მაგრამ არც ერთი მათგანი თქვენ არ გეტყვისთ, რომ იგი სხვა ტომს ეკუთვნის, ანუ იმ სარწმუნოების ერს და ენას, ვისი სარწმუნოებაც მას უკავია. მაგალითებრ საფრანგეთში, ფრანკუზებთ შორის რამდენიმე სარწმუნოების მალიარებელნი არიან, ზოგი ნემენცის სჯულს აღიარებს, ზოგი ინგლისის სჯულს, ზოგი სხვას, მაგრამ კითხვის დროს, არც ერთ მათგანი თქვენ არ გეტყვით, რომ იგი ფრანკუზი არ არის, ყველა იმას იტყვის რომ იგი გვარტომობით ფრანკუზია, ხოლო ეკკლესიით კი არა. ასევე გახლავსთ ნემენცებში, ამათში არიან ისეთნიც, რომელნიც კათოლიკის სარწმუნოებას აღიარებს, მაგრამ არც ერთ იმათგანი არ გეტყვის რომ იგი ნემენცი არ არის და კათოლიკეა, ასე ნათლად არის განსაზღვრული მათში ამის საქმე, იქ ეკკლესიას და მის წესებს თავისი გზა და კვალი აქვს და გვარტომობას კიდევ თავისი.

ეს მართოდ ჩვენში გახლავსთ, მართოდ ჩვენ გახლავართ ასეთ შეცდომებში ჩავარდნილი, დღეს, მთელმა საქართველოს ერმა რომ გრიგორიანთ სარწმუნოება მიიღოს, მის შემდეგ იგიც თავის გვარტომობას, ე. ი. ქართველობას უნდა გამოეთხოვოს, თავისი ყოველივე დავიწყებას უნდა მისცეს, მისი აღარა გაიგონოს-რა, აღარა გაიხსენოს-რა და იმ დღიდან უნდა საყოველთაოდ იძახოს ყველგან, რომ იგი გრიგორიანია არა მართო სჯულით არამედ გვარტომობითაც და მათს დედა ენასაც სომხური ენა შეადგენს. ასეთ გრიგორიან ქართველს თქვენ ვეღარ ათქმევინებთ, რომ იგი ქართველია და მის შთამომავალი, არამედ მემამიტად და უვიცურის სითამამით გეტყვის, რომ სომეხი ვარო.

შეიძლება, ვინ იცის, ეს სწორედ ასეც იყოს, მაგრამ ვიტყვით იმასაც, რომ ამ გვარის ერის საქართველოში გადმოსახლების შემდეგ იმდენი ხანი გასულა, მათზედ ისეთი დიდი ცვლილებანი მომხდარა, ბუნებას მათზედ ისეთი დიდი ზეგავლენა მოუხდენია და ისეთი ცვლილება, ცვლილება როგორც გარეგან, ისევე შინაგან, რაისა გამოძიება მისი, რომ საქართველოში მცხოვრებ გრიგორიანები ნამდვილად სომხის გვარისა ვართ და არა ქართველიო, ეს ჩვენის ფიქრით მეტი-მეტი უადგილო უნდა იყოს და მასთან უმნიშვნელოც, საღსლოდიკურს მოსაზრების დასკვნას მკაცრათ მოცილებული, რადგანაც ამ გვაროვნების ძიების ნიშან-წყალი მკაცრად აღგვიღა და მოსპობილა მათ შორის. რომ სომეხთ შორის ჩვენს წინააღმდეგ შური არ დაიბადოს, ამისთვის ვიტყვით გადაწყვეტით, რომ სომეხთა გადმოსახლების შემდეგ ერთობ დიდი ხანია გასული და ამიტომ მათი აქ ვინაობის ძებნა ქარის წისქვილს უნდა ჰგვანდეს.

ჩვენ, ზემოდ მოკლედ მოვიყვანედ ცნობა მის შესახებ, თუ XII საუკუნეში, სომხეთიდგან საქართველოში სომხების რამდენი მოსახლენი გადმოსახლდნენ. ეხლა აქ ავსუსხავთ შემდეგ დროთა გარდმოსახლების ცნობებსაც. მეორე გადმოსახლება სომეხთა საქართველოში შეეხება XV საუკუნეს, ამ საუკუნის განმავლობაში თფილისში იჩინეს თავი და გამრავლდნენ კიდევ, იმ დრომდე მათ თფილისში ერთი მღვდელი ჰყავდათ მერეკი მეორე მღვდელიც დააწესეს. XV საუკუნის სომეხთა გარდმოსახლების მიზეზათ გახლდა ოსმალთა მახვილი, სომეხთა დარბევა არმენიაში და მათგან ბიზანტიის იმპერიის დამხობა და განადგურება, ამ დროს მოსულ სომეხთა რიცხვის თფილის გარეშე დასახლებულ იქმნენ თითო ოროლა კომლნი აქა-იქ ისეთ სოფლებში სადაც ძველად მოსული სომეხნი ესახლნენ და მათ თავიანთი საყდრებიც აქვნდათ, თფილის გარშემო სოფლეში სწორედ ამ დროს გამოჩნდა თვალთსაჩინოთ სომეხთა რიცხვი, მაგრამ არც ისე დიდათ, რომ მი-

სი გაზვიადება შეიძლებოდა, უფრო თფილისში მცხოვრებ სომეხებს მიემატნენ და აქ იჩინეს თავი. შემდეგ დროს საქართველოში სომეხთა რიცხვის გადმოსახლდენ XVI საუკუნის გასულს. ამ დროდგან იწყება მათი გამოჩენა თფილისში, ვაჭრობის ასპარესზედ მოქალაქობით აღმოჩენა. შემდეგ გადმოსახლებულან კვალად XVII საუკუნის დასაწყისს, ამავე საუკუნეში თფილისში მათ გააკეთეს რამდენიმე საყდარი და ავლაბარში ხოჯი-ვანქის მონასტერი. ვანქი—სომეხურად მონასტერს ნიშნავს, მაშასადამე ეს სამონასტრო ვინმე ხოჯასი ყოფილა, მაინც მას ისტორიაკ ისეთი აქვს. მცირე ნაწილი სომეხთა გადმოსულ იქმნენ XVIII საუკუნის დამდეგსაც, მეტე 1760 წლებში რამდენიმე კომლი, მეფე ერეკლეს ხერხით, 1780 წ. გადმოსახლდენ კიდევ და მათი ნაწილის დასახლებულ იქმნენ ალვაბარში ძველად მოსულ და დასახლებულ სომეხებთანა. 1799 წ. გადმოსახლდნენ კვალად და 1800 წ. დასახლდნენ ბორჩალოს მაზრაში, შახრიმიანის მამულებზედ, რომელ მამულებიც მეფე ერეკლემ აჩუქა შახრიმიანს და ამისთვის თავადისშვილობაც მიუბოძა. აი ბატონებო სულ ესგახლავს სომეხთა საქართველოში გადმოსახლების სხვა-და-სხვა ხანად. ასე რომ თითო გადმოსვლა შესდგებოდა 30 მოსახლისაგან.

როგორც მოდიოდნენ აქა, სათქმელია ისიც, რომ საქართველოდამ ერთობ მრავლად მიდიოდნენ სხვა და სხვა ქვეყნებში ვაჭრობის მხრით და შემდეგ სულაც აღარ ბრუნდებოდნენ. ასეთია მაგალითებრ ვლადიკავკასის მხარე, საითაც სომეხობა საქართველოდამ ერთობ მრავლად მიდიოდნენ და სახლდებოდნენ.

საქართველოში გადმოსული სომეხნი ქართველებთან ცხოვრებას უადვილესად ეწყობოდნენ და ეთვისებოდნენ. ეს ჰაზრი ადრე გაზეთ „მშაკის“ ერთ ფელეტონშიაც გამოთქვა გრიქორ არწრუნმა. ამაზედ მე მქონდა პირადათ ლაპარაკი და მან ასე სთქვა: სომეხები ყოველთვის უფრო ეწყობოდნენ ქართველებთან ცხოვრებას, ვიდრე სხვა ტომის ერ-

თან. დიახ ეს ასე იყო და ქართველები მართლაცა და სომხებს, როგორც მონათესავე დაცემულ ერის შთამომავალთ დიდ ქომაგობას უჩენდნენ და პატივს აგებდნენ მოსახლეობის დროს, ქართველნი მათ უჩენდნენ ყოველნაირ დახმარებას ნივთიერად, საქონლით, საკვებით, ერთის სიტყვით ცხოვრების მოსაწყობლის ყოველნაირის იარაღით და სახსრით, ქართველთ ასეთი თავაზი და სიბრალული ჰქონდათ მათი, რომ მათ აძლევდნენ საჩუქრათ ზვით კარგად ნაშენ ძველს ქარველთა ტაძრებს, ციხეებს, მამულებს, ტყეებს, სოფლებს და სხვანი.

საყურადღებოა ის გარემოებაც, რომ ყოველ კეთილ მხარესთან ქართველნი არ ივიწყებდნენ სომეხთა გვარიშვილობით დაწინაურებასაც და მოქალაქობას გარეშე მათ აძლევდნენ თავადისშვილობას, აზნაურობას, სოფლებს, მამულებს და ქართველ გლეხებს ყმებათ. ასეთ წარმატებას და ამალლებას შეხიზნულ სომხებს არსად აძლევდნენ და ანიჭებდნენ, საქართველო და მისი სამეფო გამგეობა მაგალითი იყო ამისი და მიტომაც გახლდათ, რომ სომხები უფრო საქართველოს ეკედლებოდნენ და მის მოსამზღვრეთ ცხოვრებასაც ნატრობდნენ, რასაც მართლაცა და მათთვის კარგი შედეგიც მოსდევდა. საქართველოში მათს წარმატებას დიდათ უწყობდა ხელს ის გარემოებაც, რომ აგინი, როგორც დაცემულ სამეფოს ტომთა ძენი, გარდასახლებისაგან გამოწვეულ მოგზაურობის წყალობით უადვილესად გამოსცდიდნენ სხვა და სხვა სააღებ-მიცემო მოვლენათა და საქმეებს და მის საშუალებით უკანასკნელ ვაჭრობასაც ეჩვეოდნენ. საქართველოში მოსული სომეხნი კერძოთ ვაჭრობას მაინცა და მაინც არ მისდევდნენ, არა, მათ დარგს ჰმოსავდა და ანიჭებდა საქართველოს სამეფოს ჰუმანიური გარემოების და წესების არსებობა, საქართველოს სამეფო გამგეობა მათ დიდის გულმოდგინეობით უმზერდა, მათს პიროვნებას კაცურის ღირსებით ჰფარგლავდა, ცხოვრებისათვის ყოველ ნაირ

გამგეობას ანიჭებდა. სომეხნიც როგორც თავისუფალნი ქართველთ შორის ვაჭრობას უფრო ადვილად ეწყობოდნენ და ეჩვეოდნენ.

სომეხთა რიცხვი საქართველოში რომ დიდის ოჯახობით არ მოდიოდნენ, ეს იქილამაც დაისკვნება კარგად, რადგანაც სომეხნი ერთის მხრით საქართველოს შიშის თვალითაც უმზერდნენ, ჰფიქრობდნენ შიშიანობასა, იქმნება საქართველოსაც სომხეთის დღე დაადგეს, ოსმალებმა აიკლონ ისე, როგორც დაამხეს ბიზანტიის იმპერია და სხვა სამეფონიც და მერე მის შემდეგ სომხებსაც კვალად გვეწვიოს რამე უბედურება საქართველოში და ახლად მოგვიხდეს აყრა და აქეთ-იქით წასვლაო, სულ ეს იყო მისი მიზეზები რომ სომეხნი სომხეთიდგან სახლდებოდნენ სპარსეთს, ოსმალეთს, ე. ი. საბერძნეთს და ნამეტურ კონსტანტინეპოლს, ბოლგარეთს, პოლონეთს, ინდუტს, რუსეთს, იერუსალიმს, იტალიას, აბაშეთს, საფრანგეთს, ავსტრიას და ვინ იცის კიდევ რამდენ სხვა ადგილებში, ერთის სიტყვით მთელის ქვეყნის პირს ეძლეოდნენ გარდასახლებას, ევროპაში არ დარჩა არც ერთი კუთხე, რომ იქ სომეხნი არ გადასახლებულიყვნენ, ასევე აზიის სახელმწიფოებში და ინდოეთშიაც ხომ XVI საუკუნემეტად საკმარისი რიცხვი გადასახლდა, ისე, რომ 1795 წ. მაღრესეს, პირველი სომხური გაზეთი „აზდარარიც“ გამოვიდა, რედაქტორად იქაური მღვდელი ტერ-შმოვანი იყო.

გარდასახლებამ, მგზავრობამ და ათასნაირ განსაცდელმა ძველად ხენა-თესვას შეჩვეულ ერში ვაჭრობის დარგიც დაბადა, რაღა ფიქრი უნდა, რომ კარდაკარ მოსიარულე ერისთვის ვაჭრობასა და აღებ-მიცემის გარეშე სხვა რაღა გახლდებოდა საქმედ და საჭიროდ, არაფერი სომხეთის დაცემამდე, სომეხნი იყო თავისი ქვეყნის მფარველი და ამ მფარველობის გულისთვის მებრძოლიც, ამ დრომდე მათი ცხოვრების მოძრაობა შეზღუდული იყო, ერთნაირს კალაპოტში მომწყვდეული, სომხეთის დაცემის შემდეგ-კი იგი გადიშალა.

სხვანაირი ასპარეზი მოინარუქა, სომეხი კაცი მეომრობის მაგიერ ვაჭრობის მეტრფეთ აღმოსჩნდა, ხლმისა და მახვილის მაგიერ ხელში სავაჭრო დავთარი დაიჭირა, ამის ასპარეზედ განვითარდა კიდევ, ასეა თურმე ვაჭრობის განვითარება. მას ეწყობა და უადვილესად ეთვისება პოლიტიკურად. დაქვეითებული ერი, ამასვე ვხედავთ ებრაელებსა და სომეხებში. ამათში ამის დიდი მსგავსება არის და ამახედ უარს ვერავინ იტყვის.

ამ გზითა და დარგით სომეხები ყველგან წინ წავიდნენ, მათ ყველა ქვეყნებსა და სახელმწიფოებში თავიანთი სახე და სულის ძალა შეინარჩუნეს, ყველგან სომეხნი ერთობით სჩნდებოდნენ და იღვწოდნენ, ამ ერთობის ზედადგარათ მათთვის ყოველგან უადრეს ძალათ მათი ეკლესია—ანუ საყდარი ცხადდებოდა, საყდარი სომეხებს ერთად სჯგუფავდა, ყველა მათ ერთობის მტკიცე ხასიათს უნერგავდა, მათში საყდარი შთებოდა ერთს უძლიერეს სამახსოვრო ძალად, რომლის არსებობასთან დაკავშირებული იყო თვით სომხეთის მოგონებაც და მასთან სომხის ერის მომავალ ცხოვრების წარმატების საქმენიც. სომეხთ ეკლესიის ასეთი პირობები საუკეთესოს მხარეებით ჰფარგლავდა სომხის გონებასა და მისწრაფებას, იგი ახალისებდა მათ და აწინაურებდა კიდევაც თვით ცნობიერების ასპარეზზედ, სულ ამისი წყალობა არის რომ სომეხი თავის ვინაობით იგი საუკუნოების განმავლობაში დაურღვევლად და გადაუგვარებლად შთება თვით შორეულს აღმოსავლეთის და დასავლეთის სახელმწიფოთა ხალხებთ შორის.

სომეხი თუმცა ადვილათა ჰკარგავს სომხურს ენას და მის მაგიერ ითვისებს სხვისას, ხოლო რაც შეეხება სარწმუნოებას ეს კი მათში ხელ-შეუხებლად და დაურღვევლად შთება, ამის მხრით სომეხი იქამდისინ მეცადინეა და ისეთი მოხერხებულია, რომ იგი უცხოთა წინაშე არმც თუ ჰკარგავს თავის სარწმუნოებას, არამედ მას ავრცელებს სხვა ტომის ერშიაცა და სხვანიც გადაჰყავსთ თავის სჯულზედ, ამის მაგალითებს

ჩვენ ერთობ მრავლად ვხედავთ საქართველოში. საქართველოში სომეხთა მხნე სამღვდელო და საერო პირთაგან ისე იყო მოწყობილი საქმე, რომ ქართველნი მრავლად უერთდებოდნენ გრიგორიანთ სარწმუნოებას.

სომხის ერი თავის ქვეყნიდამ გარდასახლებამ და აქა-იქ მგზავრობამ იგინი წინაც წასწია, ამ გარდასახლებით მათ გამოსცადეს დიდი შემთხვევები, მწარე წუთები, დევნა, ბევრს ალაგას გაცარცვა, სიღარიბე, გაჭირება და ხანდისხან განწირულებამდისაც მისვლა, ყველა ეს-კი მათს გონებას მომავლის ცხოვრებისთვის დიდის ოსტატურის სამზადისით ჰქარგავდა. მომავალში სომეხი ყველგან წინ მიდიოდა ცხოვრების მხრით, რადგანაც იგი ამისთვის ვაჭრობითაც წინაურდებოდა დიდათ, სხვათაგან დარბეულმა და დამონებულმა ერმა თავის ცხოვრებაში უპირველეს იარაღათ და სახსრად ფული და მრეწველობის ასპარეზი გაიხადეს საქმედ და იგინი მხოლოდ ამითა და იძიებდნენ მომავალში წინ წასვლას და ცხოვრებას. ასეთი მოსაზრება მათთვის მეტად სასარგებლოც იყო და თან საჭირო, აბა ასეთ მდგომარეობაში მყოფთ ერთათვის სხვა რა უნდა ყოფილიყო საჭირო საქმეთ გამხდარი თუ არ მრეწველობა და ფული. სწორედ ეს გახლავსთ მიზეზი მისი რომ სომეხნი ყველგან დაწინაურდნენ და კიდევაც წინაურდებიან.

ჩვენ-კი, ქართველებმა, საქართველოს სამეფოს მფარველობის გულისთვის ბევრი რამ დავკარგეთ, ბევრს რამ წარმატებას გამოვეთხოვეთ, მუსულმანთა მეოხებით საქმე ისე მოეწყო, რომ ჩვენ დრო აღარ გვქონდა არც ვაჭრობისათვის, არც მრეწველობის და უკანასკნელ მეურნეობისათვისაც, ქართველთ მეურნეობას და სხვა ასეთებსაც მხოლოდ ცხოვრების მოთხოვნილების საჭიროების და კვალად მისდევდა. ყველა ასეთ საქმეთა და სამაგიეროდ ჩვენთვის ხმალი გახდა საჭირო, ხანჯალი და მშვილდისარი; ქართველი მხოლოდ თავის სამეფოს დაცვას უნდებოდა, მის თავდარიგს, ქართველისთვის მხოლოდ ომი, ომი შეიქმნა საქმედ, საქმედ ეს გაუხუ-

დათ, ავი იყო, თუ კარგი, საზარალო თუ სასარგებლო, სხვის შეგნება ქართველს აღარ ჰქონდა, მისთვის საჭიროებას შეადგენდა ქუდზედ კაცის ძახილით მღევრის ძებნა, ანუ მღვევების გაჩენა, რათა მით საქართველოს ერთობა უვნებლად დაეფარად. თვითონ მხოლოდ ამას აკვდებოდნენ, საომარ საქმეთა გაპიტალებას მისდევდნენ, სხვა რამ ცხოვრების საქმეთა ძიებას უცხო ტომის ძეთათვის სტოვებდნენ, ესეთ უცხო პირობათ საქართველოში სომხები იგულისხმებოდნენ და ამიტომ ქართველებს ესენი არც ომის ასპარეზედ გაჰყვანდათ და არც დიდის ხარჯით სტვირთავდნენ. ასეთი გარემოება სომეხთაც მალამოსებ ევლინებოდა, გარემოება მათ აწინაურებდა, ეს ასეც იქმნებოდა ყველგან.

სომხებმა დაკარგეს თავიანთი მეფობა, ქვეყანა და იქ ყოფნის და ცხოვრების ძალა. მის მაგიერ მათ ყველა სავაჭრო და სამრეწველო საქმეებში წადგეს ფეხი წინა. ესეთი წარმატება მათთვის ერთის მხრით იქმნება კარგიც იყო, ვინ იცის, ამის განხილვაში ჩვენ ვერ შევალთ. ხოლო ვიტყვით იმასაც, რომ სომეხთა მსგავს მხვედრს ვერც ჩვენ ქართველები ავცდით, დღე და ღამე მუსულმანებთან ქვეყნის გულისთვის სისხლს ვღვრიდით, არავის არსად და არას დროს ერთ მტკაველ მიწასაც არ უთმობდით, ვწყდებოდით ამისთვის და მიტომ სხვა საქმეებს სომხებივით არ მივსდევდით, მაგრამ ვერც ამით გვეშველა რამე, უკანასკნელ რაკი ქრისტესაგან უშველელნი და უმწეონი შევმცირდით, ჩვენც დავეცით, ჩვენც მოგვევლინა მუსულმანთა მახვილის შედეგი, ვერც ჩვენ შევინახეთ ჩვენი წეს-წყობილება, ამის შეუნახველობა არც მოხდებოდა, რადგანაც აზიაში მუსულმანთა მახვილის დროშა ერთობ ფარდოდ იშლებოდა. ასე და ამგვარად, ჩვენ დავკარგეთ ერთიც და მეორეც, ვერც ჩვენი წეს-წყობილება შევინახეთ და ვერც სხვა რამ სიკეთე მივიღეთ, უკანასკნელ წეს-წყობილების და ცხოვრების წესებითაც უკან ვრდომილნი მივეცით ხახა-მშრალს ფუყე ცხოვრებას და მოქ-



შედებას. ამის მხრით სომხები გვჯობიან ჩვენა, მართალია მათ თავიანთი მეფობა, ქვეყანა და ერთობა ადრე დაკარგეს, მიტომ მის მაგიერ მათ შეიძინეს ვაჭრობის ნიჭი, ხერხი, ღონე, თვალის გახილება, ალებ-მიცემა, ფული, ქარხანები და ბევრი სხვა რამ, რაც ჩვენ ქართველებს ერთობ გვენატრება და რაც ხალხის ცხოვრებას დღეს კონკურენციით დიდს მეტოქობას უწევს.

ჩვენის მოსაზრების ცხადი დასკვნა ის გახლავს, რომ საქართველოში, როცა ქართველი ტომი უძღურებას მიეცა, მაშინ მათზედ ვაჭრობას და მრეწველობას დიდი ზეგავლენა ექმნებოდა და ამის წარმომადგენელიც არა ერთს და ორს გაქირებულს ქართველ კაცს მიაქცევდნენ თავის სჯულსა და წეს-წყობილებაზედ, ეს მაშინ ქართველთ შორის შეუმცნველად მოხდებოდა, რადგანაც ქართველი ერი საშუალო საუკუნოების შემდეგიდამ სარწმუნოებრივი კითხვის საქმეებში ინდიფერენტიზმს იჩენდა, მისთვის ყველა სჯული ერთი იყო, ოღონდ ქრისტიანი-კი ყოფილიყო და საქართველოში დაშთენილიყო.

სომხები ვაჭრობას მისდევდნენ როგორც უცხო სახელმწიფოებში, ისევე საქართველოში, ამ გზით და ხერხით მათ დიდი უფლება მოიპოვეს თვით ბარბაროს ოსმალთა წინაშეც. ვაჭრობით და მრეწველობით ოსმალეთში ესენი გახდნენ სამაგალითონი, კონსტანტინეპოლს ამათ დახსნეს ქარხნები, სავაჭროები, კანტორები, ბანკები და ერთ დროს მთელი ოსმალეთი ხელში ჩაიგდეს, ამათვე მიიზიდეს მრავალ დაცემულ ერთა ყურადღება, მათ ეკედლებოდნენ მრავალნი გვემულნი და დაცემულ ტომთა ძენი. ასეთია მაგალითებრ ის გარემოება, რომ კონსტანტინეპოლს და ოსმალეთის სომხეთში, სომხები ძრიელ ხშირად ყიდულობდნენ ქართველთ ტყვეებს და უკანასკნელ ასომხებდნენ სარწმუნოებით. ისიც ხომ კარგად ვიცით, რომ ოსმალეთის ქალაქებში არსებობდა სავაჭრო ბაზრები სადაც ქართველთა ძენი აშკარად ისყიდებოდ-

ნენ, დანაყიდის სულ საქართველოდამ იყვნენ წაყვანილნი, ზოგი გოთაულებთაგან ტაციობით და ზოგნიც მებატონეთაგან დასყიდვით. საქართველოს დასალუპათ ეს სენი ისე იყო წინ წასული, რომ დაყიდულებში ხშირად ერივნენ თვით უპირველ სახლის გვარისშვილის მეგვარენიც, რასაკვირველია ნაბიჭვრები, ნაყოფნი ჩვენის კეთილშობილთ ოჯახისშვილებისა; ასეთი პირები ოსმალეთში სომხებს ასობით უყიდნიათ და სწორედ ამათგანია სომეხი დადიანები, რომლის ერთი ფაშათაგანო დადიანი უკანასკნელ დრომდე ოსმალეთის შემძლე ფაშათ ირიცხებოდა. მაინც ოსმალეთში ვინც-კი იყვნენ სომეხთაგანი ასეთი ფაშები ყველა იგინი ქართველთ შთამომავალნი იყვნენ, რადგანაც მთელი ოსმალეთი გათათებულ ქართველთ გარეშე სავსეა თვით გასომხებულ ქართველებთაგანაც.

თუმცა ქართველებს დრო არ ჰქონდათ შრეწველობის და ვაჭრობის მართვის, მაგრამ მათში მცირედ მაინც არსებობდა ესა და ვიდრე ამის ასპარესზედ სომეხები გაჩნდებოდნენ, მიწამდე ქართველნიც იყვნენ აქა-იქ, ამის მაგალითია ის გარემოებაც, რომ კახეთში XVII საუკუნემდე სულ ქართველ გვარის აღებ-მიცემის ხალხი არსებობდა, ხოლო ამ საუკუნის დამდეგიდამ-კი იქ მცირედ აქა-იქ სომეხებმაც იჩინეს თავი, რომელნიც ვაჭრობას იყვნენ შეჩვეულნი და იგინი მთელს კახეთში ვაჭრობასაც მისდევდნენ, მათი რიცხვი დიდი არ იყო. უფრო ქალაქებში მიეცნენ ცხოვრებას, მაგალითებრ სიღნახს, თელავს. ასე რომ დღეინდელ სომეხთა რიცხვი რომელნიც კახეთში სცხოვრებენ, იგინი მოსულნი არიან საქართველოში XVII საუკუნეში, რასაკვირველია მცირედ და ზოგიც XVIII საუკ. განმავლობაში.

უნდა ითქვას, რომ კახეთშიაც სომეხთა რიცხვი უდიდესად შესდგება ქართველთაგან და მათი შთამომავლობა ქართულია, მაგრამ ჟამთა ვითარების მეოხებით იგინიც გახვეულან გადაგვარების ბაღეში, ე. ი. გასომხებაში. ასევე გახლო

ღათ მესხეთისკენ და რაც აქეთკენ სომხები სცხოვრებენ და კათოლიკენი უმეტესად ქართველის გვარისანი არიან. ჩვენ თამამად ვამბობთ ამას, არც ეჭვი უნდა, რადგანაც სინამდვილეს თვით ცნობები აჩენს, ვინც ამას არ დაიჯერებს, მაშინ იმან მიმოვლოს მთელი საქართველოს კუთხეები, ნახოს აქაიქ ზოგიერთ მიუვალს ყრუ ადგილებში, ანუ მიყრუებულს სოფლებში გრიგორიანთა რიცხვი და ის ამაზედ ცხადათ დარწმუნდება, რადგანაც იგი იქ ისეთ მიუვალს ადგილებში ჰპოვებს ქართველთ გრიგორიანთა კვალს, სადაც სომეხთა რიცხვის კვალი იქ არას დროს არ შესულა, იქ სომეხთ მისვლა კი არა და თვით ადგილობრივ მცხოვრებ ქართველთაც არ ჰქონიათ ქალაქ ალაგებში მისვლა-მოსვლა და იგინი ცხოვრებით ყოველთვის დაკეტილს რკალში ყოფილან მოთავსებულნი. აბა ბძანეთ ახლა თქვენ ის, თუ აქ რა უნდათ სომხებს და მათ შთამომავალთ თუ არ ქართველებს და ნამდვილ ქართველთ შთამომავალთ, ხოლო გარემოებისაგან გრიგორიანობაზედ გადასულებს და უკანასკნელ ამის საშუალებით გადაგვარებულთაც კი. სამწუხაროდ ეს გარემოება ჩვენში ისე შეუგნებლად მიდიოდა, რომ მას არ აკვირდებოდნენ თვით ქართველთ შეგნებულნი გვამნი, მეისტორიე მწერალნიც, თვით პლატონ იოსელიანიც კი ყველა ასეთ ქართველებს სჯულის გამო სომხებს უწოდებს. ამ გარემოებამ სხვათა ყურადღებაც მიიპყრო. პლ. იოსელიანისაგან ეს ხამი არ უნდა ყოფილიყოს. მას ასეთი წარმოდგენა ჰქონდა—გვაროვნებაზედ.

სულ ეს გახლავსთ და ამ გვარი ცნობები, რომ სომეხთ მწერლები ასეთ გრიგორიანებს ნამდვილ სომხის შთამომავლად სთვლიან. ამის საფუძველს თვით ქართველთ მეისტორიეთა ცნობებზედ აფუძნებენ. ჩვენ რაღა გვეთქმის ამაზედ, როცა თვით ჩვენვე ვამახინჯებთ ყოველივეს. ასეთ სოფელთა ქართველობა კი არა და ზოგიერთ სომხის მსწავლულნი იმასაც გაიძახიან, რომ მთელი კახეთი დიდის სომხეთის ნაწილს შეადგენსო და აქ მცხოვრებ ქართველნიც მთლად სომხის შთა-

მომავალნი არიანო. ამაზედ ბევრ გზის კამათიც ყოფილა. ეს დღესაც ხშირია და ევროპაში სომხის მსწავლულნი არამც თუ მარტოდ კახეთს ჰხვევენ ხელს, არამედ სამხრეთ საქართველო-საც კი არმენიად აღიარებენ, ამ 100 წლის განმავლობაში, სადაც კი ევროპაში კავკასიის ტომთა ქვეყნების შესახებ რუკა დაიხატა და დაიბეჭდა იქ სამხრეთ, საქართველო სომხეთად არის ცნობილი, საქართველო და ქართველობა გამქრალია. კახელთა სომხათ აღიარების ფაქტათაც აი რა ხდება სომეხთა წინაშე.

მოგეხსენებათ, რომ პირველ საუკუნოებიდამ ქართველნი და სომეხნი ერთ სარწმუნოებას ვაღიარებდით. უკანასკნელ მსოფლიო კრების შემდეგ, საქართველოს ერთ ბერძნებს მიემხრო სარწმუნოების მხრივ და სომეხები კი არა. ქართველთ ბერძნის ეკლესია აღიარეს და სომეხნი კი ძველს სჯულზედ დარჩნენ, ასე და ამ გვარად, ქართველ სასულიერო წოდებას და მის გარდაწყვეტილებას უნდა დამორჩილებოდა მთელი ქართველთ ტომი და მათ ახალი, მსოფლიო კრებისაგან დადგენილი სჯული უნდა მიეღოთ. ეს ახალი სჯული ქართველებში ყველამ არ მიიღო, ვინც არ მიიღო, მაშასადამე ის დაშთა ძველს მამა-პაპის სჯულზედ, ე. ი. სომხურზედ. ამათი მფლობელი უნდა ყოფილიყოს სომხის სამღვდელოება, ანუ ძველი სჯულის წარმომადგენ მამანი. სწორედ ასეთი იყო კახეთის გარემოება, რომელიც სომხის სარწმუნოებით დაშთა კარგა ხანს და რომელსაც სომხის სამღვდელოება მწყემსიდა მათ განმათვისებლის მიმართვით. უკანასკნელი კი საქმე სახუმრო აღარ იყო, კახელთა სომხის - სარწმუნოების მხრით განთვისება იწყებს ქართველთაგან და გვაროვნულად გარდაქმნა, ამ გარემოებას ყურადღება მიაპყრო კახეთის ბატონის ცოლმა დინარ დედობალმა და X საუკუნის დამდეგს, კახელთა რიცხვი სრულიად დაუკავშირა ქართლის ახალს ეკლესიას, ხოლო შიგა და შიგ აქა-იქ დაშთენ ისეთ ქართველთ სოფლის მცხოვრებნი, რომელთაც სომხის, ანუ ძველს სარწმუ-

წლებას აღიარებდნენ, ამათი რიცხვი იმდენად მცირე იყო, რომ მათ ამიტომ ქართველნი ხმასაც არა სცემდნენ. მათი არაფრის საფიქრი ჰქონდა, აი სწორედ დღეინდელი კახელთ სომეხთ რიცხვი შთამომავალია იმ ქართველთ გრიგორიანებისა, რომელნიც ზემოხსენებულს რიცხვიდამ თითო-ოროლა დაშთენ კახეთის სოფლებში. ეს სწორედ ასე გახლავსთ. ხოლო სომეხნი კი ყველა ამათ სომხათ აღიარებენ და ამ აღიარებას აფუძნებენ იმაზედ, რომ ყველა ამათ სომხის გვარები და სახელები აქვნდათ ძველადგანვეო. ამაზედაც ვიტყვით რამეს რათა საგანი და გარემოება კარგად აიხსნას.

ვინც კი ქართველთაგანი ძველადგანვე დაშთენ გრიგორიანთა ეკლესიის წინაშე, ყველა მათ სახელათა და გვარათაც იმ სახით და გზით ერქმეოდათ სახელები როგორც გრიგორიანთ ეკლესია ითხოვდა, მაგალითებრ ურთიერთის გასარჩევად ივანეს—ოჰანეზი, გიორგის—გეურქა, მათეს—მათეოს და სხვაც ასე, ერთის სიტყვით სამღვდელობა მონათვლის სჯულის საშუალებით ქართველებში იცავდა ნამდვილ ძირეულს სომხურს სახელებს და სულ ამის წყალობა გახლავსთ, რომ ჟამთა ვითარების წყალობით ქართველთ სომხის სახელები ეწოდა, სულ ამ გარემოების წყალობა არის, რომ ქართველებში გრიგორიანები ძველადგანვე გაჩნდნენ. მაგალითებრ XII საუკუნის ივანე და ზაქარია მხარგრძელნიც ქართველ გრიგორიანები იყვნენ. ამათ სომხის ეკლესიის წესების არაფერი იცოდნენ. ამას ასაბუთებს შემდეგი გარემოებაც.

XII საუკუნეში, თამარ მეფის დროს, ქართველთა და სომეხთ სასულიერო პირთა კამათი რომ გაიმართა სჯულის შესახებ, მაშინ ერთმა მხარგრძელთაგანმა ასე უთხრა ბერების კრებას: მე სჯულებისა არაფერი ვიცი, თუ ვისი კარგა და მართალი და ვისი ტყუილი, მე მხედრის კაცი ვარ, მხედრობაში გაზრდილი, შეიკრიბებით და ისაუბრეთ, ვის საუბარსაც მართლად დავინახავთ, ჩვენც იმ სჯულს მივიდებთ.“ ეს ცნობა „ქართლის ცხოვრებას“-შიაც არის მოყვანილი.

ასეთ პირებს კი, რომელთაც მხოლოდ სარწმუნოება აქვდათ სომხის, ყველა სომხის ტომის კუთვნილებათ სთვლიდა, ახლა დავაკვირდეთ თუნდა იმ გარემოებას, თუ დღეინდელ არყუთაშვილებს რა სცხიათ სომხობის. არაფერი? იქმნება სჯულით აკუთნონ თავიანთ თავი სომხობას, თორემ სხვა არაფრით იგინი მათ არ ეკუთვნიან. გარდა ამისი იგინივე ირიცხებიან ქართველ თავადიშვილათ, საქართველოს სამეფოსაგან დამტკიცებულად და მისავე კუთვნილებად. მაგრამ რომ ჰკითხოთ ვისმეს ამათ შესახებ, იგი გეტყვით, რომ სომხები არიანო. ასეთ წარჩინებულ გვარის ქართველ გრიგორიანები ძველად საქართველოში მრავლად ყოფილან, მერე მოსპობილან იგინი, ან აქეთ-იქით გარდახვეწილან. ჟამთა ვითარების წყალობით გვარებსაც გამოიცვლიდნენ. არის ისეთი მაგალითებიც, რომ საქართველოში, სხვა-და-სხვა სარწმუნოების ერთაც უცხოვრიათ, ნამეტურ თათრის შთამომავალთ, ესენი დაწინაურებულან საქართველოს მეფეთა წინაშე, შემდეგ ამათ ქრისტიანობაც მიუღიათ, თავიანთი რჩევით სომხის სარწმუნოებას მიჰკედლებიან. ამისთვის არც სამეფო პირნი გამხდარან წინააღმდეგნი, რადგანაც როგორც ვსთქვით ქართველ მეფენი და ხალხი სჯულზედ ინდიფერენტიულის შეხედულების იყვნენ. აი ასეთ სომხის მოდგმას ეკუთვნიან საქართველოს აზნაურისშვილები — ყორღანაშვილები, რომელნიც საქართველოში მცხოვრებნი მონგოლების შთამომავლად ითვლებიან. მათ თავიანთი გვაროვნობის ისტორია არ იციან, ამიტომ იგინი თავიანთ ვინაობასაც სომხათ აღიარებენ.

საქართველოში, ქართველთა წინაშე სომხის სარწმუნოებას ულაც არ იგმობოდა ეს ისე, როგორც იგი სხვაგან იყო, ქართველთა მეფენი ამ სჯულს ისე აღიღებდენ და მფარველობდნენ როგორც თავიანთს, მისი გარჩევა მათ არ ჰქონდათ, სომეხნი კი ამ პატივისცემას სხვანაირის თვალით უმზერდნენ. საქართველოს სამეფოს რომ მათზედ ცუდი, ანუ შემავიწროებელი წარმოდგენა ჰქონიყო, მაშინ არც ერთი სო-

შეხიცი არ დარჩებოდა საქართველოში თავის სჯულით ჩვენს ღრმდევ, რადგანაც ძველის ძველადგანვე ქართველთა და სომეხთ შორის ნათესავობა ხშირი იყო და ამ ნათესაობის განმტკიცებას აძლიერებდა ის პირობებიც, რომ საქართველოში, შვილი მონათვლის დროს, ქრისტიანებთ შორის მამის სჯულზედ უნდა მონათლულიყოს. ასე: სომეხი ქართველ ქალს შეირთავდა, უსათუოდ შვილი მამის სჯულით უნდა მონათლულიყოს და არა ქართველის, თუმცა სახელმწიფო სჯული ქართული იყო. ეს გარემოება იქამდე თავისუფალი იყო, რომ არამც თუ მარტოდ მამის მეუფროსობით ინათლებოდა შვილი, არამედ ხანდისხან აქა იქ ქართველი რომ სომხის ქალს შეირთავდა, მოხდებოდა ისეთი შემთხვევა, რომ ქალი პირობას ჩამოართმევდა საქმროს, რომ ზოგი შვილები ჩენს სჯულზედაც მოინათლონო, ე. ი. სომხურად, თორემ არ გამოგყვები ცოლათო. ხშირად სიყვარულის წყალობით საქმროსაც პირობა მიუცია, თავის სჯული დაუთმია, შვილი სომხის სჯულით მოუნათლავთ ე. ი. დედის სჯულით, ხოლო გვარი კი მამის დაშთენია, ასეთია მაგალითებრ გამყრელიძენი, დღეს შანშიევით წოდებულნი, შაბურიშვილი, დღეს შაბუროვი, სანდაძე „მშაკით“ სანდოიანცი, ღვინიაშვილი — ღვინიევი, მეღვინოვი და მრავალნი სხვანი ენით დაუთვალავნი.

ქართველი ასეთის გულ-გრილის თვისების იყო სჯულზედ, მას ყველა ერთნაირ სჯულად მიაჩნდა ოღონდ ქრისტიანი კი ყოფილიყოს, თორემ ეს მისთვის სულ ერთი იყო. მუსულმანობას კი ადვილად ვერ ეთვისებოდა, ერს გარდა თვით ქართველი სამღვდელოებაც ასეთი იყო. ქართველ სამღვდელოებას საშუალო საუკუნოების შემდეგ აღარაფერი ზრუნვა არ აქვნდა ქართველის ტომის სარწმუნოებრივი მხარეების და მათ მფარველობის. ქართველთ სამღვდელოების წინაშე, ქართველთ შორის ადვილათ ავრცელებდნენ ყველა სარწმუნოებას. სარწმუნოების წყალობით ქართველთ ასხვაფერებდნენ კიდევ და ყველა ამავსს ქართველი სამღვდელოება კი თით-

ქოს არ გრძნობდა, უურადღებას არ აპყრობდა. ამის ცხადი საბუთები ნათლად არს მოყვანილი მიხეილ თამარაშვილის ცნობებში \*).

ახლა მოვიყვანთ ამის დასაბუთებელს ცნობებს. XVII საუკუნის დამდეგს, საქართველოში სცხოვრობდა წმ. ბასილის კრების არქიმანდრიტი ნიკიფორე ირბახი. მცოდნე ევროპეულის და აზიურის ენების, ქართველთა მეფეთა ელჩი, რამდენჯერმე ყოფილი ევროპის სახელმწიფოებში, რომში პაპის წინაშე ამან კათოლიკობა მიიღო. საქართველოს შესახებ „კონგრეგაციას“ მრავალჯერ შესჩივლა. სხვათა შორის ერთხელ მოახსენა „კონგრეგაციას“, რომ საქართველო იქამდე მოუძღვრდა, რომ იქ ქართველებს თათრობის გარეშე, ძრიელ მრავლად ასომხებენ კიდევო. სომეხნი ქართველთა მებატონეთაგან ყიდულობენ მათ გლეხებს და მერე ყველა ესენი თავიანთ სჯულზედ გადაჰყავთო, გადაჰყვანდათ წინეთ და დღესაც გადაჰყავთო, ასეთ გასომხებულთ რიცხვი ერთობ დიდიაო. 1640 წ. საქართველოდამ, ავგუსტიანელების ორდენის ძმას ამბროზიოს „კონგრეგაციისათვის“ ასეთი წერილი მიუწერია:

„ჩვენი მონაზვნები (ე. ი. ლათინის) ამ ქრისტიან ქართველებში დიდს ხიკეთეს ქმნას შეიძლებდნენ, რომ მათ შეიძლება კონდესთ ქართველთ სოფლების სუიდვის იმ გვარად, როგორც ამას სომხები სჩადიან. თუმცა ქართველებს სომხების დიდი სიმძუღვარე აქვსთ, ნამეტურ საწმუნოების მხრივ, განა როდესაც სომხების უმეტი ხდებიან, ბევრი მათგანი გადადის სომხის წესზედ. ქართველები უკჭველია დიდის სიამოვნებით მიიღებენ ლათინის წესსა, თუ ჩვენი უმეტი გახდენ“.

ასეთ ცნობებს გარდა არის ისეთი ცნობებიც, რითაც ლათინის ბერები შესჩივიან „კონგრეგაციას“, რომ ქართვე-

\* ) ისტორია კათოლიკობისა საქართველოში მ. თამარაშვილისა, 1903 წ., თფილისი.



ლების გაფრანგების საქმეში ძრიელ ხელს გვიშლიან აქაური სომხებო. თვითონ რომ ქართველებს ასომხებენ მით არაფერია მათთვისო და ჩვენ თუ გავაფრანგეთ ვინმე, იმას კი გვიშლიან, ჩვენს საქმეში ერევიან და აღარ იციან თუ როგორ შეგვიშალონ ხელიო, თვით ქართველებს აშკარად ყიდულობენ, აშკარად გადაჰყავსთ თავიანთ სჯულზედ და ჩვენ კი გვიშლიანო. ბერები „კონგრეგაციას“ ამას მიტომ შესჩივიან, რადგანაც მათგან უკრადლებას ითხოვენ. ესეთი შემთხვევები ქართველთ შორის მრავლად მომხდარა, სომხებს ძრიელ ხშირად გადუყვანიათ ქართველები თვის სჯულზედ, ქართველთ ნაყიდ ყმების ამათ საითაც უნდოდათ იქით წაიყვანდნენ და ამიტომ ძრიელ ხშირად მიერეკებოდნენ ქვემო ქვეყნებისაკენ და იქაც ასომხებედნენ უფრო თამამად და თავისუფლად. ამის ნიშან-წყალია მისი ცნობები, რომ დღესაც ქვემო ქვეყნელთ სომხებთ შორის ძრიელ ხშირად შეხვედებით ისეთ სომხებს რომელთაც ქართული გვარები აქვსთ, მხოლოდ მცირედ გადაკეთებულნი, ანუ სომხურად გადასხვაფერებული.

ჩვენ კარგად ვიცით, რომ სომხის სამღვდელოება და ხალხი კათოლიკობას მტრობდა, მათ სასტიკათ უშლიდნენ ქართველთ გაფრანგებას. სომეხნი ქართველებს აშინებდნენ, რომ თქვენ არ გაფრანგდეთ, თორემ ბოლოს ინანებთ, ფრანგები ბაყაყ ჭამიები არიანო, გველებსაც სჭამენო, სჯული ცუდი აქვსთ, მურდალიო. ბაყაყის მჭამლის ზიარება და ცხონება არ შეიძლებაო. გარდა ასეთის მტრობის იგინი კათოლიკეთ სამღვდელოების წინააღმდეგ ჰრაზმავდნენ თვით მთავრობასა და სამღვდელოებასაც, თუმცა ხშირადაც ვერას აწყობდნენ და ლათინის ბერების მაღალი შნო და გამჭრიახობა მათგან მოზღვავებულ მტრებთა წინაშე სასტიკ ფარათა და ხლმათა სდგებოდა. ამათი ენერგიული შრომა ყველას სძლევდა და უკანონოდ გამოწვეულს ბოროტებასაც სასტიკად მუსრავდა. ლათინის პატრების ასეთი ენერგიული ცდა და შრო-

მა რომ არ ყოფილიყოს, უიმისოდ თქვენი მტერი მათზედ სომეხთა მტრობა დიდათ ინავარდება და იუფლებდა. მაგრამ ეს ასე ვერ ხდებოდა და სომეხთ სამღვდელოების წადილს ყოველთვის ძლევდა ლათინის ბერების ნიჭიერი ცდა. ასეთ მასალების მოყვანა აქ მეტი არ არის საჭირო, საგნის გასარკვევად აქ მოყვანილი სამი ცნობაც კმარა.

აქ ამაზედ ექვს ნურავინ იქონიებს, ქართველი რაკი ერთხელ დაუძლორდა, მერე შისი საქმეც უკულმა წავიდა. მათ თვალთ წინ ნახევარ საქართველო გაათათრდა, ნახევარმა ქართველობამ აიღო ხელი თავის მამა-პაპის სჯულსა და ანბანზედ და აბა გასომხებას რაღა დაუშლიდა, გასომხება ხომ გაათათრება არ იყო, გასომხებაც იგივე ქრისტიანობა იყო, იგივე სჯული რაც ქართველების, ამისთვის ქართველებს დავა არ უნდა გაეწიათ. მიტომიც იყო რომ ქართლსა და კახეთში სომეხთა რიცხვი ძველადგანვე იღგავდა ფეხს. დღეს ამ კუთხეებში მათს რიცხვს ფეხი კარგად აქვს გამაგრებული და მათ შორის, ანუ ძირეულ ქართველთ გვერდით მარტივად იღგამს ფეხს სომხური ენა, მისი ტრფობა და გასომხებულ ქართველთ გადაგვარებაც. ყველა ამ საქმეთა მოხერხება ქართველთ წინაშე აშკარადა ხდება, ამის ნაყოფი მათში დიდის ოსტატობით ითვისება და ქართველნი კი მასზედ კრინტს, ხმასაც არ იღებენ, ყოველივეს უყურადღებოთ სტოვებენ და თვით ქართველ გრიგორიანებიც ისე გაათახსირებულან, რომ მათ ერთი ცნობაც არ ებადებათ მის შესახებ, რომ იგინი ტომით ქართველები არიან და მხოლოდ სარწმუნოებით გრიგორიანები. ამ გარემოების წყალობით საქმე ისე მოეწყო, რომ დღეს უკვე ფეხი აიდგა აქა-იქ სომხურმა ენამ, საქართველოს ბევრს მიყრუებულს კუთხის მცხოვრებთ ქართველთ შორის თქვენ ადვილათ ჰპოვებთ ამის ცნობას და მათში იმასაც, რომ ისინი სომხები არიან, სომხის შთამომავალნი და არა საქართველოში მცხოვრებ ქართველთ გვარის მონათესავენი. სწორედ ამ გარემოებამ გამოიწვია მათში იმ საქმეთა პატივისცემის პი-

რობები, რაის წყალობითაც მთელის საქართველოს სოფლებში მცხოვრები სომეხთა აღწერეს და ამ რამდენიმე წლის წინეთ ჟურნალ „მურჭში“ მოათავსეს. იქ ყველა ამათ „ქართულად მოლაპარაკე სომეხებს“ უწოდებენ, ანუ მათებურადვე „ფრაცა ხას ჰაით“. მაგრამ ეს არ გახლავსთ სწორე. იგი საღს მოსაზრებას მკაცრად ეშესაბამება.

აღსანიშნავია აქ ის გარემოებაც, რომ ქართველთ შორის, გრიგორიანობა ისე არსად ვრცელდებოდა, როგორც საქართველოს აღმოსავლეთ და სამხრეთ საქართველოში, ანუ დღეს სომხეთად წოდებულისკენ. მიზეზები ამისი ცხადია, რადგანაც საქართველოს სამხრეთი ნაწილი მჭიდროთ არის მიკრული არმენიის ნაწილზედ. ამას რალა ფიქრი უნდა რომ სომეხნი იქ უფრო ადვილათ იქონიებდნენ სარწმუნოებრივ მხარეებზედ გავლენას. მთელს ამ კუთხეში ვერ ნახავთ ერთ სოფელს, რომ იქ ქართველებთან ერთად და ან კერძოთ მთელი სოფელი სომხის მექონ სარწმუნოებით არ იყოს მოტენილი, ენით კი ყველა იგინი ქართველნი არიან, სრული ნიშან წყალი ქართულის გვარის და სახელებისა.

აი ეს სოფლებიც: ნათლუხი, აქ არიან მრავალნი ქართველ გვარისანი გასომხებულნი, სოღანლუხს, კრწანისს, შინდისს, ტაბახმელას, ხატის თელეთს, წალაჰყურს, თელეთს, კუმისს, ვაშლოვანს, ერტის, ღოუბანს, ბორბალოს, მუხათს, კოდას, მარაბდას, მარნეულს, ქოლაგაურს, პატარა შულავერს, დიდს-შულავერს, ახტალას, მადანს, სპილენძის მადანს, დარბაზს, გოგრაშენს, ახბულახს, ვანაძურს, კოლაჩს, ბორნას, ლალკანათს, კარანდუხარს, ბაიტალოგლას, სოფელს, ზემო სარალს, ქვემო სარალს, ბაგანოს, ბოლნისს და სხვაგანაც. ამ სოფლებს გარდა შამშადილს, ყაზახს, ბორჩალოს, ყარაბახის საზღვრად, შულავერისკენ და ბამბაკისკენ ქართველთა იყო 240 სოფელი. XVII საუკუნის შემდეგიდამ ეს სოფლები შემცირდა ქართველთ მცხოვრებთა რიცხვით, ყველა იგინი სპარსეთს იქმნენ გადასახლებულნი, მათ მოადგი-

ლეთ აქ გამრავლდნენ თათრები და სომხები, უამთა ვითარების წყალობით ამ სოფლებს ყველას საერთოდ შეეცვალათ ქართული სახელები და მის მაგიერ თათრული ეწოდათ. ამ სოფლებს ისე აქვსთ სახელები შეცვლილი, რომ ძნელათ მათ ქართულის რამელა შეეტყოს, ზოგის ქართულ სახელებს ვახუშტიც მოიხსენებს და ზოგსაც აქ დაშთენილ ქართველთ ძველ შთენნი ღალადებენ. ასე და ამ გვარად მოიხპო აქ ქართველთ ხსენება. ვინც კი შავს ბედს გადარჩა, არ გადასახლდა და აქ დაშთა, მათი ნაწილი ქართლის სამღვდელთაგან მიტოვებულ იქმნენ და ამიტომ უმეტესს ნაწილის მათი ზოგი სომხებს შეუერთდა და ზოგიც თათრებს, ზოგი ძალით, ზოგი ნებით, ღროის წყალობით მათ ქართული ენაც დაივიწყეს და ასე და ამ გვარად ამ ვრცელს კუთხეში საღღისოდ ამოვარდა ძირიან ფესვიანად ქართული ენა, ამის მაგალითია თვით წინწყაროს და წალკის ქართველთ ვითარება, რომელთაც ქრისტიანობა შეირჩინეს, მაგრამ ნაცვლად მის დაკარგეს ქართული ენა და ღღეს თათრულად ლაპარაკობენ.

ჩვენი მოსაზრება რომ მართალია, ამას ასაბუთებს ის გარემოებაც რომ მთელ ამ კუთხის ადგილებთა მებატონეთა რიცხვი ქართველთაგან შესდგება, უმეტესი ადგილები ეკუთვნის უპირველეს სახლიშვილებს ქართველთ თავად-აზნაურებისას, მაგალითებრ: ბარათაშვილებს, ორბელიანებს, ციციშვილებს, მუხრან-ბატონს, არყუთაშვილებს, ჯორაშვილებს და სხვათა. აზნაურთ შანშეშვილებს, ზავრიშვილებს, საგინაშვილებს და მრავალთაც სხვებს, ყველას მამულში სომხეთის სამზღვრამდე მრავლად სდგას ქართველთ ნაშთნი: საყდარნი, ციხენი, კოშკნი და სხვა რამ ძველთაგანნი ამ კუთხის ოღესმე ქართველთ საკუთრების ნიშან წყლათ. ძველადგანვე აქ რომ ქართველთ რიცხვი ცხადათ იყო მოფენილი, ეს სჩანს იქიღამაც, რომ ვახუშტი თავის გეოგრაფიაში ბევრს ალაგას აღწერს ამ კუთხის სოფლის მცხოვრებთ, მათ რიცხვს სარწმუნოებითაც საზღვრავს და ბევრს ალაგას ამბობს, რომ ამ

სოფელში თუმცა ქართველებთან სომეხებიც სცხოვრებენო, მაგრამ მათ სომეხების არაფერი აქვსთ, ქართულად მოლაპარაკენი არიან და ქართული კაცის ზნისა და ხასიათის მექონიო. რალა ფიქრი უნდა ამას რომ ეს ასე იქმნებოდა, ვინაიდან ეს ქართველ-სომეხნი იმ დროს ახლად იქმნებოდნენ გრიგორიანობაზედ გადასულნი. დღეს კი ამ სოფლის ქართველთ შორის ეს ასე არ არის, აქ სომეხური ყველამ იცის, ჩვენ ცნობების სრული სიმტკიცეა ის გარემოებაც, რომ მთელს ამ კუთხეში ძველად სამი საეპისკოპოზო არსებობდა და ესენი მწყემსიდან ამ კუთხეს ქართველთ და მით ვერც კი ჰყოფნიდნენ, დღეს კი მხოლოდ ერთი საბლადოჩინო არის, ამასაც ძლივს შეადგენს. ამ კუთხეში ხალხს გარდა უცხოელებმა და იკავეს თვით დიდრონი ტაძრები ქართველთა და მისი მამულებიც, ვერანად ქცეულს კუთხეს ყოველთვის ასე ემართება. ამ კუთხეში დაშთენილს ქართველთ შემუსვრილთ შთენი განცვიფრებაში მოჰყავსთ თვით თანამედროვე მოგზაურნი, დღეს, აქაურს ძველს ქართველთ მონასტრებს რუსის ბერებმა დაუწყეს განახლება, მაგალითებრ განაახლეს—კაბენის მონასტერი კოჯორთან, ახტალისა და ახლა ბოლნისის სიონის განახლებასაც ჰფიქრობენ. ასეთია ამ ვრცელი კუთხის ვითარება ქართველთ ისტორიაში. ჩვენ არ ვიტყვით იმასაც რომ ვითომც აქეთ ნამდვილ სომხის შთამომავალთ რიცხვი არ იყოს, არა, ესეც მრავალი გახლავსთ და მასთან ნამთვილ სომეხთ შთამომავალნიც, მაგრამ იმასაც ვიტყვით რომ მათ გვერდით მოიპოვებიან ისეთ ქართველთ შთამომავალ გრიგორიანებიც რომელთაც ჟამთა ვითარების წყალობით დაუკარგავთ ქართული ენა, ზნე, ხასიათი დროის წყალობით თვით სახის ნიშანიც. წასვლიათ, წარხოცვიათ და დღეს ნამდვილ სომეხებთან მათ ვერავინ განარჩევს, რადგანაც მათ გვარებიც ძირეულად შესცვლიათ.

ქართლში მცხოვრებ სომეხთა და ქართველ გრიგორიანებთა შესახებ ვიტყვით შემდეგს: XIX საუკუნის დამდეგს

ქართლში სომხები სცხოვრებდნენ შემდეგ სოფლებში ქართველებთან ერთად და ზოგს ალაგას ცალკეც: გორს, ახალგორს ახალქალაქს და ცხინვალს ძველად გადმოსულნი. შემდეგ დროს ესენი გაჩნდნენ სოფ. წაქვას, იტრიას, ხანდაკს, სურამს, ოსიაურს, ვაყას, ატოცს, დირბს, ბრეთს, ურბნისს, რუისს, ტინის ხიდს, ახალ დაბას, ვარიანს, ზედქცეულს, შინდისს, თამარაშენს, ტყვიავს, კიწაქისა, სატლეს, არცევს, მეჯვრისხევს, ბერბუკს, სველნეთს, ხელთუბანს, ზერტს, უფლისციხეს, ქალას, კასპს, ქარელს, ძელს, გრაკალს, ხოვლეს, ყარაგაჯს, ზემო ხანდაკს, სასირეთს, მეტეხს, ახალქალაქს, კავთისხევს, ჩოჩეთს, ურიათუბანს, ნიაბს, სალოლაშენს, ძეგვს, ნიჩბის, ავჭალას, წყნეთს, ცხეთას, დუშეთს, ტყვიავს, ძევერას, ახრისს, ლამის ყანას, დამპალას, მჭადის ჯვარს, ჩილერტს, ებნის, ანანურს, ფასანაურს, მუხრანს, დუესს, ხაშურს, ალსს, ბერშუეთს სხვა სოფლებში. ზოგში ოცი კომლიც ცხოვრებს, ზოგში მეტ ნაკლები ამათ აქ ჩვენ არ ვასახელებთ.

ვგონებთ, ამ სოფლებში ჩვენ ბევრს ალაგას მოუხსენებელი დაგვრჩა ისეთი სოფლები, რომლებიც ქართლის ისეთ მიუვალს, მიყრუებულს კუთხეებში სძევს, სადაც კაცი ადვილად ვერ მიუდგება. ვგონებთ მკვითხელი უამისოთაც უნდა გაჰკვირდეს, რომ ქართლის სოფლებთ შორის სომეხთ რიცხვი ამდენ სოფლებთ შორის ყოფილა მოფენილი. ამ სოფლების შესახებ უნდა მოგახსენოთ, რომ აქ ყველა სოფლებში სომხებს არა აქვსთ თავიანთი საკუთარი ეკლესიები, პატარა სოფლების ეკლესიები მწეირილია დიდს სოფლის ეკლესიებზედ. მცხოვრებნი ქართველთ შორის ისე არიან არეულ-დაარეულნი რომ მათი გარჩევა ყოვლად შეუძლებელია, შეუძლებელია მით უფრო, რადგანაც მათში რამდენათაც სომხის შთამომავალნი მოიპოვებიან, იმდენივე ნამდვილ ქართველის ტომის სომეხ გრიგორიანებიც არიან, ნამდვილ ქართველის მოადგმისანი.

ამას ექვი არ უნდა, რადგანაც რაც სომხები საქართვე-

ლოში მოდიოდნენ, თავის დღეში ამ მოსულთ ფეხი ამ მი-  
ყრუებულს კუთხისაკენ არ წასულა, იქ ესენი არას დროს არ  
მიჰკარებიათ საცხოვრებლად. სომხებს საქართველოში სულ  
რამდენსამე ალაგას ჰქონდათ ფეხი გამაგრებული და აქვე  
ჰქონდათ თავიანთი ეკლესიები, ჰყვანდათ მოძღვარნი. მო-  
ძღვართა რიცხვი იქამდის იყო მცირე რიცხვ მრავლობით,  
რომ მთელს საქართველოში მათ ერთი ეპისკოპოზიც არ  
ჰყვანდათ, ეპისკოპოზი რათ იქნებოდა საქირო, როცა მათი  
ერის რიცხვი საქართველოში არც იყო დიდი. ხოლო ის კი  
უნდა ითქვას, რომ ვინც იყვნენ მათში ყველა იგინი იყვნენ  
მხნენი და მცდელნი, მჯობნი ქართველ სამღვდელოებაზედ და  
ცხარე მეტრფენი თვის თანამერჯულეთ გამრავლების და გა-  
ჩენის. გარდა ამისა მათ უფრო მეტი შნო შესწევდათ ერში  
სიყვარულის განთესვის, ერის დაახლოვების და მოქალაქურად  
გამცნების, ეს ხომ მოგეხსენებათ, რომ იგინი მოქალაქობით  
და მამულისშვილობით ქართველთა სამღვდელოებას ბევ-  
რად სჯობიან.

სომხის სამღვდელოება ყოველთვის უფრო თავისუფლად  
მოქმედებდა, ყოველთვის უფრო აყვარებდა მრევლს თავს,  
ვინემც ქართველთა, სომხის სამღვდელოების დევიზს ეს შე-  
ადგენდა, ძმათა სიყვარული, ქართველთა და სომეხთა შორის  
სრული მშვიდობა და პატივის ცემა, ერთმანერთის მფარვე-  
ლობა და გატანა. ეს ასეც უნდა ყოფილიყოს მათგან, იგინი  
ნებას აძლევდნენ სომხებს რომ ამათ ქართველთ ეკლესიებში  
ევლოთ, იქ სადაც სომხის ეკლესიები არ იყო, თითქმის სა-  
ზიარებლადაც კი მომზადებულიყვნენ, სუფისკვერიც აელოთ,  
ხოლო ზიარებით კი სომხის მღვდლისაგან უნდა ზიარებული-  
ყოს, ეს კი არ დაეტოვებინა უყურადღებოთ. ამ გარემოებამ  
როგორც სომხები დაუახლოვა აქა იქ ქართველთ ისევე ქარ-  
ველები მათ. საქმე ისე მოეწყო, რომ ქართველთა და სო-  
მეხთა ერთმანერთის ეკლესიებში უეჭვოთ იწყეს სიარული და  
ლოცვები, სხვა და სხვა დროს დღესასწაულების გადახდა სა-

ერთოდ სადმე საყდრის გვერდით, ლამის თევა, ლხინი, ალ-  
თქმის დადება, შესრულება და სხვანი.

იყო ხოლმე ისეთი შემთხვევებიც, რომ ქართველი შეუ-  
თქვამდა, რომ ჩემი შვილი ამა და ამ სომხის ეკლესიას, ანუ  
ხატის დღეობას უნდა მოვნათლოვო, მართლაც დანიშნულ  
დღესასწაულ დღეს რომელიმე სოფლიდამ წაიყვანდნენ იქ  
ქართველთ ყმაწვილს და სომხის მღვდელი მონათლავდა სომ-  
ხურად. ამაზედ წინააღმდეგი არავინა სთქვას, მარტოდ თფი-  
ლისისს მახლობლივ თელეთის წმიდა გიორგში, კრწანისის  
ეკლესიაში და შავ-ნაბადას რამდენიმე ასი ქართველია მონათ-  
ლული, თელეთის წყალობა არის, რომ მის გარშემო მთე-  
ლი ქართველთ გრიგორიანები დღეს თავიანთ თავებს ნამდ-  
ვილ სომხათ აღიარებენ. ასეთმა გარემოებამ საქართველოში  
1830 წლამდე გასტანა. ამ საყდრის საშუალებით დიდი ძალი  
ქართველობა მოესხლიტა თავის ვინაობას, ასეთ გათვისე-  
ბულთ ქართველთა რიცხვით, სავსეს თვით თფილისი. მერე  
ისიც უნდა ითქვას, რომ ერთ დროს, თელეთის წმიდა გი-  
ორგი, შავ-ნაბადა და კრწანისიც ქართველთა საყდრები იყო,  
მის გარშემო ქართველნი სცხოვრობდნენ, ხოლო ჟამთა ვი-  
თარების მეოხებით აქეთ ქართველთ სამღვდელოება უძღლურ  
იქმნა, მათ მრევლის მოვლა აღარ შეეძლოთ, მრევლი კი არა  
და თვით ტაძრებსაც კი სტოვებდნენ უპატრონოდ, ოხრად,  
აღარც მოვლის თავი ჰქონდათ, აღარც სახსარი სარწმუნოე-  
ბრივის ვითარების, მათს გამუდმებულს ვითარებას მხოლოდ  
მუსულმანთა მტრობა შეადგენდა, მათთან ომი და სისხლის  
ღვრა, საყდრის მოვლის და ქართველის სჯულით შემოფარ-  
გვლისთვის აღარავის სცხელოდა.

ამით სარგებლობდნენ სომეხთა სამღვდელონი და იგინი  
მოგზაურობდნენ სოფლიდან სოფელს, თვით მიუვალს მიყრუ-  
ებულს ქართველთ სოფლებში და იქ ქართველებს ხშირად  
სომხურად უნათლავდნენ ყმაწვილებს, აქორწინებდნენ, ამის  
მოდავე მათ წინაშე აღარავინ იყო, რადგანაც ქართველთ მის



შეგნების ძალა აღარ შესწევდათ. მათთვის სულ ერთი იყო, ოღონდ ქართველი მოუნათლავი არ დარჩენილიყო, დაუსაფლავებელი, თორემ იგი ვისაც უნდა დაესაფლავებინა, გინდ ქართველს, გინდ სომეხს, ორივე ხომ ქრისტიანები იყვნენ. დღე დღეისად სომხის სამღვდელოების მხნე მეცადინეობამ და შრომამ საქართველოში, ქართველთ შორის, თვით ქართველთ გვართავან სომეხნი ისე გაამრავლეს, იგინი ისე მოჰფინეს, რომ XVIII საუკუნეში, თითქმის ყველა ქართველთ სოფელში 3—5 კომლი სომხის მალიარებელთა რიცხვი გააჩინეს და მათ ყველგან დანერგეს სომხის მოძრაობის სამერმისო ბჭე.

სომხის სამღვდელოებას რომ უფრო მძლავრად ემოქმედნა ქართველებზედ, ამიტომ იგი ახლა გადაბირებულ ქართველთ არ უშლიდნენ თვით ქართველთ საყდრებში სიარულს, ლოცვის მოსმენას და ზიარებასაც კი. მხნე მოძღვართ კლავები არამც თუ მარტოდ ქართველ ერს ეფინებოდა გარს და ეთვისებოდა, არამედ ესენი ეპატრონებოდნენ თვით ქართველთა დიდრონ ტაძრებსაც კი, ისეთ ტაძრებს როგორიც ახპატია, სანაინი, ბეთლემის მღვთისმშობელი, ბოლნისის სიონი, მიხეილის საყდარი და თელეთი დიდის მამულებით. მარტოდ თფილისში ქართველების ოთხი საყდარი აქვსთ დაჩემებული და გასომხებული, ესენი არიან ფეთხაინი, წმ. მიხეილის საყდარი, დიდი მეიდნის თავზედ წმ. გიორგისა და მეტეხის აღმართზედ, პატარა საყდარი.

ქართლში, ქართველთ შორის, სადაც კი სომხის სჯულს ავრცელებდნენ, იქ მათ შორის, რასაკვირველია. ყმაწვილებთა მონათელის დროს, მათ სამღვდელოთ ქართველთ ოჯახებში თან შეჰქონდათ სომხური მამაკაცის და დედაკაცის სახელების დარქმევა და ამას გარეშე ზოგს გვარებსაც კი უცვლიდნენ. ყველა ეს იყო წესი მათის სჯულიერებისა, ხოლო ამ წესიერებასა კი განმათვისებელი ხასიათი ჰქონდა ქართველების თვით ქართველთავან. მათ მკირედ უნდა შეესწავლად სომხის მღვდლის პატივისცემა და სომხური ენა, რაც სჯულის თავს

მოვალეობას შეადგენდა. თუმცა სომხის სამღვდელთა თანა-  
სწორი იყო სჯულის საქმის შეხედულებაში, ხოლო უპირა-  
ტესობის განმათვისებლობით კი მოქმედებდა ხალხში და სულ-  
მისი წყალობა იყო რომ შიგ შუა გულს ქართლის სოფლებ-  
ში ასე მრავლად დანერგეს სომხის მცნება, სომხური დედა  
ჰაზრების პატივისცემა. საქმე ისე მოეწყო, რომ დღეს, მთელს  
ქართლში ვეღარც ერთს ვერ ათქმევინებ, რომ იგი ქართვე-  
ლი გრიგორიანია, რომ მას მარტოდ სჯული აქვს სომხისა  
და ენა და მოღვაძე კი ქართველის, ამის ცნებაც კი არ არ-  
სებობს მათს თავში, თუმცა უმეტეს ნაწილს გვარი და სახე-  
ლებიც ნამდვილი ქართული აქვსთ, მაგრამ მაინც ისე არიან  
გადაბირებულნი, რომ იგინი არც ამ გარემოებას აკვირდებიან.

აი ასეთია გარემოება ქართლში ქართველთ შორის გრი-  
გორიანების ვრცელებისა და ვიტყვი იმასაც, რომ ესეთი  
გარემოება არამც თუ გლეხთა შორის იყო, არამედ თავად  
აზნაურებთ შორისაც, მაგალითებრ ხელთუბნის თუმანიშვი-  
ლები უნდა იყვნენ ძველადგან მომდინარენი ქართველთაგან,  
ხოლო შემდეგ დროს დაკავშირებულნი გრიგორიანობასთან,  
ზოგნი კათოლიკობას. ესენი უნდა იყვნენ ძველადგან სამ-  
ცხელნი, მამა-პაპით ხელოსნები, რაისა გამო მათ გვარადაც  
ოსმალურად თუმანიშვილები სწოდებიან, ანუ ტუმანაშვი-  
ლები. ეს გვარი ოსმალურად მეშარვლე შვილს ნიშნავს ქარ-  
თულად. ახალციხეში ოსმალებმა ასე იცოდნენ და რომელიმე  
ხელოსანს გვარად არქმევდნენ, რაც მას ხელობა ეკავა ხელში  
და ამუშავებდა. რაც შეეხება ბეგთა-ბეგის შვილებს ესენიც კი  
ქართველთ შთამომავალნი არიან, ხოლო დროის მეოხებით  
ქართლში დაკავშირებულნი უმრავლესობასთან ერთად სომხის  
სარწმუნოებას. ამათ გარდა ქართლის თავადებთ შორის იროცა  
ხებიან სომეხთ შთამომავალნი ბებუთაშვილები, ამატუნი, აბა-  
მელიქი და ხოჯამინასოვი. ბებუთაშვილები საქართველოში  
**XVIII** საუკ. გაჩნდნენ სომხეთიდან და სხვანი კი შემდეგ,  
ხოლო ყველა ამათ თავადიშვილობა **VXIII** საუკ. მიიღეს.

შაინც იგინი ისე დაკავშირებიან ქართველებს, რომ თვინიერ სარწმუნოების ყოველივე დავიწყებით თავიანთი, უამისობა არ შეიძლებოდა მათგან, რადგან სომეხი არამც თუ თავის მოსიყვარულე ქრისტიან ქართველთ ძმათა წინაშე უნდა აღმოჩენილიყო ასე, არამედ იგი სომხურ ენას და ზნე-ხასიათებს სტოვებს თვით თავის მოსისხარ მუსულმანთა გვერდით და ყოველივეს მათსას ითვისებს: ვინც ჩვენი მოსაზრების წინააღმდეგი იქნება იმას ჩვენ ქვემოდ დავამშვიდებთ, სადაც ქართველთ გასომხებულ გვარებს მოუყვანთ და მასთან მის საკურნებელს მალამოსაც დაუსახელებ, რაც ბოლოს დროს იქნა ზოგიერთ სომეხთაგან გამოქვეყნებული, ასეთია მაგალითებზე ახალქალაქის სომეხთა მღვდლის ხუციშვილის ცნობა, რომელმაც „მშაკში“ სრულიად უარ ჰყლ თავისი გვაროვნობა და ყოველივე სომხად აღიარა. სხვას ყველას რომ ეკადროს, ხოლო ამ სულიერ მამას კი არ შეჰფერის ასე გაუკუღმართება და ღამურის ტყავში გახვევა. უნდა მოგახსენოთ რომ ქართლი სავსეა ასეთ კან-გამოცვლილ ქართველთ ღამურებით და ჩვენც მიტომ შევადგინეთ ეს სამცხევი ცნობა ასეთ ქართველთ ღამურათათვის. მღვდელმა ხუციანცმა თავის ვინაობის განსაზღვრაში არამც თუ ისტორიული ცოდნა აღმოიჩინა, არამედ სრული სიმჩატე და არაფრის ცოდნა.

მოკლედ უნდა თქვას, რომ მთელს ქართლის, სომეხთ შთამომავალნი სცხოვრებენ მხოლოდ გორს, ახალ გორს, დუშეთს, ახალ ქალაქს და მცირეც ორ სამ სოფელში, დანარჩენ ადგილებში ვინც კი სცხოვრებენ ისინი ქართველის ტომისანი გახლავან და ჟამთავითარების მეოხებით გასომხებულნი, ამას გარდაწყვეტით ვამბობთ. ასეთ გასომხებულთ რიცხვი მეტად დიდია თბილისში, თითქმის სომეხთა ნახევარი ქალაქში ასეთ ქართველთაგან შესდგება, მაგრამ ყველა მათ დავიწყებული აქვსთ თავიანთ ვინაობა და მის ისტორია. იგინი დღეს ნამდვილი „ჰაეები“ არიან, თუმცა ჰაიკურით არაფე-

რი იციან. მთელ ქართლის ქართველ სომხობას დღეს თავის თავი ნამდვილ სომხათ მიაჩნიათ, სომხეთიდგან მოსულებათ სთვლიან თავებს, თუმცა მათ ამისი არა ეტყობათ რა და გარეგან და შინაგან ნამდვილს ქართველს წარმოადგენენ. მათ ვერაფერს რას შეამცნევს რომ იგინი სომხები, ან მათი შთამომავალნი იყვნენ. საქართველოში 2600 წლის განმავლობაში, თვით ქართველ ჟურებიმა შეინახეს თავიანთი სულის ძალა და სახე, თვით მათ ეტყობათ დღესაც კარგად რომ იგინი ებრაელთა შთამომავალნი არიან და ნუ თუ სომხებს, რომელთა მოსვლაც საქართველოში XVII საუკუნის იქით არ მისწვდება, ამათ კი არ უნდა შერჩენოდესთ თავიანთი ნიშანწყალი? ეს შეუძლებელია.

მართლაც და ვინც ქართლში ნამდვილ სომხის შთამომავალია იმასაც ეტყობა თავის ვინაობის ბეჭედი და ვინც ქართველია იმასაც, საქმე აქ მხოლოდ დაკვირვება არის საჭირო და არა შითვისება და ვინაობის შექმა. ჩვენ ვამბობთ, რომ ქართლის სომხებში რამდენადაც სომხის მოდგმის შთამომავალნი არიან, ორი იმოდელი და მეტიც უტყუვრად ქართველნი უნდა იყვნენ. ასეთ სომეხთა რიცხვს ჩვენ არამც თუ ქართლში ვპოვებთ, ზრამედ ძველად, ანუ იმ დროდამ, როცა სამცხე—მოსცილდა საქართველოს, თვით ქ. ახალციხელსაც კი, ქართველთ შორის ფრანგების გარეშე სომხის სარწმუნოებაც ვრცელდებოდა. XVII საუკ. ახალციხეში, ქართველთ შორის სომხის სჯული ისე მოფინა, რომ ძველს ქალაქის ნაწილში, მათთვის ორი საყდარიცკი იქმნა გაკეთებულ-გადაახლებული, იქ სომხის საძირკველიც დამკვირდდა.

სამცხე-საათაბაგოს დაცემამდე, მთელს კუთხესა და ნამეტურ ახალციხეში ნამდვილ სომეხთა რიცხვი სულ არ იყო, ახალციხეში სომხები გაჩნდნენ ქართველთაგან. ოსმალეთის სამფლობელო საქართველოში ქართველთა ოსმალეებმა ძრიელ გაუჭირეს საქმე, ყველას ათათრებდნენ, გაუთათრებლივ არვის სტოვებდნენ, ქართველს ან სხვა სჯული უნდა მიეღო და ან

უნდა გაათავებულყო, ორში ერთი ელოდა, ამ დროს ქართველთ იწყეს გაფრანგება და გასომხება, ქალაქის ზემო ნაწილის ქართველობა გაფრანგდა და ქვემო ნაწილის, ანუ სადაც ქართველთ ებრაელნი სახლობენ, იმათ მახლობლათ მცხოვრებ ქართველნი კი გასომხდნენ, მაშინ ამ გასომხებულთ რიცხვი 300 კომლზედ მეტი იქმნებოდა, მათ ორი საყდარი აქვდათ. ქართველებს როგორც გაფრანგებას არ უშლიდნენ, ისევე გასომხებას, როგორც აფრანგებდნენ, ისევე ასომხებდნენ, ამას ნურავინ იუცხოვებს, შემდეგ დროებში, ახალციხეში ქართველთ სომეხთა-რიცხვი რამდენადაც მრავლდებოდა, იმდენადვე მცირდებოდა, რადგანაც გასომხებულ ქართველნი ზამცხის ახალციხილამ აქა იქ ოსმალეთის ქალაქებში მიდიოდნენ სავაჭრო, სამუშაოდ და საცხოვრებლად, რადგანაც იქ მათ თვის თანა მერჯულენი ეგულებოდნენ და მეორე იქ უფრო ეადვილებოდათ ცხოვრება ვიდრე ახალციხეში, სადაც ოსმალეთს და საქართველოს ერის შორის მუდამ მტრობა იყო გამართული და ომებიც ხშირად ხდებოდა, ერთის სიტყვით ქართველებს ახალციხის აღებაზედ, ანუ უკან დაბრუნებაზედ ყოველთვის ეჭირათ თვალი, ეს გარემოებაკი ადგილობრივ მცხოვრებთათვის არ იყო კარგი და გასომხებულ ქართველთაც ისე თვისთანამეტომეთა გვერდით არ ემარჯვებოდათ გადმოსვლა, როგორც ოსმალეთისკენ, ეს რაკვირველია ასეც იქმნებოდა, გასომხებულ ქართველებს ქართლში, ქართველებთან ხშირად საყვედური მიეცემოდათ და ოსმალეთში მცხოვრებ სომეხთაგან კი ქება და ღიღობა, დახმარებაც კი ამისთვის, რომ იმათ გაფრანგების მაგიერ გასომხება ირჩიეს.

თამამად ვიტყვით, რომ რაც ქართველთაგან გაფრანგებულა ასე იმდენი გასომხებულა, ახალციხე ერთ დროს გასომხებულ ქართველებით სავსე იყო, იქ ქართველთ რიცხვი გაფრანგებულ და გასომხებულ ქართველთაგან შესდგებოდა და ორივე კი მაინც სომეხათ იწოდებოდნენ, სულ ეს გარემოება გახლდად მის მიზეზად, რომ ერთ დროს ჩვენმა პლატონ იოსელია-

ანმა, შეცდომით და გაუფრთხილებლივ დასწერა, რომ ერთ დროს სომეხთა რიცხვი ახალციხეში რამდენიმე ათასი იყო. პ. იოსელიანი ფანატიკი იყო, იმას ქართველად მარტოდ ის მიაჩნდა იენც კი მართლმადიდებელი, ანუ ბერძნის ეკლესიის იყო, ვინც არა და ის მისის ჰაზრით ქართველი არ იყო. იგი კათოლიკებსაც სომეხებს უწოდებდა; თვით გორის და თფილისის ქართველ კათოლიკენიც კი სომხათ მოიხსენა თავის ნაწერებში. ეს ცნობები სომხის მწერლებმა დაიხვეს ხელზე და სწერეს, რომ პ. იოსელიანის სიტყვით, ახალციხეში ერთ დროს სომეხთა რიცხვი რამდენიმე ათასი იყო. ჩვენ კი ვიტყვით აქ, რომ სომეხთა რიცხვი ძველად მესხეთსა და ჯავახეთში და თვით ახალციხეშიაც სახსენებლათაც არ იყო.

აქ სომეხები გაჩნდნენ 1828 წლების შემდეგ, ოსმალეთში დამ გამოსახლდნენ. დღემდე ახალციხეში კიდევ არის აქა-იქ დაშთენილ ისეთ გასომხებულ ქართველთა რიცხვი, რომელთა დედა ენა ქართული არის. მხოლოდ გვარები კი გადაკეთებული აქვსთ, მცირე რიცხვი კია, ძველის ქართველ სომეხებზე ერთ მხარეს სცხოვრებენ. რაც არის ესეც საკმარისია ჩვენის ცნობების დასამტკიცებლად. დღეს თუ მესხეთსა და ჯავახეთში სადმე სომეხები სცხოვრებენ და იგინი ძველს მკვიდრთ რიცხვს ეკუთვნიან, ყველა იგინი ქართველის ტომისანი არიან და გარემოების წყალობით გრიგორიანობაზედ გადასულნი და ბოლოს ენითა და გვარითაც გასომხებულნი. ასეთია მესხეთის და ჯავახეთის ქართველთ-სომეხთა ვითარება.

კახეთში სომეხების მისვლა ეკუთვნის სამს ხანას XII საუკუნეს XVI საუკ. და XVII საუკ. მხოლოდ მცირე რიცხვი კი, ასე რომ მათი აღნიშვნა 100 კომლზედ იქით არ წავა, იგინიც დასახლებულ იქმნენ თელავს, სიღნახს და საგარეჯოს. დანარჩენ ადგილებში შემდეგ გაჩნდნენ. დღეს კახეთ გარეთ, თუ შიგნით კახეთს სომეხები სცხოვრებენ შემდეგ სოფლებში: თელავს, სადაც დაჩემებული აქვსთ ქართველთ ეკლესიაც, ქისტაურს, რჩეულეთს, ხორხელს, ალავერდს,

ჯანიანს, ოჟიოს, არტოზანს, არტოზანს მეორეს, აქ სომეხთ  
რიცხვი ძველად დასახლებულა რამდენიმე კომლი, რუის-პირს,  
აქაც ძველად დასახლებულა რამდენიმე კომლი, ახატელს,  
ვარდის უბანს, გულგულას, კურდღელაურს, ტომიანს, წინან-  
დალს, ჩობაკურს, ქვემო ხოდაშენს, კალაურს, შაშიანს, ური-  
ათ-უბანს, მუკუზანს, ველისციხეს, ჩუმალაყს, კუჭატანს, სა-  
ნოვარდს, პირისყანას, ფაშაანს, ირაკლის ციხეს, ნაფარეულს,  
სანკორეს, არტაკას, ლალისყურს, ტახტის სოფელს, ახატელს,  
ფიჩხოვანს, ბახტრიანს, მატაანს, ყანდაურს, გავაზს, კუჭატანს,  
სანავარდეს, პირისყანას, ბაკურციხეს, ქალაქს, კარდანახს, ჯუ-  
ჯაანს, ტობაანს, პრასიაანს, ოზაანს, სულკანას და სხვანი. ივ-  
რის ხეობაზე სცხოვრებენ შემდეგ სოფლებში: კაკაბეთს, მა-  
ნავს, გიორგი წმინდას, საგარეჯოს, ნინო წმინდას, პატარ-  
ძეულს, კარბულახს, უჯარმას, ვეჯინს, ნორიოს, მარტყოფს,  
ახალ სოფელს, სართიქალას, ნავთლოფს და სხვაგანაც აქა-იქ  
თითო-ოროლა კომლი. ქიზიყისკენ სცხოვრებენ შემდეგ ად-  
გილებს: ქ. სიღნახს, გურჯაანს, ჩალაუბანს, მელაანს, ქოდა-  
ლოს, ფხოვლეს, ზიარას, აგრამას, ჯიმიტს, ანავას, ვაქირს,  
საქეაბოს, მაშნაარს, მირზაანს, მაჩხაანს, ფანიანს, მალაროს,  
ნუკრიანს, კოტორს, ბოდბეს, ბოდბის ხევს, კოდალს, ასნაურს,  
ახალ სიღნახს, ანუ ნასომხარს და სხვა სოფლებშიაც თითო  
ოროლო კომლი.

ცხადია, რომ ნასომხარში, სომხები უნდა ყოფილიყვნენ  
ძველადგანვე დასახლებულნი, ჰაზრის შედგენა ამას გვასწავ-  
ლის, მაგრამ ისიც შეიძლება ვიფიქროთ, რომ აქ ნამდვილ  
სომხების კი არა და გასომხებულ ქართველების ყოფილიყვნენ,  
რის გამოც მას დაერქვა ქართველთაგან ნასომხარი. მაინც ამ  
ერთ სოფელზედ არ ღირს ლაპარაკი, ჩვენის საგნისთვის ზე-  
მოხსენებულ სოფლებიც კმარა. უნდა მოგახსენოთ, რომ ყვე-  
ლა ამ სოფლებში თუ ნამდვილად სომხის გვარის შთამომავალნი  
იყვნენ მცხოვრებნი, მაშინ გამოვა რომ კახეთის ნახევარ  
მცხოვრებნი სომხები უნდა იყვნენ! ამას ჩვენ მით უფრო ვამ-

ბობთ, რადგანაც ბევრი სოფლები სადაც თითო ოროლა კომლი სცხოვრებს სომეხთა ჩვენ ის სოფლები არ დავასახელებთ. ასევე ითქმის ქართლზედაც. დარწმუნებული ვარ, რომ ამაზედ არც ერთი ქართველი, რომელიც კი იცნობს ქართლისა და კახეთის მცხოვრებთ ქართველთ ვითარებას, ის ამაზედ ხელს არ მოგვიწერს, არ დაგვეთანხმება. მასზედ რომ ეს ხალხი ჩვენ სომხის მოდგმისად ვალია როდ, არ დაგვეთანხმებიან მიტომ კი არა, რომ იგინი გვარ და ტომ ჭამიები იყვნენ და სომეხთ მითვისება უნდოდეთ, არამედ არ დაგვეთანხმებიან მიტომ რადგანაც ასეთი დათანხმება და მოსაზრება იქმნება უკანონო და უსამართლო.

კახეთში სომეხთა რიცხვს ფეხი გამაგრებული ჰქონდა თელავს, სიღნახს, საგარეჯოს და ორს თუ სამსაც სოფელში. დანარჩენში მათი რიცხვის ხსენებაც არ იყო, იქ მათსას კაცი ვერვის ნახავდა, ხოლო შეიძლებოდა ვაჭრობის მხრით თითო ოროლა კაცი აქა-იქ დროებით მისული გენახათ. დანარჩენის ვერავის ნახავდით, ყველა ზემოხსენებულს სოფლებში სადაც კი დღემდე სომხები სცხოვრებენ, ყველა იგინი ქართველები არიან შთამომავლობით. მათი ვინაობა ქართველია, დედა-ენაც ქართული, იგინი უამთა-ვითარების მეოხებით და სომეხთა სამღვდელოების წყალობით არიან გრიგორიანობაზედ გადაყვანილი და მით გასომხებულნი. როგორც თფილისის სომხის სამღვდელოება ქართლის ქართველებში ავრცელებდა სომხის სჯულს, იმასვე კახეთში თელავისა და სიღნაღის სომეხთა სასულიერო წოდება ჩადიოდა და უპატრონოთ შთენილთ კახეთის გლეხკაცებს ასომხებდა. კახეთში რაც კი ქართველ გრიგორიანები არიან, ყველა იგინი სომხობასთან დაკავშირებულნი არიან **XVII** და **XVIII** საუკუნის დამდეგს. ამას ექვი არ უნდა, ტყუილ-უბრალოდ შეიძლება რომ სომხის აზგასერები გაგულისდნენ ამაზედ, გაგულისებიდამ არაფერი გამოვა, რაც მართალია ის უნდა სიმართლით იქმნეს აღიარებული და რაც ტყუილი ის კიდევ ისევე. ვგონებთ ამ დასკვნაზედ დავას არ დაგვიწყებენ:



შაინც აქ სადავო არაფერია, ეს ისტორიული მიმოხილვა არის.

სომხის ეკლესია და მისი წესები არის ისე მოქარგულ მოწყობილი, რაისაგამო იგი გვართა ქამიად უნდა ჩაითვალოს. როგორც ისლამი სქამს გვარს და ყველას ათათრებს, ისევე გრიგორიანობა სჩადის. აი თუნდ დღეს., რომ მე მივიღო ეს სჯული, იმ დღიდგან მე უნდა ნამდვილი სომეხი გავხდე ენით და ზნით, ქართული უნდა ყოველივე დავივიწყო, ვგმო ცხარედ და მის მაგიერ სომხური უნდა შევითვისო, ნამდვილ სომხობა უნდა დავიწყო. ასე გახლავსთ მთელი ქართლის და კახეთის გასომხებულ ქართველთ ვითარება. რაც აქ საზოგადოთ მიმოხილვა შევადგინეთ ქართველ-სომხებზეთ, ვგონებ ჩვენთვის საკმარისი უნდა იქმნეს, ჩვენ საკვირველად გვჩვენებს გარემოება, რომ ან კი სომხის მხნე სამღვდელოებას. როგორ გადურჩათ და მთელი საქართველოც კი ვერ გაასომხეს, ხომ ვიცით ისიც, რომ ჩვენი სამღვდელოება საუბედუროდ უკანასკნელ დროს ისე დაკნინდა და დაეცა რომ სომხის მხნე სამღვდელოება არამც თუ მარტოდ ქართველთ მდაბიოთა სიცოცხლეს შეისყიდდა, რომელთაც ცხოვრება ჰქონდათ გამწარებული, არამედ იგინი შეისყიდნენ თვით ქართველ მღვდლებს და მღვდელ მთავრებსაც და თუ საქმე გაჭირდებოდა მაშინ თვით კათოლიკოსაც კი. ეს ნურავის ეწყინება, ჩვენში, ყველამ კარგად ვიცით ქართველი სამღვდელოების უძლურება და უმამულოსშვილობა. ქართველი სამღვდელო ოლონდ გააძღე, აქამე, ასვი, ფული მიეცი და იგი არამც თუ თავის მრევლს დაგიტმობს გადასარჯულებლად, არამედ თვითაც გამოგყვება უკან ისე როგორც მონას ყელზედ საბელი მოაბან და ძალით წაიყვანონ სადმე.

ასე იყო ძველად ქართველი სამღვდელოება, ასევე გახლავთ დღესაც და სულ ამის წყალობა არის, რომ ქართველი როგორც ძველად სთმობდა თავის სჯულს და ვინაობას, იგი ისევე სთმობს დღესაც და ეთვისება სხვა ტომის ერთ. დღესაც ქართველი თავის უხეირობით და ბედასლობით მარტოდ

კუჭის გზას ადვას და როგორც უძღებს ერთი ლუკმა პურის-  
თვის დავიწყებული აქვს გვარიც, ენაც, ტომიც და ქვეყანაც.  
ქართველი ასეა გაფუჭებული და გაწუწკებული რომ იგი ფულ-  
ზედ გაჰყიდის თვით თავის პიროვნებასაც, ცოლს, შვილებს,  
დედას და მამასაც. ასე ვიყავით ძველადგანვე და აბა რაღა ფიქ-  
რი უნდა მას, რომ სომხებს ჩვენი შესყიდვა და გასომხებაც  
ვგონებთ არ გაუჭირდებოდათ, ამას იგინი ყოველთვის ადვი-  
ლად მოახერხებდნენ.

ქართლსა და კახეთში მცხოვრებ სომხებთ შორის, რომ-  
დიდი ნაწილი უნდა იყოს ქართველ გრიგორიანებისა ეს იქი-  
დამაც კარგად სჩანს, რომ ქართველთა და სომეხთ შორის  
დიდი ერთობის ქსელია გაბმული. იგინი ერთმანეთისაგან  
არაფრით განირჩევიან, ლხინი, ჭირი და სხვა ამგვარები ერ-  
თად იციან, ჭამა, სმა და წეს-წყობილებაც ერთნაირი აქვსთ,  
ლაპარაკი, მიხვრა-მოხვრა და წესებიც ერთია, რასაკვირვე-  
ლია ქართული. ნათესაობა, მისვლა-მოსვლა, ქალის გათხო-  
ვება, დანათესაება და ნათლიობაც ხშირად იციან. ამხანა-  
გობა ყველანაირს საქმეებშიაც განურჩევლად სწარმოებს, მათ-  
ში რამე გვაროვნული განხეთქილება სულ არ არსებობს ისე,  
ეს როგორც სხვა წრის ხალხში გახლავსთ, ამათ დანათესაებას  
და კაცთა შორის სიყვარულს ის გარემოებაც უფრო აფარ-  
თოვებდა და ამტკიცებდა, რომ ქართველთ მეფეების დროს,  
შვილი ყოველთვის მამის სჯულზედ ინათლებოდა, ამიტომ  
სომეხთაგან ქართველი ქალების შერთვა ერთობ ხშირი იყო,  
ეს გარემოება კიდევ მათში მტკიცე კავშირს ჰბდავდა, სომე-  
ხის სჯულის მექონ ქართველთ რიცხვი საქართველოში თა-  
ვისუფლად მრავლდებოდა, მათ ჩვენს დრომდე კარგად მო-  
აღწიეს, თუმცა XIX საუკუნის დამდეგიდამ მათს ასეთს ცხოვ-  
რებას კი სახე შეეცვალა, დაირღვა ის რაც კარგა ხანს მათ-  
ში არსებობდა, თითქმის ნათესაობა კი არა და მეგობრობაც  
მოიხპო, თვინიერ ქართულის ენის, ჯერ-ჯერობით მათს ერთს  
ტომობის ნიშნად მათში მხოლოდ-ღა ქართული ენა არსებობს,

თუმცა ისიც კი უნდა ითქვას, რომ ამ ბოლოს დროს ამასაც ევლინება მათებული მახვილი, ქართული ენის დავარდნის და ამოფხვრის ნატვრა მათში ხშირად სწარმოებს, შეიძლება მომავალში ესეც ამოვარდეს მათში. ენის გარდა საზღვისოთ ქართველ გრიგორიანებს დავიანთ ძველს ქართულს გვარსა და სახელებსაც უსხვაფერებენ, ახალს რაღაცა სომხურ გვარებს არქმევენ და მით არწმუნებენ რომ თქვენი ძველი გვარი სომხური არის და დღეინდელი, ქართული კი ახალი მოგონილია.

ასეთი ოსტატობა და მანქანებანი მათგან ხშირად მომხდარა ჩვენში და სულ ამის წყალობა გახლდათ, რომ ამ გარემოებას ჩვენ აღრევე მივაქციეთ ყურადღება, ამის შესახებ ცნობებიც ვსწერეთ, მერე ამ გარემოებამ კამათიც გამოიწვია, სომხურ მწერლობაში საუბარი ასტეხეს და უარი ჰყვეს ჩვენი მოსაზრება, დაასკვნეს და დააღაღადეს, რომ ქართველებთაგანი სომეხი არც ყოფილა ვინმე და არც იქნებაო. ვისაც კი სომეხს ქართული გვარი აქვს, ის ქართველებთაგან არის მოგონილი და დარქმეულიო. მერე კლდიას მისცეს პასუხი „მშაკში“ და ერთ ჩემს წერილს „მურჭში“. აქ თამამათ უარჰყვეს ქართველ გრიგორიანთ არსებობა, ქართველ გრიგორიანები ჩვენ სახსენებლათაც არ ვიცითო. დაბეჭდეს ასეთი ცნობაც, რომელიც სულ სიჯიუტე არის.

მათმა ასეთმა სჯამ კვალად გამოიწვია კლდიას წერილი, რომელიც დაიბეჭდა „ივერია“-ში, ამხელდ ანუ ასეთ საკითხის გამო მათში კვალად ასტეხეს კამათი და „მშაკ“-ში ასეთი შინაარსის წერილები დასტამბეს: „ქართველ გრიგორიანობის გაჩენას ჩვენ უარს ვყოფთ, ეს არც ყოფილა და არც იქნება, რადგანაც ძველადგანვე ქართველთ სამეფო გამგეობა სასტიკათს დევნიდა იმ ქართველთ ვინც კი გაურჩნებოდნენ, ან გასამსდებოდნენ, თვით კათალიკოსი ანტონიც კი დასაჯეს გაურჩნებებისათვისო. სომეხებს თუ ქართული გვარები აქვთ, ეს არის მისი წყალობა, რომ სომეხებს ჩვეულებათ აქვთ, რომ რამეჯს ქვეყანასა

და ხალხშია ც წავლენ და დასახლებიან, იგინი იმ ქვეყნის ერის  
ზნესა და ხასიათს სწავლობენ. ენას ითვისებენ, ტანთსაცმელსაც  
მათებურად იცმენ და გვარსაც ადგილობრივ ენით ხტვლიანო. ესე-  
ნი ამას ცხოვრების გაადვილებისათვის სჩადიან, თვინიერ სჯულის-  
ყოველივეს სთმობენ თვისსაო. ასევე იყო საქართველოში და ქარ-  
თველებთან ერთად ცხოვრების გამო სომხებმა სულ ქართული  
თვისება და ზნე შეითვისეს, ენა და გვარებიც ქართულად დაირ-  
ქვესო.

ასე ახსნეს საქმე და გორის ახალ ქალაქის მცხოვრებ  
ქართველ გრიგორიანმა სომხის მღვდელმა ხუციშვილმაც  
„მშაკ“-შივე გამოაცხადა, რომ „ხუციშვილებს უბრალოდ სთვლით  
ქართველათ, ჩვენ სომხები ვართ და მათი შთამომავალი, სომხე-  
თიდანვე მისულიო. სომხებს ჩვეულება აქვთ, რომ სადაც წავ-  
ლენ და დასახლებიან, იგინი მაშინათვე ადგილობრივ ენით არქ-  
მევენ გვარსა და სახელებსაო, მაგალითებრ სომხურად ტერ-ტერო-  
ვი—რუსულად ზაზგად არის ნათარგმნი რუსეთის სომხებშიო, მს-  
მალ-სხარსეთში—ქეშიშ-ოდლად და საქართველოში—ხუციშვილადო“

ვინც კი ამ საგნის, ანუ ქართველ გრიგორიანების შე-  
სახებ ხმა ამოიღო ყველამ უარი ჰყო როგორც კლდიას მო-  
საზრება ისევე ჩვენი ქართველ გრიგორიანების შესახებ. ამ  
გარემოების გამო არა მცირედი კამათი გამოიწვია ალ. ხახა-  
ნაშვილის წერილმაც, რომელიც ერთ დროს გაზეთ „კავკა-  
ზით“ ასაბუთებდა, რომ ქართველებში ქართველ გრიგორია-  
ნებიც არიანო, ამასაც უარს ჰყოფდნენ სომეხთა მწერლობა-  
ში და ახალს მოგონებულ ჭორად სთვლიდნენ ყოველივეს.

ჩვენ რომ ასე ვისაუბროთ, აქედამ არაფერი გამოვა,  
ჩვენ ჩვენსას ვიტყვით, იგინი თავიანთსას, საქმე კი სულ  
სხვა გახლავსო, ჩვენ უნდა დავემორჩილოდ და მოვეწყოთ  
იმას რასაც ცხოვრება გვასწავლის, რასაც აწ არსებული  
ცნობები გვაძლევენ დასკვნის შედგენას. ჩვენ ესენი უნდა  
ვიქონიოთ მხედველობაში, რადგანაც ყოველივე მიდამა  
სჩანს კარგად. ვგონებთ ეს უფრო უებარი წამალი იქნება და

გულის დასადინჯებელი ყველასთვის. ჩვენ, ქართველები გვარი-  
ქამიები არ გახლავართ, ღმერთმა გვიხსნას ამისგან. ჩვენ და  
ჩვენი სამეფო რომ გვარი ქამიები ვყოფილიყავით, მა-  
შინ ვინ იცის რას ვიზამდით და ან დღეს რა ვიქმნებოდით.  
ჩვენ ვიყავით მეამიტი ქრისტიანები და მასთან გულ-ჩვილნიც.  
საქართველოში, ქართველთ სამეფოს გვერდით, თვით ქარ-  
თველთაგან მარჯვენაც და მარცხნივ იყიდებოდნენ ქართველთ  
ძენი მრავლად და მათ ყიდულობდნენ ყველანი, თათრებიც კი.  
ქარუველთ თავისუფლად ათათრებდნენ, აფრანგებდნენ და  
ასომხებდნენ კიდევ. ამის მაგალითები ისტორიულადაც მრავ-  
ალი გვაქვს. ქართველთ ესეთი გარემოება კი არა და ერთ  
ღროს, სომხებმა უარი ჰყვეს თვით ერთი წიგნი „სამხრე-  
თი საქართველო“ სადაც ნათქვამია, რომ „სომხეთი“ წარ-  
მომდგარი უნდა იყო სიტყვა სამხრეთიდან, ეს მათ იუკა-  
ღრისეს, სთქვეს ანაჲ. ეს მიტომ, რადგანაც მათთვის ხელმი-  
საცემი არ არის, სიტყვა „სომხეთში“ იხატება არმენია. სომ-  
ხეთი ხომ მოგეხსენებათ, რომ თვით შუა გულ ქართლიდამ  
იწყება და მათის ფიქრით გამოდის რომ სომხეთი თვით შუა  
გულ ქართლიდამ იწყება. ასეა რაღა, მაგრამ ვიტყვით კიდევ  
რომ სიტყვა სომხეთი—საქართველოს სამხრეთი ნაწილია.

აბა ეს რა ჭკუაში მოსასვლელია, ან როგორ შეიძლება?  
ქართველები თავიანთ ქვეყანას სხვა და სხვა მხართა სახელ-  
წოდების მოხსენებით საზღვრამდნენ, მაგალითად: აღმოსავლეთ-  
თის საქართველო, დასავლეთის, ჩრდილოეთის და სამხრეთის.  
სიტყვა სომხეთი აქედამ არის წარმომდგარი და ეს მითვისებულ-  
ლია ჰაიასტანზედ, ეს კი ასე არ შეიძლება, ამათ ყველა  
უწოდებს ჰაოსიანებს და ერმიანებს, ძველად ჩვენც ჰაოსია-  
ნებს უწოდებდით. ეს ეწოდათ მათ სიტყვის ადვილად გამო-  
თქმის გამო, ქართველნი ვერ იტყოდნენ ხოლმე ადვილათ,  
რომ „სამხრითარნი“ თუმცა „სომხითარის“ კი უწოდებდნენ  
სიადვილის გამო, სიტყვაში სომეხი გამოვიდა და ამ სიტ-  
ყვის გამოსვლაში მთელი ქართლიც ჰაიასტანში მოექცა.

ჩვენი მოსაზრება მკაცრად იუცხოვეს „მურჭში“ და უარი ჰყვეს, მაგრამ ამაოდ, ქართულს ძველს ძველის წიგნებში სომხებს ჰაი ეწოდება და არა სომხები. სომეხი ახალი სიტყვა არის და გამოდის ის, რომ ვინც სომხეთში სცხოვრებს ყველა იგინი სომხები არიან, ესეთი შეცდომა მარტო ბავშვებს მიეტივება.

საქართველოს სამხრეთი ნაწილი იწყება თითქმის თფილისის ახლოს ადგილებიდან, მაშ არმენიაც აქედამ დაიწყება. ეს ზომ სრული შეცდომა იქნება, მაგრამ ამ შეცდომასთან მათ საქმე არა აქვთ და მართლაც სომხეთს შუა გულ ქართლიდამ სთვლიან, სადაც სომხთ ხსენება არას დროს არ ყოფილა. ესეც ერთი მაცდურება არის ჩვენი ტომისა და უბედურება. ამიტომ სომხთ მწერალნი სომხურ კარტებზედ საქართველოს არმენიას აწერენ, წიგნებშიაც ასევე; ლაპარაკშიაც თამამად ამტკიცებენ. ყველა ამის საფუძვლათ კი იმას ბრძანებენ, რომ თვით ქართველებიც ასე უძახიან ამ კუთხესაო, ე. ი. სომხეთსა და მასში მცხოვრებნიც მთლად სომხის შთამომავადნი არიანო. სხვასთან მათ საქმე არა აქვთ, ჩვენ ამის შესახებ წინააღმდეგს ვაცხადებთ და ვაპბობთ, რომ სამხრეთი საქართველო სულაც არ ნიშნავს არმენიის ნაწილს, სამხრეთი საქართველო ზემო და ქვემო ქართლის ნაწილია და აქ სომხებს თავის დღეში არავითარი გავლენა არ ჰქონიათ. არმენია იწყება იმ საქართველოს საზღვრებიდან, სადაც სამხრეთ საქართველოს ნაწილი თავდება. ვისაც ეს არა სწამს, იმას ვსთხოვ ამ საგნის დაკვირვებას და გაცნობას კარგად. მარტოდ ის არ კმარა, რომ საქართველოს კუთხეებს და ხეობათა „ბოჯნაფორა“ და „მანკლაფორა“ უწოდოთ. თფილისშიაც არის „სომხის ბაზრად“ წოდებული კუთხე, მაგრამ თფილისი კი სომხების არა დროს არ ყოფილა, არამედ ქართველებისა გახლავსთ, ჩვენი საუბრის სრულს ქვემარტებას შეადგენს სომეხთა არქიმანდრიტის ტერყაზარიანცის შენიშვნა, რომელიც ადრე დასტამბულ იქმნა ჟურნალ „ცისკარში“ 1861 წ. \*)

\*) „ცისკარი“ 1861 წ.

არქიმანდრიტი ტერყაზარიანცი მოგვითხრობს შემდეგს: „ვეკლა ენებზედ ჩვენს ტომს ჭაოსიანი, ანუ ერმიანი, ჭაიკები ეწოდებოდა და ქართულად კი სომეხი. არ ვიცი, ეს საიდან დაერქვა ქართველებში მათა“?! ეს შენიშვნა ქეშმარიტი გახლავთ და იგივე არქიმანდრიტი მოგვითხრობს, „ეს გვინებ წარმადგარი უნდა იყოს სიტყვა სამსრეთიღამა“. ჩვენ ამის შესახებ აქ აღარას ვიტყვით, რადგანაც ამის ახსნა განმარტებით, წიგნის, „სამსრეთ საქართველოშია“ გვექონდა და აქაც გვაქვს ზემოთ გაკვრით ლაპარაკი. მეტად საჭირო კია რომ ჩვენ შორის ასეთ შეცდომას ბოლო მოვდოს, სომეხებს, როგორც ძველად ჩვენი მამა-პაპანი ჰაებად უწოდებდნენ, ჩვენც ისევე ჰაოსიანები უნდა უწოდოთ. ამას გარდა საჭიროა და მეტათ. საინტერესოა, რომ განსაზღვრულ და აღდგენილ იქმნეს ძველის საქართველოს და სომხეთის მიჯნები, თუ სად იწყება ერთის სათავე, სად თავდება მისი ბოლოები და საზღვრები. და ან საიდან იწყება მეორე. ამ საგანს ადრე დ. ბაქრაძემაც მიაქცია ყურადღება და წერილიც დასწერა და დაბეჭდა\*\*).

პატიოსნება არის ო ადამიანობის ვალი: ჩვენ არავის მტრობა არ გვინდა, ჩვენ წინააღმდეგ ნურავინ ამხედრდება, გვაროვნულს მტრობას ნურავინ დაგვწამებს, აქ ქეშმარიტების ძიება არის საჭირო და იმასაც ვიტყვით, რომ ჩვენ სარწმუნოების წყალობით ქართველთა განთვისებას არავის დაუთმობთ. არ დაუთმობთ მით უფრო რადგანაც ამ შეცდომის შეგნება ჩვენს მამა-პაპებს სულ არ ჰქონდათ, იგინი სჯულის ქვეშ ჩრდილავდნენ გვაროვნობას და ეს კი ჩვენთვის სულ ერთია. ქართველი გინდ ბერძნის ეკკლესიის იყოს, გინდ გრიგორიანის, კათოლიკის, თათრის და ურიის ამით არაფერი წახდება, მხოლოდ ქართველი—ქართველად დაშთეს და სომეხი სომხად. ღმერთია მოწამე რომ ჩვენ არავის მტრობა არ გვსურს, ხოლო ვერც იმას დავფარავთ, რომ საქართველოში, ქარ-

\*\*\*) „ივერია“ თვიური ჟურ. 1882—83 წ.

თველთ გვერდით, ქართველ გრიგორიანებში სომხის ახალ-  
გაზრდობა ქართული ენის სრულს ზიზღს ჰქადაგებდეს და თი-  
თქმის ყველა სამრევლო და საერო სკოლებში ეს ენა მოსპო-  
ბილიც ჰქონდესთ. მოსპობა იქით იყოს და მის სრულს ზიზღს  
და გმობას ავრცელებდენ ხალხში რაც არ უნდა იქმნეს კარგი.

არ უნდა იქნეს მით უფრო, რადგანაც ქართლსა და  
კახეთში, ყოველ სოფელსა, დაბასა და ქალაქში, სადაც უი-  
სცხოვრებენ გრიგორიანები მათში მოიპოვებიან ისეთნიც,  
რომელთა გვარის წევრნი ქართველებიც არიან, მონათესავე-  
ნი ძირეულ ქართველ გრიგორიანების და მათ გარდა ნამ-  
დვილ სომხის შთამომავალთა შორისაც ვპოვებთ, აქედამ  
სჩანს ამ ხალხის დიდის ხნის გადაბმული ერთობა და გვა-  
როვნული ნათესაუობა, ენის მხრივ ხომ გარჩევა არა აქვსთ.  
მაგრამ ამაებს იგინი არ აკვირდებიან და ძირეულ ქართველ  
გრიგორიანების ქართულ გვარებს ამახინჯებენ. ასე გვარების  
დამახინჯება მათში მას შემდეგ წავიდა წინა, რაც მათმა სა-  
მღვდელოებამ ძლიერი სული ჩაიდგა, დიდი ძალა მოიცვა და  
მის საშუალებით ქართველ გრიგორიანებსაც ადვილათ დაარ-  
წმუნეს რომ იგინი ჰაოსიანები, ანუ სომხის შთამომავალნი  
არიან, რომ ეკკლესიას, ანუ სჯულს გარეშე გვარტომობი-  
თაც სომხები გახლავან.

ქართულ გრიგორიანებმაც ირწმუნეს მათი რჩევა და  
მის მეოხებით იწყეს სომხური ენის შეთვისება, გვარების გა-  
დასხვაფერება და ყოველივე ქართულის დამახინჯება. ზოგის  
ქართველ გრიგორიანის გვარი ისეა გადაკეთებულ-დამახინ-  
ჯებული, რომ მის მნახველ ქართველ კაცს თავის დღეში  
ფიქრადაც არ მოუვა, რომ ამ გვარის მექონ კაცი არამც თუ  
ოდესმე ქართველი ყოფილიყოს, არამედ ქართველთან რამე  
ნათესაუობაც კი ჰქონიყოს.

ეს კიდევ არაფერი, ამაზედ საყურადღებო ის არის,  
რომ თვით გვაროვნობის რწმენაც კი ისე გადამახინჯებით  
არის განმტკიცებული, რაის მეოხებითაც ყოველი ქართველი



გრიგორიანი ნათლათ არის დარწმუნებული მასზედ, რომ ის გვაროვნობით ნამდვილ ჰაოსიანია. რწმენა აქ დიდი არაფერია, საქმე ის გახლავსთ, რომ უკანასკნელ ეს რწმენა ხდება ქართველთაგან მათ განმათვისებელ ძალად, სახსრად, რაც მერმისისთვის მათში მტრობასა და შურსაც ჰბადავს, იგინი დაუძინებელ მტრებათ ხდებიან და ყველაფერ საქმეში ბრუნდეს თვალით იცქირებიან, ქართველებს თავიანთ მტრებათ რიცხვენ და ასეც უქადაგებენ ხალხს, რომ ამ ზიზლის დათესვით საქართველოში, ქართველთ გრიგორიანებში აღადგინონ ვითომც და მათი საკუთარი დედა ენა, მაგრამ ჟამთა-ვითარების წყალობით დაცემულს.

გვაროვნობის განთვისების ტრფიალებით მათ იქამდის შიახწიეს, რომ უკანასკნელ ქართული ენა აშკარად ჰგმეს და ამ ენის დევნა თვით ეკლესიებიდან და სკოლიდამაც დაიწყეს. იქმნება მკითხველმა ეს არც კი დაიჯეროს, რომ როგორ თუ საქართველოში ქართველთ შორის, ქართული ენა იგმობაო, აქ დაუჯერებელი არაფერია, ყოველის ფერი მართალია და ჭეშმარიტი. იტყვის მკითხველი: საქართველოში რომ სომეხმა ქართული ენა არ იცოდესო, უამისოდ ის როგორ გასძღებსო. როგორ იცხოვრებს, როდესაც მას მტკიცე დამოკიდებულება აქვს ქართველთანო. დიახ, ეს ასე უნდა გახლდეს, მაგრამ ეს ასე არ არის და შიგ შუაგულს ქართლში, ქართველი გრიგორიანი აღარ სწავლობს ქართულს ენას და წერაკითხვას მიტომ რადგანაც მათ თავიანთ ვინაობა სომხად მიაჩნიათ. მართალია რომ მან შიგ შუაგულ ქართლში თავის ნათესავთან, ამხანაგთან, მეზობელთან, მტერთან, მოყვარესთან და მებატონესთანაც ამ ენით უნდა ისაუბროს და ხშირად ამ ენის წიგნის ცოდნაც მოუნდება, მაგრამ მაინც სხვათა გავლენით საქმე ისეა დაყენებული, რომ იგინი გარემოებას ეწინააღმდეგებიან და ყველგან და ყოველთვის ქართული ენის აღმოკვეთას სცდილობენ თვით ქართველს გრიგორიანებში. ჩვენ საუბარს დაასაბუთებს შემდეგი მაგალითები:

სიღნაღს—სომხები რამდენადაც სომხის შთამომავალნი სცხოვრებენ, იმაზედ მეტი ქართველ გვარისანიც არიან, ე. ი. გრიგორიანები. ორივეს ძრიელ კარგად ესმისთ ქართული ენა, სახალხო სახმარებელ დედა ენათ ქართული ენა ითვლება. წერაკითხვაც ამ ენაზედ ემარჯვებათ და ძველადგანვე მათში ქართული წიგნების წერა და კითხვა იყო გავრცელებული. ყველა საქმის ქალაღდები ქართულად იწერებოდა, ეკკლესიებში ქადაგობა და თვით სახარების კითხვაც ქართულად იცოდნენ, საფლავის ქვებზედაც ქართულად აწერდენ და ამას გარდა თვით ეკკლესიის ქვებზედაც. მათგან ქართული მწერლობის ასპარესზედ მელექსენი და მწერლებიც გამოდიოდნენ, ხშირად სწერდნენ კიდევაც. სწერდენ და სწერენ თვით ქართულ გაზეთებშიაც.

მაგრამ დღეს სიღნაღის სკოლებში, ქართველ გრიგორიანებთ შორის სასტიკათ არის ქართული ენა აღკრძალული და პატარა სომხის ვაჟებსა და ქალებს პირველ დაწყებიდგანვე სომხურის ენით აწყებინებდენ სწავლას, რაც ბავშვებისთვის გაუგებარია, რადგანაც მათ ამ ენის არაფერი იციან, მაგრამ ამ ენით აწყებინებენ სწავლას, რადგანაც ყველგან მიღებულია რომ პირველ დაწყებით ბავშვს თავის დედა-ენით უნდა დააწყებინონ წერა-კითხვის სწავლება. თუმცა ამ დედა-ენის სიტყვაც არ ესმისთ, მაგრამ მათ მაგარ ნასწავლთაგან ასეა დაყენებული საქმე. სკოლაში ბავშვი სასტიკათ დაისჯება, თუ მან ქართულს ენაზედ ხმა ამოიღო. ასწავლიან სომხურს და რუსულს როგორც სახელმწიფო ენას, ორივე ენა კი საქართველოს ქართველ გრიგორიანთა ბავშვთათვის უცხოა და მიუხვედრი, რაც მათ სწავლის საქმესაც უძნელებს და ეს რიგლური პედაგოგიის წინაღმდეგიც არის, მაგრამ ამასთან მათ საქმე არ აქვსთ, სურვილი აქვსთ, რომ იქ საყოველთაო სახმარებელ ენათ სომხური ენა გახადონ. ამის ნაყოფსაც ხედვენ ნელ-ნელა, თუმცა ხშირად უნაყოფობაც ცხადათ ემჩნევათ.

თქვამს—აქვს ქალების და ვაჟების სკოლა, აქ არიან ქარ-

თველ გვარის გრიგორიანებიც, მაგრამ აქ არც ვაჟებს და არც ქალებს ქართულ ენას არ ასწავლიან. აქაც ენა ყველა სომხის ქართულია, მათს დედა ენას ქართული ენა შეადგენს. აქაურ სომეხთაგანია ქართველებში მწერლობით ცნობილი ბ. ევანგელოვი, რაფის რამან „ხენთის“ მთარგმნელი და სსვანიც მრავალნი. როგორც სიღნახსა და თელავში გახლავსთ ქართული ენა სკოლებიდან გაძევებული, ისევე ყველა იმ სოფლის სკოლებიდანაც გახლავსთ, სადაცკი კახეთში სომხები სცხოვრებენ და მათ იქ სკოლები აქვსთ დახსნილი.

ცხინვალს— აქვს სკოლები, მაგრამ განდევნილი აქვსთ ქართული ენა. ბავშვები ჩუმად სწავლობენ. სომეხთა ძველი მღვდელნი ასეთის ზომების არ იყვნენ.

გორს— აქვს სკოლები, მაგრამ სასტიკათ განდევნილი აქვსთ ქართული ენა. არ ასწავლიან, ბავშვები ჩუმად სწავლობენ.

დუშეთს— აქვსთ სკოლები, მაგრამ განდევნილი აქვსთ ქართული ენა, არ ასწავლიან. აქაც ბავშვები ჩუმად სწავლობენ.

ახალ გორს— აქვს სკოლა და განდევნილი აქვსთ ქართული ენა!

ახალქალაქს— აქვსთ სკოლა და განდევნილი აქვსთ ქართული ენა!

სურამს— აქვსთ სკოლა და განდევნილი აქვსთ. ასე და ამ გვარად ქართლის სხვა-და-სხვა სოფლებშიაც აქვსთ სამრევლო სკოლები დახსნილი, მაგრამ ყველგან ქართული ანბანის სწავლება მოსპობილი აქვსთ, ქართული ენის ხმარებაც მკაცრათ არის დამხოზილი.

კავთისხევს— აქვსთ სკოლა ვაჟების და ქალების, სკოლიდან განდევნილი აქვსთ ქართული ენა. ასე რომ აქ ხალხს ბმას, კრინტს არ აღებინებენ ქართულს ენაზედ. ნამდვილი დესპოტიზმი არსებობს ამ გვარს ქართლის სომეხთა სკოლებში მათ შეთაურ მასწავლებელთაგან. შერე ვინ არიან ეს ქართლის სომხები?— უმეტესი ნაწილი ქართველის გვარისაა, ქართველთა გრიგორიანები, რომელთა დედა ენას ქართული ენა

შეადგენს, რადგანაც თვითაც ქართველ ტომის შთამომავალი არიან, მათი გარჩევა ქართველისაგან შეუძლებელია. მათი სახალხო ენა ქართულია, ყოველივე მათში ამ ენით სწარმოებს და სრულდება: ტირილი, სიმღერა, ლხინი და ყოველივე საოჯახო, შინაური თუ გარეული სულ ქართული ენით სწარმოებს. ძნელათ რომ მთელ ქართლში მოიძებნოს ერთი ისეთი სომეხი, რომ მას ამ ენის რიგიანად გაგება ჰქონდესთ, თვით თავადის შვილებიც კი უცოდინარნი არიან ამისა, რადგანაც იგინი ამ ენას მხოლოდ საყდრის ენათ სთვლიან, მათს დედა ენას ქართული ენა შეადგენს.

ქართლის ქართველ გრიგორიანებთაგან ძველადგანვე ყოველივე შინაური თუ გარეული ბარათების წერა სულ ქართულად სწარმოებდა. მათში სომხურად თვით მღვდლებიც არ სწერდნენ და გინდ რომ ეწერათ, მერე, ამითი რას გახდებოდენ, არაფერს. ქართლის ქართველ გრიგორიანებთაგან ქართული მწერლობის ასპარეზედ სხვა-და-სხვა შესამცნევი მწერლებიც გამოსულან ძველს დროს, მათ შორის ძრიელ მრავლად იყვნენ სხვა-და-სხვა გადამწერნი რომელნიც გადასწერდენ ძველს ქართულ ხელთნაწერებს, ამათგან გადაწერილ ხელთნაწერმა თვით ჩვენს დრომდეც მოაღწიეს მრავლად, მწერლებთ შორის იყვნენ შესამჩნევი მელექსენიც. მირზაჯამნა მადათოვი, ქიჩიკნოვა, ჩამჩი მელქო, საიათნოვა, წყალო ბა ბებუთოვი, ოსეფ ამიროვი, ბუდალ ოღლიანი და მრავალნიც სხვანი ენით უთვლელნი. ახალ დროს მათგან გამოვიდნენ ზურაბ ანტონოვი, კამედიების მწერალი და ცნობილი გვამი, მიხეილ ბირთველის-ძე თუმანიშვილი. მწერალი და მელექსე, რომელიც „ცისკარში“ სწერდა დაარსებიდგანვე და 1859 წ. „ცისკრის“, ერთ ნომრის სალაცხოში ის ჰაზრიც გამოთქვა, რომ „ჩვენ ტომით ქართველნი ვართ და მხოლოდ სჯულით სომეხნი“ ამათ გარდა ნიკოლოზ ხუდადოვი, ცნობილი განათლებული მწერალი. პატივცემული ანასტასია თუმანიშვილი წერეთლისა, ქართულს საყმაწვილო მწერლობაში კარგად ცნო-

ზილი და სხვაფრივაც ამაგდარი, რედაქტორთ „კვალის“ და „ჯეჯილისა“ და ბევრიც სხვა საქმეთა მკეთებელი. ალალო თუთაევი ცნობილი პირი და მწერალი და რამდენი კიდევ სხვანი, ენით უთვლელნი. აბა ბრძანეთ თქვენა, თუ ასეთ კუთხესა და ერში რომ ქართული ენა სკოლებში მოსპობილი იყოს და ამ ენის ანბანის სწავლებაც დამხობილი, აბა რას უნდა ჰგავდეს ესა, რას უნდა მოასწავებდეს ჩვენთვის და ან სომეხთა წინაშე. აქ ამათ შესახებ მეტს აღარას ვიტყვით, თვით ცნობები უფრო კარგად მეტყველებენ,

თფილისში—აქვსთ სასულიერო სემენარია, სხვა-და-სხვა სავაჟო და საქალო სასწავლებლები, მაგრამ ყველგან დამხობილი აქვსთ ქართული ენა და წერა-კითხვა: თფილისში ძველადგანვე ქართველ გრიგორიანები ქართულად სწერდენ და კითხულობდენ სხვა-და-სხვა ბარათებს, წიგნებს, საფლავის ქვებზედ სულ ქართულად აწერდენ, ეკკლესიებშიც მღვდელნი ხშირად იტყოდნენ ქართულს ენაზედ ქადაგებას, რომ მის საშუალებით მრევლს გაეგო ქადაგების დედა-ჰაზრი. ხშირად სომხის თავადის შვილები და აზნაურებიც იყვნენ სამეფო სამსახურში, მეფის მდივნები და მწერალნი, მთარგმნელნი და მხატვარნი როგორც ტერ ფილიპე ყაითმაზაშვილი, თფილისის გეგმის დამხატი ტერ შმოვანი და მრავალნიც სხვანი ენით დაუთვლელნი, ყველას შოთვლა აქ ძნელია, ხოლო იმისკი ვიტყვით. რომ ძველადგანვე თფილისის ქართველ გრიგორიანების თუ სომხის შთამომავალთათვის სახალხო ენას ქართული ენა შეადგენდა. ამ ენით სულდგმულებდენ იგინი, ამ ენით იძენდენ ქართველთაგან მამულებს, ამ ენით სტკებოდდენ, ამ ენით სცოცხლობდენ.

როგორც ვსთქვით. თვით სიკვდილის შემდეგაც კი საფლავის ქვებზედაც ქართულად აწერდენ, ასეთის ძველის ქართულის წარწერიანის ქვებით სავსეა ძველი ხოჯივანქის სასაფლაო, ასევე იყო ვანქის გალავანში და სხვა საყდრებთა მახლობლადაც ასე იყო, თვით საყდრის შენებათა ცნობებსაც.

კი სწერდნენ ქართულად, დღეს კი აქ ველარსად რას ნახავთ, ყველგან მოსპეს ასეთი ქვები და გააქრეს, თითო-ორიოლა აქა-იქ დაშთა, მათაც გაქრობა მოელისთ. თფილისის სომხობა ისევე ჰპატრონობდა ქართულ ენას როგორც ქართველნი, უამისობა არც შეიძლებოდა, რადგანაც მაშინდელი სომეხიც ტომით ქართველი იყო, იგი ქართველ გრიგორიანად უნდა შერაცხულიყო. ასეთ პირთაგან ქართულს ენაზედ ძრიელ ბევრი წიგნებია ნაწერ-ნათარგმნი, დღეს კი ასეთ კუთხეში და ასეთ ხალხთა შთამომავალთაგან ქართული ენა განდევნილია, გაძევებული. მთელს თფილისის ქართველ გრიგორიანებში აღმოკვეთილია ცნობები თვით ცნობიერების შესახებ. ძველინდელი ქართველთ გრიგორიანთ მოქალაქენი დღეს აღარ ქართველობენ, ქართველობის გარეშე მათ ზიზღი და მტრობაც აქვსთ, საქმე იქამდის მივიდა რომ ქართველს ტუტუცს ეძახიან, ანუ „ტუტუც ვრაციქს“. ე. ი. ტუტუცს ქართველს. გარჩევა რომ იქმნეს გეფიცებით პატიოსნებას, რომ თფილისის სომხებში ნახევარზედ მეტი ქართველობა აღმოსჩნდება.

ძველადგანვე თფილისის ნამდვილ სომხის შთამომავალ მოქალაქენი თავისუფლად ყიდულობდნენ ქართველთ ყმა გლეხებს, მათა ჰფლობდნენ როგორც უნდოდათ და თან თავიანთ სჯულზედაც მიაქცევდნენ. თვით ქართველთ ყმათა მდგომარეობაც ისეთი იყო რომ მრავალნი დევნილნი ყმანი ეთვისებოდნენ სომეხთა, დევნილნი სომხურს გვარსა და სახელებს ირქმევდნენ, სომხურად ინათლებოდნენ და მით გადირჩენდნენ ხოლმე თავებს. ამის ნიშნები მოთხრობა „სუწამის ციხე“-შიაც არის მოყვანილი, სადაც ერთი ოჯახი, ბატონისაგან დევნილნი სომხდებიან საიდუმლოდ, სახელსა და გვარსა იცვლიან და მით ატარებენ დროს, ჩვენს ძველს დროს ასეთი მაგალითების ერთი და ორი კი არ მომხდარა, არამედ რამდენიმე ასი და ათასი, იმერეთიდან თუ დევნილნი ყმანი აქეთ მორბოდნენ, მიტომ აქაურნიც განჯა, ერევან-ყარაბაღისაკენ მირბოდნენ და მით იფარავდნენ თავს ბატონ-ყმობისაგან.

ასეთ განთვისებულთ ქართველთა რიცხვის ქვემო ქვეყნებში ერთობ დიდი უნდა იყოს. ზოგთ მათგან ქართული გვარების წინააღმდეგ აქვსთ შერჩენილი, ასეთ გვარებს მათში მოულოდნელად ჰპოვებთ და თან მათ სმენით გაჰკვირდებით, რადგანაც თქვენ წინ უცხო კუთხესა და ხალხში ქართული გვარი გაიხმაურებს, ამის უარყოფა არავის შეეძლება, რადგანაც ასეთი მაგალითები ძველად ქართველთ შორის ერთობ მრავლად ყოფილა. ყველა ესენი აქ მიტომ გავიხსენეთ, რომ მრავალთა წინააღმდეგ ქართველ გრიგორიანთა არსებობა ექვ გადაყრილ იქმნეს.

ჩვენ აქ მოვიყვანეთ და დავასახელებდ მართოდ ზოგიერთი დიდრონი დაბები და ქალაქები, სხვებს არ ვახსენებთ, მაგალითებრ ქართლისა და კახეთის დიდრონი ისეთ სოფლებს, სადაც სომეხთა ეკლესიებიც აქვსთ, იქ სამრევლო სკოლებიც, მაგრამ სკოლებში ბავშვებს სიტყვასაც არ ასწავლიან ქართულად. ერთის სიტყვით ყველა ამ სოფლებში მოსპობილია ქართული ენა, ამ ენის საჭიროებას ადგილობრივ მცხოვრებნიც კი კარგად გრძნობენ და საჭიროებენ, მაგრამ მათ ნდომას გზა და კვალი არა აქვსთ, რადგანაც სომეხთ გამგეობა ასეთის წესით არის შეპყრობილი, ესენი მოქმედებენ თავიანთ წესდების თანხმად, ეს მათი წესდება კი წინააღმდეგია ერის მოთხოვნის, ერი ითხოვს ქართული ენის შესწავლას, ნამეტურ ქართული წერა-კითხვის გამო მაინც ვაჭრობის მხრით, ამას მათი სავაჭრო და ცხოვრების პირობებიც ითხოვს, რადგანაც ქართველ გრიგორიანთა ცხოვრება და ვაჭრობის საქმე დამოკიდებულია ქართველ ერთან და მამასადასაშუ ქართულ დავთრების წერის შენახვაზედ. უამისოდ ადგილობრივ სომხის ვაჭარს, თუ გლენს ძრიელ გაუჭირდება წარმოების საქმე. ბევრს სოფელს და დაბაში მე თვით შევსწრებივარ ქართველ გრიგორიანებთ შორის ასეთს საყვედურებს და შემთხვევებს, რომ მათ დიდის მწუხარებით აღუნიშნავთ ეს გარემოება, რომ „ჩვენს შვილებს ჩვენს სკოლებში ქართულს

ენას და წერა-კითხვას არ ასწავლიან, არ ვიცით, რა გქნათ, რა უკეთა და საქმეს რა უშველოთ, ჩვენ აქა-იქ ბევრჯერ ვახსოვეთ, რომ ჩვენი შეიღებისთვის ქართულიც ესწავლებინათ, მაგრამ ყოველთვის უარს გვტკიცავენ და გვეუბნებიან რომ არაა, ეს ენა თქვენი ენა არ არის და ამიტომ მისი სწავლება შეუძლებელია“, ასეთ საყვედურებს ერთსა და ორს კი არ შევსწრებივარ არამედ ასასსა და ორასს. ამ გამაგრებულ და გაჯიუტების მიზეზების შესახებ ბევრი ვეცადე რომ შემეტყო მათი მიზეზები და ბოლოს როგორც იქმნა აი ეს დასკვნა შევადგინეთ ჩვენთ თანმემამულე ქართველთ გრიგორიანთა ნალაპარაკევიდამ.

ჩვენს სკოლებში ქართული ენის სწავლება არ შეიძლება, ქართული ენა ხომ თქვენი ენა არ არის, რომ გასწავლოთ თქვენი დედა-ენა სომხური ენა არის და მიტომატ ჩვენ სომხური უნდა გასწავლოთ, ვისაც ქართული ენის სწავლა უნდა, იმას ამ ენის სწავლება შინაც ეყოფა. ჩვენს სკოლებში ქართულ ენას ვერ შევიტანთ, რადგანაც იგი იქაც მეტია სადაც კი ეს სომეხთა ოჯახებში არსებობს, ჩვენ მოვალენი ვართ, რომ თქვენ მარტოდ თქვენი სჯულის დედა-ენა—სომხური გასწავლოთ.

ეს პასუხები მე გამიგონია არა მარტო შესმენილ ვაჭრებთან, არამედ მდაბიო გლეხებთანაც, ისეთ გლეხებთანაც რომელთაც დიდი რამ ცოდნა არა აქვსთ, ბევრს რამეზედ მათ ვერაფერს ჰკითხავთ, მაგრამ რაც შეეხება მცხოვრებზედ დაკვირვებას და მათთვის საჭირო საქმეთა შემცნებას ამხედრ კი საკმარისი ძალ-ღონე გამოუჩენიათ და ყოველთვის ჰკვირნი რჩევა და პასუხი მოუცილათ ჩვენს კითხვებზედ. ერთ სოფელში აი რა მითხრეს:

სწორედ ამბობთ ბატონო, ეს ჩვენი მღვდლებისაგან ველარა გაგვიწყვია რა: საქმეს ისე გვიჭირებენ, რომ ლამის ქართულად დავინათლნეთ, ჩვენი ეკლესია კანცელარიად გახდა, იქ გვაგროებს და ათასნაირ სამტრო ლაპარაკით მოსვენებას არ გვაძლევს, აბა თქვენა ბრძანეთ, ახლა ჩვენ რომ



ქართველებისაგან ერთობ შორს ვიარაოთ, რა უნდა გამოვიდეს მით, არაფერი. სომხური ისწავლეთო, ეს კარგი, ახლაც სულ რომ სომხური ენა და წერა-კითხვა ვისწავლოთ და სხვაც არაფერი მის მეტი, ვსთქვათ ჩვენ შინათ და გარეთ სულ ამ ენით ვილაპარაკოთ, მერე ჩვენ მეზობლობა არ გვინდა, ან მეგობარი, ამხანაგი და მოკეთე?

მეორე ასეთმა გლახმა სთქვა ახალქალაქში:

ჩვენ, შენი ჭირიმე, ქართველებთან მოყვრობა გვაქვს, ნათესავობა, ნათელ-მირონი. ყველამ ქართული ენა ვიცით, ამ ენით ვლაპარაკობთ, ამით ვასრულებთ ჩვენ ჭირს, ლხინს, წვეულობას, ქართულად ვმღერით, ვსტირით, ამ ენით ვადრღებთ ღმერთს, ვგონებთ ღმერმა თავის დიდება ყველა ენაზედ უწყინრად უნდა მიიღოს. ვინც მას აღიდებს ის მისთვის ყველა ერთი უნდა იყოს. მაგრამ არა, ეს ჩვენი მღვდლები კი ამას არ იხმენენ და იმას ჩაგვჩიჩინებენ რაც მათ ენატრებათ აი ბატონო, ჩვენმა მღვდლებმა გადაჰკიდა ჩვენი გლახობა ჩვენს მეგობრებსაც. ლამის სისხლი აგვადებინონ ერთმანეთში. შორს იარეთ ქართველებისაგან და მათთან ყოველნაირი ნათესავობა და მეგობრობა მოსპეთ და გაწყვიტეთო. მოჰყვებიან ბატონო და სჯულის სახელით ვინ იცის რა სამტრო საქმეებს არა სთესენ. მესამემ მითხრა იქვე:

ახლა ე დალოცვილებო იმას კი აღარ კითხულობენ, რომ ჩვენც გვეპიტნავენა მათი ქადაგება და მტრობის ვრცელება თუ არა. ამას არ ფიქრობენ, აგვტეხიან რომ სომხური ენა დაიწსავლეთო, შევიღებსაც ეს ასწავლეთ, სომეხი ხალხი მდიდარი ხალხია, ვაჭარი და ამ ენის ცოდნით თქვენი შევიღებიც გამდიდრდებიანო. მერე სად, რომელ ხალხში და კუთხეში გავმდიდრდებით, ამაზე არას ამბობენ. ჩვენ, ბატონო, ქართველებში ვცხოვრობთ, მთაში დავდივართ, ტყეში ვართ თუ ბარში, ყანაში, ბოსტანში და ვინ იცის სად გინდა არა, რაც კი სოფლის საქმეები მოგეხსენებათ, ყველაფერში და ჩვენ ქართველებთანა გვაქვს საქმე და მეგობრობა, ყოველი

ჩვენი ავი და კარგი ქართულის ლაპარაკით სწარმოებს, ამ  
ენით ვსაზრდოებთ, ამ ენაში დაბადებულან ჩვენი მამა-პაპანი,  
ამ ენით აღზრდილვართ ჩვენც და ამ ენითვე აღიზრდებიან  
ჩვენი შვილები და შვილის-შვილებიც, უამენოო ჩვენ საქარ-  
თველოში ერთ დღესაც ვერ გავძლებთ და ვერ ვიცოცხლებთ  
და ვერ ვიცხოვრებთ. უამისოთ აბა რა ვიქნებით და რა  
მნიშვნელობა გვექნება.

ჩვენს საჭირო ენას ეს ენა შეადგენს, ამ ენით გვიცხოვ-  
რია და ამითვე უხდა ვიცხოვროთ, ამას ვერვინ წაგვართმევს,  
გინდ რომ წაგვართვან ამის სანაცვლო ენის სწავლებას გა-  
დაყვებით. ეხლა ეს ახალგაზრდა სომხები და ტერ-ტერები  
ავგტებიან, რომ თქვენ შვილებს სომხური ენა ასწავლეთ და  
თქვენც სომხურად ილაპარაკეთ და ქართულ ენას თავი გაა-  
ნებეთო. ჩვენი ბაღლი ჩვენი საყდრის სკოლაში სამ წელი-  
წადს დადიოდა, იქ სულ სომხურს და რუსულს ასწავლიდენ,  
ამ ხნის განმავლობაში მან ვერც სომხური ისწავლა და ვერც  
რუსული. ეხლა გამოვიდა სკოლიდან და ქართული უბრალო  
მოკითხვის დაწერა კი არა ანბანიც არ იცის. ეხლა ჩემი ბავ-  
ში მიკიტანს მივაბარე ერთი წლით, მუქთად, ეგები მხო-  
ლოდ ქართული წერა-კითხვა ასწავლოს რო შინაურებში მო-  
კითხვის წერილის წაკითხვა და დაწერა მაინც შეეძლოს.

ჩემს ნათესაებს და მოყვრებს წერილი მინდა მივწერო  
და წარმოიდგინეთ, რომ წერილი ვერ მიმიწერია, ყოველ-  
თვის სხვას უნდა ვთხოვო, სხვას უნდა გავაგებინო ჩემი ში-  
ნაური საქმეები. ყველა იმას მეუბნება, რომ კაცო, შენი ბი-  
ჭი სამ წელიწადს სკოლაში დადიოდა და მაშ რა ისწავლა  
თუ წერილსაც სხვას აწერინებო, ჩვენს ტერტერას სულ ვე-  
რაფერს გაუხსენებ ასეთისას, წერილის დაწერა რომ ვთხო-  
ვოთ, ის მაშინათვე სომხურს გვიწერს, ქართულად არ შვრე-  
ბა; მისგან დაწერილი წერილი ერთხელ ჩემს მოყვრებში წე-  
ლიწადი დარჩა წაუკითხავი და მერე იგი დახიეს კიდევ რად-  
განაც მათთვის გაუგებარი ყოფილიყო. მეც არა ვიცოდი რა,

თუ მღვდელმა წერილში რა ჩასწერა, აბა რა უნდოდათ იმ დალოცვილებს, რომ ჩემი ბავშვისათვის ქართული წერა-კითხვაც ესწავლებინათ. აბა თქვენა ბრძანეთ შენი ქირიმე, თუ სომხური ენა და წერა-კითხვა ქართლის მიუვალს ტყეებში, მთებში, სამუშაოში და ხალხში სად უნდა გამოვიყენოთ, ვის უნდა ველაპარაკოდ ამ ენით და ვინ გაიგებს ამას და გვესაუბრება. ამ თვალთ უწვდენელს ქართლის სოფლებში. ახ, წეტავი ეშველებოდეს რამე, ე ბიჭები კიდევ აქა იქ ეჩვევიან ქართულს წერა-კითხვას სხვების დახმარებით, საქმე ე გოგოებიც არის, რომ არც გოგოებს ასწავლიან ქართულს.

მესამე სომხის გლახმა რა სთქვა: გორს, ჩემი გოგო სკოლაში სწავლობდა, იმ დალოცვილებს ქართული წერა-კითხვა არ უსწავლებიათ, იქიდან გამოვიყვანე, მერე გაიზარდა კიდევ და ქართველ ბიჭებდ გავათხოვე, ჩემი სიძე ქართველია. ბევრი იწუხა ჩემმა ქალმა, რომ რატომ ქართული არ ვიცო, მაგრამ რაღა დროს, ეხლა რის წვალებით ქმარმა ასწავლა წერა-კითხვა, წერილებსაც სწერს ქართულად. ასე შემოგვიჩვენეს ქართლში არამც თუ ერთმა და ორმა ქართველ გრიგორიანმა, არამედ ოცმა და ორმოცმა, ასევე შემოუჩვილიად ხოლმე თფილისში მცხოვრებთ ქართველ გრიგორიანებს და კახეთის სოფლებში მცხოვრებთაც. ახლა კიდევ მოგახსენებთ ჩემგან ნახულ ცნობებს, რომ ამაზედ კვალად ეჭვი არავინ იქონიოს. ერთ ქართველ გრიგორიანის ქალი თაწმინდის ძირკინაანთ საეკლესიო საქალებო სამრევლო სომეხთა სკოლაში სწავლობდა, ამ ქალს ქართული არ ასწავლეს, იგი დალაქის ქალი იყო. დედ-მამა დაეხოცა, მერე ეს ქალი ერთ ქართველ სოფლის კაცზედ იქმნა გათხოვილი. ეს ქალი ჩემი დემურიც იყო და დიდათ სწუხდა მასზედ, რომ მან ქართული წერა-კითხვა არ იცოდა, ქართლიდამ დედამთილ მამამთილისაგან წერილები მოსდიოდა და ყოველთვის მე მაკითხებდა და მევე უწერდი, მერე კი დიდის წვალებით შეისწავლა, რადგანაც ქმარი აყვედრიდა, რომ რაც საჭიროა ჩვენთვის ის კი არ შეგისწავლია და რაც არაო და ის გისწავლიათ.

ვნახე კიდევ ასეთი მაგალითი: ერთ ქართველ მენახშირეს თფილისში სოფ. წყნეთელს სომხის ქალი შეერთა, ეს ქალი სომხის სკოლაში ნამყოფი-ნასწავლი იყო და სომხურის მეტი წერა-კითხვა არ იცოდა, ქმრისთვის კი საჭირო იყო ქათულის ცოდნა, რადგან ნათესაეები მას შორს ჰყვანდნენ და წერილების წერაც ხშირად უხდებოდა. ქალი ძრიელ სწუხდა და სწყევლიდა თითქმის იმ სიჯიუტეს და სიკერპეს რომ ჩვენს სკოლაში მე ქართული არ მასწავლესო. ეხლა მე რაში გამამადგება სომხურიო. უნდა მოგახსენოთ, რომ ასეთი მაგალითები მე არამც თუ იმ ოჯახებში მანახავს, სადაც ქართველ გრიგორიანის ქალი ქართველ მართლმადიდებელზედ ყოფილა გათხოვილი, არამედ ეს ვნახე იქაც კი სადაც ცოლიცა და ქმარიც ნამდვილ, ან ქართველ გრიგორიანები არიან, ამათშიაც საყვედურით აუნუსხავთ ესეთი სიჯიუტე და უთქვამსთ, რომ ნეტა რასა ჰგავს ესაო! ჩვენ სულ ქართულად ვლაპარაკობთ, ჩვენი ენა ეს ენა არისო და ჩვენმა შვილებმა კი სახლში ჩვენი ენის არც წერა იციან და არც კითხვაო. ერთი უბრალო ქალაქის წამკითხავი ჩვენ არა გვყავსო. უნდა ითქვას, რომ დღეს, სომეხთა შორის თფილისში სასტიკათ არის ქართული ენა მოსპობილი. თვით კინტოებმაც კი აღარ იციან ბევრს აღაგას ქართული წერა-კითხვა, რასაკვირველია იმათ, ვისაც სკოლაში უსწავლიათ, თუმცა ამათს დედა ენას და სახმარს ქართული ენა შეადგენს.

ძველადგანვე ყველამ კარგად ვიცით, რომ საქართველოში, სომხის შთამომავალ სომეხნი თუ ამათ თანა მერჯულე ქართველ გრიგორიანები საგაქრო დავთრებს სულ ქართულად სწერდნენ, ანგარიშიც ასე იყო, ქართულ ძველს ქარონიკონს მათში ჰქონდა ადგილი. ამათში ერთის სიტყვით ყველაფერი ქართულად სწარმოებდა, ასეთ დავთრებს გარდა თფილისის ქართველ გრიგორიანებში თვით ძველი მეფეების დროინდელი სიგელ-გუჯრებსაც კი მრავლად იყო, ქართული ძველი წიგნებიც, ამ წიგნებით სტკებოდნენ იგინი. სადღეით

სოდ მათში ყველა ეს ამოვარდნილია, დავთრების წერას თფილისში ქართველ გრიგორიანთა შეილები სომხურს ენაზედ მისდევენ, რადგან ქართული აღარ იციან, თუმცა სომხურად უჭირდებათ კიდევაც წერა, მაგრამ მაინც მეტი რა გზა აქვსთ, როცა ქართული არ იციან. ვაჭრობა, ლაპარაკი და ყოველი ამის საქმე კი ქართველებთან აქვსთ და ანუ ქართულად მოლაპარაკე ხალხთან. ასეთ უცოდინარ ვაჭრებში ხშირად ვყოფილვარ მე და მათ წყევით უთქვამს შემდეგი: ქართული წერა-კითხვის უცოდინრობის წყალობით ჩვენ დიდი დაბრკოლება გვეძლევა ვაჭრობაში. აქა იქ ვაჭრობასა და ლაპარაკში ჩვენთვის საჭიროა რომ დავთრებს ქართულად ვსწერდეთ, გარდა ამის სოფლის ხალხშიაც გვჭირდება ამ ენის წერა-კითხვის ცოდნა, მაგრამ ჩვენ კი სიტყვაც არ ვიცით თუ როგორ დავსწეროთ.

ადრე კი ეს ასე არ იყო, ქართველ გრიგორიანებში ყველამ იცოდა ქართული წერა-კითხვა, ყველა ამ ენით აწარმოებდა თავის საქმეს, უთქვამსთ ხოლმე ასეთ ვაჭრებს: ეხლა ვეჩვევით აქა იქ ქართულ წერა-კითხვას და ეხლა ვსწავლობთ, სომხურს ენაზედ წელიწადიც გავა რომ ერთ წერილსაც ვერ წავიკითხავთ და დავსწერავთ, ქართულზედ კი მუდამ დღე გვიხდება, რადგანაც ეს ენა არის ჩვენი სამამეულო ენა. ბევრს ალაგას ასეთ ვაჭრებმა თავიანთ სკოლასა და მის წესებზედ გინებაც კი წარმოსთქვეს, ასეთი წყევა, კრულვა მათგან ქალაქებს გარდა თვით ქართლ-კახეთის დაბებშიაც მინახავს. კარგად ვიცი, რომ ერთ დროს, სომეხთა პედალოღებთა ცდამ იქამდე მიაღწია, რომ მათ ქართულ ენას ხალხში გამობა დაუწყეს, ქართულ დავთრებს ხევა-ფხრეწა და მოსპობა, აშკარად უკრძალავდნენ ქართველ გრიგორიანებს, რომ ამ ქართულ ენაზედ ლაპარაკს თავი დაანებეთ და დავთრებიც სომხურათ სწერეთო. სამღვდელოთაგან ამის შესახებ სჯულის მექონი შინაარსის ქადაგებანიც მრავლად იფინებოდენ. ყველა მათგანი ცოდვით უთვლიდა ქართველ გრიგორიანს, რომ მას

სომხურს ენაზედ არ ესაუბრა და არ ელაპარაკნა. ქართული თქვენი ენა არ არის, თქვენი სჯულის ენა სომხურია და ამიტომ უნდა ეცადოთ, რომ ამ ენაზედ სწეროთ და იკითხოთო.

ბევრს ალაგას მათ საწადელს მიაღწიეს და ქართველ გრიგორიანებს თავიანთ ოჯახებში მოასპობინეს ქართული ძველი სავაჭრო დავთრები, დავთრები თვით XVIII საუკუნაწერი, ძველი გარიგების წერილები, სიგელ-გუჯრები და თვით ქართული წიგნებიც კი. ბევრს ოჯახში შეირყა ქართული ენა. ბევრს ალაგას უნდოდათ ამ ენის ამოგდება და ამის სასარგებლოდ ცდაც დაიწყეს, მაგრამ საქმით კი ვერა გააწყეს რა, თუმც უნაყოფობას ხედვენ, მაგრამ ცდას მაინც თავს არ ანებებენ. დავთრების, სიგელ-გუჯრების და წიგნების მოსპობის მიზეზი ის იყო რათა მის საშუალებით ძირიან-ფესვიანად ამოეგდოთ ქართული ენის ნიშან-წყალი ქართველ გრიგორიანთა ოჯახებში. ეს იყო წრეს გასული ფანატიკობა, საქმის გაუგებრობა და სიკერპე. მოგეხსენებათ, რომ ქართველ მეფეების დროს, თფილ-ისის მოქალაქეების ქართველთა მეფეთაგან დიდი პატივისცემა ჰქონდათ მინიჭებული და ამ პატივისცემის გამო ხშირად სამეფო მათ უაღრესობით ჰქონდათ გობდა, დახმარებასაც აძლევდნენ საჩუქრებით, ამისათვის მათ საბუთების ქალაქებიც ეძლეოდათ, ყოველივე მაშინ ქართულად იწერებოდა და ინუხსებოდა, დღეს კი ასეთ ძველს მოქალაქეთა ოჯახებში თქვენ ძველ დოკუმენტებს ვეღარას ნახათ.

ძველად არამც თუ საქართველოს გრიგორიანები მისდევდნენ ქართულს ენაზედ წერა-კითხვას, არამედ მათ სამღვდელო პირნიც კი სწერდნენ ქართულს ენაზედ, რადგანაც მათ ქართული ენაც კარგად იცოდნენ, ვიანიდგან ქართლსა და კახეთში იყვნენ დაბადებულ ალზრდილნი, შთამომავლობითაც ქართველნი. ძველი მღვდელნი თავიანთის ქართულით უფრო იზიდავდნენ ქართველების გულსა და უკანასკნელ ასომხებდნენ კიდევ. სომხის ძველმა სამღვდელოებამ კარგად იცოდნა,

რომ უქართულ ენოდ იგინი ვერას გააწყობდნენ, თვით სომხის ეკკლესიასაც ვერას შესძენდნენ და ამიტომ იგინი თვითონაც ზედ მიწევნით სწავლობდნენ ამ ენას და მრევლსაც არ უშლიდნენ ამის სწავლას და დახმარებას, იგინი ამით ორივეს ტომში სიყვარულს და გაურჩევლობას წერგავდნენ და დღეინდელი სამღვდელოება კი წინააღმდეგ იქცევა ძველის სამღვდელოების. ეს მოძღვარნი ისეთი ოსტატები იყვნენ, რომ იგინი სომხებში სომხურ ენას თვით ქართულ ასოების საშუალებითაც კი ავრცელებდნენ, მაგალითებრ საქართველოში, სომეხთათვის, 1825 წლიდან ლოცვის წიგნები ქართულ ასოებით იბეჭდებოდა და ისე ვრცელდებოდა მათში.

ერთი ასეთი წიგნი მეც მაქვს:—სახელდობრ, „ნერსეს კათალიკოსი ეგრე“ დაბეჭდილი 1830 წ., ანუ ქართულად „ნერსეს კათალიკოსის გალობა“. ერთ ალაგას აქ მოვიყვან ნიმუშსაც: „აშხარჲ ამენან არის ანჯ იაღქ, ასტვაც ლესუქ, ბანამ ევ ეზთუენს, ბარ-ბარამ ლევაზს, ბაღქემ ზანძინეს, ტერ-გოდორმია, ტერ-გოდორმია, ტერ-გოდორმია“. აი, ასე ძველი სომხის მღვდლები, ასე ქართული ასოების საშუალებით განაგრძეს საქართველოს გრიგორიანებში სომხური ენა და მისი სიყვარული. თუმცა ამას ავრცელებდნენ, მაგრამ მათში მაშინ უპირატესობა ისევ გასაგებ ენას ეკავა, ე. ი. ქართულს.

დღეს კი ეს ასე აღარ არისო და ქართული ენის მოსპობის ნატვრის ნიშნები ყველას ოჯახში ცხადად ჰღაღადებს. იგინი ამ ენას ავიწყებენ არა მარტო ნამდვილ სომხის შთამომავალთ ქართველთ რომელთაც სომხურის სიტყვაც არ იციან, არამედ იგინი ავიწყებენ თვით ქართველ გრიგორიანებსაც. მათში ამის ცდა ძრიელ არის განღვიძებული, ახალგაზრდა სამღვდელოება გატაცებულია განუსაზღვრელის ოცნებით და მათ აღარ იციან რა ქმნან, რა ღონის ძიება იხმარონ, რომ ქართული ენა ამოაგდონ მათში და მის მაგიერ სომხური დაამკვიდრონ, იგი განაძეონ თფილისის სკოლებს.

იღამ, იგინი ამისთვის დიდათ მეცადინეობენ და ქართველთ გრიგორიანთა შვილებში სასტიკად აქვსთ ქართული ენა აღკრძალული, ამ ენაზედ როგორც ვაჟებს ისევე ქალებს სიტყვის თქმაც არ შაუძლიანთ, თორემ მათ სასტიკათ დასჯიან, ამის საშუალება გახლავსთ, რომ ამ ბოლოს დროს, საქართველოს ქართველ გრიგორიანებთ შორის ვაჟებს გარდა გაჩნდნენ ისეთი ქალებიც რომელნიც დიდის ენა-მტვრევით მათვის უცნობ და ხამ, ე. ი. სომხურს ენაზედ ლაპარაკობენ, ამის მიმზიდველობა მათში გაძალიანებულია შეუმცნევლად და უადგილოდ.

გარდა ასეთის ოსტატობის, ეს ხსენებილი წოდება თავის მიზნის მისაღწევათ და განსახორციელებლად სხვა ღონისძიებასა და ოსტატობასაც ხმარობენ, მათ იმეცადინეს და არამც თუ მარტოდ ენის და მწიგნობრობის მხრივ დაარღვიეს ძველი ქართული ერთობა და კავშირი, არამედ მათის ცლით დარღვა თვით ნამსახური და მეგობრული ძალაც. ნათესავობა სჯულის გამო ქართველებს და ქართველ გრიგორიანებთ შორის მკაცრათ ისობა, ნამეტურ სდევნიან სომეხთაგან ქართველთ ქალის შერთვას, ამას სასტიკათ უკრძალავენ, ვინც კი სომეხთაგანი ამ მცნებას და აღკრძალვას დაარღვევს ვაი მისი ბრალი, იგი მომავალში კაი დღეში არ ჩავარდება, სჯულის მგმობელს თვით ეკლესია დასჯის, არ გაახარებს, მომავალში უხეირო ცხოვრება ექმნება, ბევრს სინანულში შევაასეთ სომეხს იგინი უცბად დაუწყებენ დევნას, თვისის წრიღამ გარიცხვენ, ქართველი ქალის შერთვის გამო სასტიკათ შეაჩვენებენ, ერთის სიტყვით სრულიად მოიგერებენ და ბრუნდეს თვალით დაუწყებენ ბრძოლას. ამის შესახებ მე რომ არ ვამტკიოო, ეს სხვებმაც აშკარად უნდა იცოდნენ; რადგანაც ყველა ზემოხსენებულთ ზომები მათში თითქმის აშკარად ხდება და იგინი ამისთვის არაუის წინაშე არას მალავენ.

ქართველი ქალის მათს ოჯახში შესვლა არის სრული განხეთქილება ძმათა და მშობლებთა შორის, სრული უძლო-



რება. ამ გარემოებას ბოლოს მოჰყვება დიდი მტრობა, განწირულებაც კი, მით უბედურება, რითაც მრავლადაც მომხდარა და მოხდება კიდევაც. ამ სამტრო საქმეთა ისტორია მეტად საყურადღებოა, ხოლო მის ცნობებს უნდა შევჩერება, რადგანაც უმეცართა შორის ბევრი საბრალო ქართველი ქალი დაღუპულა უღვთოთ, ბევრს მოჰკლებია მათში საბრალოდ ბოლო. სომეხი კაცი ვერ იტანს იმ გარემოებას, როცა მის სახლში ქართველი მღვდელი შედის და შვილს უნათლას, ეს აუტანელი ვაია მათი, სიკვდილი. ამას ვერ ეწყობიან და ხშირად ამისთვის უძღურებაც ხდება და მერე სომეხი კაცი თავის სჯულის ქალს ირთავს. თუ რად შეირთა გრიგორიანმა ქართველი ქალი, ვინ დაატანა მას ამისთვის ძალა, ამასთან მათ საქმე არ აქვსთ. \*) ბოლოს მაინც მიზანს მიაღწევენ, ქართველ ქალისაგან განთავისუფლდებიან და მის მაგიერ სხვას, ე. ი. თავის მერჯულეს შეიყვანენ. ბარემ ასევე ექმნათ წინეთ და საბრალო ქალი არ გაეწირად უბრალოდ. ვაცხადებთ, რომ ამ გარემოებას ჩვენც ვეწინააღმდეგებით, არც ჩვენ მოგვწონს ეს რომ სომხის შვილებს ქართულად ნათლამენ. ეს რა რიგია, ან რა წესია. ეს მთავრობამ მოგვიხერხა ადრე განგებ. აი ამისაგან რაები ხდებოდენ ადრე.

ცხინვალში, ერთმა ქართველ გრიგორიანმა შეირთო მართლმადიდებელ ქართველის ქალი. თავის სურვილით, სიყვარულით. ამ კაცს მთელი სომხობა აუჯანყდა, ვაჭრები ცუდის თვალით უმზერდნენ, ვაჭარს ყველა ქართველს უძახდა, ბაზარში რომ ჩაივლიდა, ასე უყვიროდნენ: „ქართველთ, აქ მოდი, ქართველთ, სად მიხვალ?“ და სხვანიც ასეთნი. ნათესაევბმა და შინაურებმაც მოიძულეს სახლში ქართველი ქალის შეყვანაზედ, რადგანაც მის წყალობით ჩვენს სახლში ქართველი

\*) იქნება დღეის შემდეგ ეს ასე აღარ მოხდეს და სიყვარული ჩამოვარდეს, რადგანაც ესლა ნება მიეცად შვილების მამის სჯულზედ მონათვლის.

მღვდელიც უნდა შემოვიდესო, შვილებიც ქართულად უნდა მოინათლონო. კაცმა ვერ აიტანა გმობა და საყვედურები, დასნეულდა და უკანასკნელი გარდაიცვალა. — საწყალი უსიხარულოდ ნათესავ და მეგობართაგან მოძულებული ქართველი ქალის შერთვის გამო.

ასეთი მაგალითები. ცხინვალს, გორს, თელავს, სიღნაღს, თფილისს და სხვაგანაც ხშირად მომხდარა და მოხდება კიდევაც, ვიდრე ეს სახელმწიფო წესები არ მოისპობა. საქმე აქ სჯულის გამო შვილების ნათვლა ხდება. ამაში ჩვენ მათ არ ვატყუნებთ. იგინი გარემოებას უნდა ემდუროდნენ და არა ქართველი ქალის შერთვას.

თფილისის მოქალაქე მ. მ. ნიკ—სვმა შეირთა მართლმადიდებელი ქალი. ამის გამო მთელი ნათესავობა და მეგობრები გადაეკიდნენ და ყოველ თავიანთ წრიდამ გარიცხეს, დედ-მამამაც ძრიელ იჯავრეს, ერთ ღამეს მამა თავის შვილსა და რძალს ლოგინში მიეპარა და დამბაჩით ნამძინარევი რძლის მოკვლა უნდოდა, მაგრამ ეს ველარ მოახერხა რადგანაც ამ დროს მის ვაჟსაც მიეცემოდა ზიანი, მან კი ეს ვერ გაიმეტა, მარტო რძლის მოკვლა უნდოდა. უკან დაბრუნებისას აცახცახებულს დამბაჩა გაუვარდა ხელიდამ და გატენილი დამბაჩა სხვა მხარეს გავარდა, საქმე გაირკვა.

ბაქოელმა ერთმა მდიდარმა ექიმმა იმერეთში შეირთა ერთი ღამეში ქართველი ქალი, ორი წლის შემდეგ ეს ღამეში ქალი მოწამლვით მოკვდა, ამ საქმეზედ გაზეთებშიც ბევრი სწერეს.

თფილისის მოქალაქე შ—ნვმა შეირთა ქართველი ქალი, ამიტომ გადაეკიდნენ ნათესავები და მეგობრები და ყველა მოსცილდა, საქმე ისე გაუჭირდა რომ ბოლოს მეგობრების შიშით კლუბში ველარ დადიოდა. ამ დღიდან ამას უმზერდნენ როგორც ვერაგ ქართველ კაცს.

თფილისის მოქალაქე პარტ. ნ-ბავმა შეირთა მართლმადიდებელი ქალი, ქორწილის დროს ნათესავები მოუცვივდნენ,

ქაშუეთის საყდარში და ვაჟს დაუწყეს კიცხვა და ყვირილი: „ეს რა გვიყავ, სამარე რათ გაგვითხარე, ცოცხლები რათ დაგვმარხე, რათ მოგვგვქერ თავი, სხვა რჯულის ქალი რათ შეირთე. ჩვენ გიშოვნით ბევრად უკეთეს ქალსა“.

თფილისის მოქალაქე მ—ოვს შეურთავს მართლმადიდებელი ქალი. ერთ დღეს ეს ქალი შემოვიდა ქართული წიგნის მაღაზიაში“ და იქ მყოფ. ლ. მესხიევის ქალს შესჩივლა რომ ჩემი ქმარი ისე მღვენის რომ მეტი გზა აღარ მაქვს, თავი წყალში უნდა დავიხრჩოვო. ქალებმა საუბარი დაიწყეს, მე ყური დაუგდე და კითხვები მივეცი და ბოლოს აღმოსჩნდა რომ მიზეზი ეს ყოფილიყო, ქორწინების რამდენიმე ხნის შემდეგ ქმარს გავლიყო თვისი სიმხურვალე და მეგობართა და ნაცნობთა კიცხვის გამო თვითაც დაფიქრებულა და მის გამო დიდს სინანულშიც ჩაუარდნილა სხვა სჯულის ქალის შერთვის გამო.

თფილისის მოქალაქე ფ.—ევმა შეირთა მართლმადიდებელი ქალი, ამას ძმები და ნათესავები გადაეკიდნენ, მაგრამ ვერას აკლებდნენ, ხოლო გულში კი ძრიელ სწყინდათ, როცა მათს ოჯახში მართლმადიდებელი მღვდელი შევიდოდა, მაშინ მაჟ ზიზლი კანკალს დააწყებინებდა, ნამეტურ ფ. დებს, რომელნიც არა ჰფარავდნენ მტრობას.

ერთ სომხის ხელოსნის ქალს ირთამდა ერთი იმერელი, ამ ქალისთვის სომხის ერთის წრისაგან დახმარება იყო დანიშნული, ამ დახმარებას ქორწინების დროს აძლევენ. ეს ფული ერთის მდიდრისაგან არის დატოვებული ღარიბ ქალებთა გათხოვების დასახმარათ. ფული სამღვდელოების ხელში იყო. ქალის დედა წავიდა მღვდელთან, ფული უნდა გამოერთვა და მასთან ქორწინების ნებართვაც აეღო. მღვდელმა რომ გაუგო დედაკაცს ამბავი, მაშინათვე ფული დაუჭირა და აღარ მისცა, მერე უთხრა: „ქართველზედ რა ათხოვებ, შენი სჯულის კაცი ვერ იშოვნე, ჩვენ გიშოვნით, სომეხს მიათხოვეთ და დახმარებასაც მაშინ მოგცემთ.“ დედაკაცმა უარი უთხრა: „ეს-

და ეს აღარ იქმნება, რადგან ჩემი ქალი დანიშნულია“. მღვდელმა დახმარება აღარ მისცა, ქალი უმზითვით დაშთა, საქმრომ ეს ამბავი რომ გაიგო, მაშინათვე ქალი უმზითვით წაიყვანა, ქორწილში თვით ქალის სახლის მღვდელიც დაჰპატიჟა, ქორწილი კი გადუხადა, კაცი შეძლებული იყო და ქალის მოძღვარი გაკვირდა. სინანულშიც შევიდა.

ასეთი შემთხვევები ამათში ძრიელ ხშირად მომხდარა და მოხდება კიდევაც, რადგანაც ყოველი სომეხი შეპყრობილია მით რომ თუ ის სომხის ეკლესიას არ აღიარებს, უამისოდ მისი სომხობა შეუძლებელი იქმნება. ამიტომაც რგინი მტრობენ სასტიკად როგორც სომხისაგან ქართველი ქალის შერთვას, ისევე სომხის ქალის ქართველზედ გათხოვებას, მეორეს კიდევ ეთვისებიან და სომხის სახლში მართლმადიდებელ ქალის შეყვანას კი არა, ამას ვერ იტანენ და საბოლოოდ მას ცუდი შედეგიც მოსდევს. მიზეზი ამისი ის გახლავსთ რომ კანონის ძალით შვილი უნდა დედის სჯულზედ მოინათლოს, ანუ სახელმწიფო სარწმუნოებით.

არ ვიცი, აქ რომელ ერთი ცნობა მოვიყანო, რომელ ერთი ავსუსხო, ეს შეუძლებელია. ასეთი მაგალითები ხდება არა მარტო საქართველოში არამედ ყველგან სადაც კი სომხები სცხოვრებენ და სხვა სჯულის ხალხთან კავშირი აქვსთ. ვიტყვით თამამად რომ სომეხთაგან ასეთ შემთხვევებს სულ ფათერაკი და უბედურება მოსდევს, მსხვერპლის შეწირვა, უბედურება, ოჯახის დაქვეითება. შვილების დაღუპვა და სხვაც მრავალი. სომეხი თამამად ირთავს კათოლიკის, ნემენცის ებრაელთა ქალებსაც, ებრაელთ ჯერეთ ნათლამენ სომხურად რ მერე ირთავენ. ამათ სომხები მიტომ ირთვენ, რადგანაც მათში შვილს მამის სჯულზედ ნათვლენ, ამიტომ წყნარად და კარგადაც სცხოვრებენ. მართლმადიდებელ ქალთა შერთვის დროსაც რომ ასე იყოს, მაშინ აქაც ისევე იქნებოდა. ჩვენი მეფეების დროს ასე იყო, ვაჟი მამის სჯულზედ ინათლებოდა და ქალი დედის, სადაც კი ეს სურდათ, სადაც არა და იქ ორივეს

სჯულზედ ნათლავდენ. ნეტა ეხლაც ისე იყოს, რომ ჩვენში მოისპოს სჯულის გამო მტრობა. მის მოსპობა კი ჩვენ კაი სიყვარულს დაგვინერგავს.

ერთ სომხის ვაჟს უყვარდა ქართველი ქალი, ვაჟს დედამა ნებას არ აძლევდა ქალის შერთვისას, ვაჟი კი თავს არ ანებებდა, ბოლოს ვაჟის დედ-მამამ ვილაც უცხო კაცები შეისყიდეს და საპატარძლო ქართველი ქალი მოაკვლევინეს, ეს ამბები ადგილობრივ გაზეთებშიც იყო ანუხსული, ხოლო უბედურების გარეომებას არავინ აკვირდებოდა. მარტოდ ის გამოჩნდა მიზეზათ, რომ ვაჟის დედ-მამას ქალი არ სდომნიათო, არა ჰყვარებიათო, ის კი არა და მიზეზი კი სულ სხვა იყო.

ერთ სომხის ვაჟს თფილისში უყვარდა ქართველი ქალი, ამ ვაჟს ეს ქალი უნდა შეერთა, დედ-მამა უშლიდა, ვაჟი არ შვრებოდა. ბოლოს ვაჟის მშომლებმა ქალი სხვას მოატაცვინეს, მტაცებლებმა სჯიჯგნეს და ბოლოს გამოაჩინეს. საქმე კარგად ვერ გაირკვა, წამუს ახდელი ქალი სომეხმა ვაჟმა აღარ შეირთა, ასე უსამართლოდ მოექცენ ამ ქალს.

ბევრს ალაგას მომხდარა ასე, რომ სომეხ ვაჟს შეჰყვარებია ქართველი ქალი, მათთან უვლია სახლში, ბოლოს დანიშნულა კიდევაც და მემდეგ ისე მომხდარა, რომ ჯვარ-დაუწერალი ქალი დანიშნულისაგან დაორსულებულა, შვილებიც მისცემია, შემდეგ კი საქმე ისე მომხდარა, რომ დანიშნული თანამერჯულეთა შიშით სხვაგან გარდახვეწილა და ქალიც აღარ შეურთავს, იგი გაუბედურებულა. ესეთი შემთხვევები ხდება არა მარტო ქართველ ქალთა გვერდით, არამედ ძრიელ მრავლად რუსის გოგოების გვერდითაც. ეს ერთობ ხშირია დღესაც და ხბირი იქნება შემდეგაც, ვიდრე სჯულის ფანტიკობა არ მოისპობა.

ამ გარემოების გამწვავება პირდაპირ სამღვრელოებას ედება კისერზედ, როცა ვაჟი მიდის მღვდელთან. ბილეთის ან ჯვარის წერის მოწმობის ასაღებად რომ ცოლი უნდა შევირთაო, თუ ამბავი მღვდელმა გაუგო, მაშინ შენი მტერი, საქ-

მე ჩაიშლება. როგორ! განა თქვენ სხვა სჯულის ქალი უნდა შაერთოთ, ეს როგორ შეიძლება, ამით დაღუპავთ თქვენ თავს, ცხოვრებას, თქვენი შეილები თქვენს სჯულზედ არ მომნათლებიან, მერე რა პასუხს აძლევთ მამა-პაპათა ეკლესიას? თქვენს ოჯახში თქვენს მღვდელს და სჯულს აღარაფერი მნიშვნელობა ექმნება, იქ თქვენი ცოლი იქმნება და მისი სჯული, ეს კი წინააღმდეგია ჩვენი და დამამხოველი არა მარტო ეკლესიის წესების, არამედ თვით თქვენის ოჯახის, ნუ იზავთ მას, თავი გაანებეთ ამ საუკუნო საწყევარ საქმეს და თქვენს ოჯახში თქვენი მამა-პაპის სჯულის კანდელს ნუ გააქრობთ, ნუ იზავ ისეთ საქმეს, რაც საწყენი იქმნება ყველა თქვენი ნათესავებისთვის. თვით მე გიშოვნით თქვენი სჯულის კარგს ქალს, კაი ოჯახისას, ზითვიანს და ფულიანს, სხვა რაღა გინდა?

ხშირად მომხდარა, რომ მღვდლის ასეთ დარიგებას საქმე ჩაუშლია, ბევრს დანიშნულს ქართველ ქალს ამითი ყელი გამოსჭრია. ხშირად სადაც ასეთ საქმეს დედმამა ვერას აწყობს და საქმეს ვერ შლის, იქ მღვდლის ენერგიული პროტესტი უჩნდება და მას თავისივე გააქვს, ასეთ საქმეებს ხშირად მტრობა და ბრძოლაც მოსდევს, ნამეტურ კამათი. ამისთვის მათში ბევრნაირი ხრიკები ხდება, განუსაზღვრელი მძულვარება და სხვანი. ყველა ეს ხდება მისის წყალობით რომ შვილი დედის სჯულზედ არ მოინათლოსო, ამიტომ ერიდებიან მხოლოდ მართლ-მადიდებელთა ქალებს, თორემ ნემენცის ქალს, კათოლიკის კი ხშირად ირთავენ, რადგან ამათ შორის უპირატესობა მამის სჯულს ეძლევა. ეს არის მიზეზი მთელი სომეხობა ამით არის გამსჭვალული და აღბორცებულნი. მათის ფიქრით სომეხი კაცი სომეხის სჯულის გარეშე სომეხი არ შეიძლება რომ იქმნეს, მათის ფიქრით: სომეხმა რომ მართლმადიდებლობა მიიღოს, ის თურმე სომეხი აღარ შეიძლება იქმნეს, უსათუოდ თუ სომეხი ხარ მასთანვე გრიგორიანიც უნდა იყო. მათში კათოლიკე, პროტესტანტი და სხვანი არ

შეიძლება იქმნეს, ვინც კი არის მათში ასეთი იგინიც ვითომც  
სომხები არ არიან!

აბა ეს როგორ შეიძლება, ასე დაბნელება როგორ იქმნება?  
ეს ძრიელ მოკლე შეხედულება გახლავსთ და ძველებური დამ-  
პალი მოუსზარებლობა, ამის წყალობა გახლავსთ, რომ ქარ-  
თველთა და სომეხთა შორის ასეთი მტრობა არის გამწვავე-  
ბული, ეს რომ არ იყოს, მაშინ მათში მძახლობაც გახშირ-  
დება და ამას სიყვარულიც მოჰყვება, დღეს კი ჩვენის ეკლე-  
სიის და სამღვდლოების წყალობით სრული განხეთქილება  
მეფობს და ბოროტება. გვითქვამს და კიდევაც ვიტყვით,  
რომ სჯული ვერ გამოსცვლის გვარს. თუ რომ შეიძლება სო-  
მეხი გრიგორიანის სჯულისა იქმნეს, ისიც შეიძლება რომ  
სომეხი მართლმადიდებელიც იყოს, პროტესტანტი, კათოლი-  
კე, ისრაელი, მუსულმანი და სხვაც, მაგრამ მასთანავე გვარ-  
ტომობით სომეხი იქმნეს. სომხები თავიანთ გვარის სასარ-  
გებლოდ ასეთის შემცდარის ოცნებებით არ უნდა მოქმედებ-  
დნენ. ასე მზერა და ოცნება არც ერთ გვარს არ შეჰფერის,  
ეკკლესია არ უნდა იქმნეს გვარის უფროსი, ანუ მისი მყლა-  
პავი. ეს გინდ დღეს რომ ასე იქმნეს, მომავალში ხომ მაინც  
ასე არ იქნება, იგი თავის სახით არსად დაშთება, შეიმუსრე-  
ბა და მაშინ რაღა უნდა იქმნენ სომეხნი, უეკლესიოთ მაშ  
არაფერი იქმნებიან და სომხობაც ხელიდამ გამოეცლებათ?!

სომხებში კათოლიკეებიც არიან და პროტესტანტებიც,  
ამითი სომხებს არაფერი უშავდებათ, ნაცვლად ამის კათოლი-  
კებმა ვენეციას და ვენას დახსნეს სტამბები და სომხურის  
წიგნებით გაამდიდრეს სომხები, მათ აღადგინეს ახალი სომ-  
ხეთი. პროტესტანტებმა ინგლისსა და ამერიკას დახსნეს სომ-  
ხური სტამბები და დღესაც იქ ბეჭდავენ აუარებელ წიგნებს.  
მერე მათ რას უშლის ის გარემოება, რომ იგინი სომხის  
სარწმუნოებისანი არ არიან. დროა სომხობამ ასეთ შეცდო-  
მებს თავი გაანებოს, ასეთ შეცდომებს ადრე კარგად შე-  
ამცნია გრიქორ არწრუნმა და „მშაკ“-ში ამაზედ წერილები

სწერა. გ. არწრუნს. გრიგორიანობა არ სწამდა, მისი დაუძინებელი მტერი იყო, მაგრამ ეს ვარემოება არ უშლიდა მას, იგი გულშემატკივარი სომეხი მამულიშვილი იყო თავის ერისა.

ამის შესახებ საუბარი თუმცა ჩვენი საქმე და საგანი არ არის, მაგრამ მაინც ვსაუბრობთ. მიტომ, რომ რამდენათაც სომეხნი ასეთის შემცდარის შეხედულებებისანი არიან თავიანთ მეგვარტომეთა სარწმუნოებრივ მხარეებზედ, იგი იმდენადვე ჩვენს საფიქრებლადაც გამოდის, მაგალითებრ ქართველ გრიგორიანთა არსებობა ამათგან არის დაჩრდილული და შექმული, ეს კი არ შეიძლება, აბა როგორ იქნება, დღეს რომ მთელმა ქართველობამ სომხის სჯული მიიღოს, მაშ ხვალისამ მათ უნდა დაივიწყონ ქართველობა, ქართული ენა, მის მაგიერ უნდა მიიღონ სომხობა და სომხის ენა შეისწავლონ, დაივიწყონ უნდა საქართველო და მის მაგიერ სომხეთი იქონიონ სახეში. ერთი სიტყვით სჯულის წყალობით უნდა ჩავარდნენ უარეს შეცდომაში. განა შეიძლება მერე ეს ასე, როგორც ეს არ შეიძლება ისევე ის, რომ სომეხმა მართლმადიდებელი ქალი შეირთოს, შვილები დედის რჯულზედ მოინათლონ და მათაც უნდა იცახონ რომ ჩვენ სომეხები არ ვართ და ქართველები, ან რუსები ვართო. ეს რომ ასე არ იყოს და ამისთანა შემცდარი აზრები არ არსებობდეს, მაშინ არც ამოდენა მტრობა იქმნებოდა დათესილი ჩვენ შორის.

მე თამამად ვამბობ, რომ დღეს სომეხთა შორის არიან ესეთი სომეხებიც, რომელნიც სარწმუნოებით მართლმადიდებელნი არიან და გვაროვნობით სომეხნი. ასეთ სომეხებს ძრვიელ ხშირად შეხვდებით, განჯას, ბაქოს. ერევანს, რუსეთის სხვა და სხვა ქალაქებში და საქართველოშიაც. ასეთ კაცთა შვილებს უნდა ეწოდოსთ „მართლმადიდებელნი სომეხნი“ ანუ „პრაავოსლავნი არმენინ“. ესეთი მოსაზრება რომ აღორძინდეს მაშინ ჩვენ დარწმუნებული უნდა ვიქმნეთ, რომ სომეხთა შორის დამკვიდრდება სრული მშვიდობა და ნათელი შეხედულება, მაშინ სომეხთა შორის სხვა ტომის ქალების შერ-



თვაც ხშირად მოხდება და გინდ სახელმწიფო სჯულებედ მოინათლონ მათი შეილები, შაინც მათს სომხობას, ანუ გვაროვნობით სომხად არსებობას არაფერს დაუშლის. ამის აღორძინება მათში მოსპობს ყოველნაირ განგეთქილებას და მტრობას, გარდა ამის ესეთი შეხედულება იქნეს ნამდვილი შეხედულება გვაროვნებაზედ.

ვამბობთ, რომ ამის უამისობა მით უფრო არ შეიძლება რადგანაც სომეხი ერი ჩარჩობის გამო ძრიელ გულ გრილია თავის ქვეყანისა და მის არსებაზედ, ვაჭრობის გულისათვის სომეხი კაცი ადვილათ სტოვეს თავის სამშობლოს ღ მიდის უშორეს ქვეყანაში, იქ სახლდება, სომხეთის არსებობა მას ოცნებათ უხდება. იქ ჰკარგავს ყოველივეს გარდა ეკლესიის, ამით იფარავს ვითომც სომხობას, მაგრამ ის კი არ იციან მათ რომ ესეც დროებითი იქმნება მათში და მომავალში ესეც დაეცემა და შეიცვლება, ამას ფიქრი არ უნდა. მომავალი ამას გვამცნევს და მიტომაც მოვალენი არიან რომ ასეთ შეცდომას თავი დადანებონ, თორემ საბოლოოვით არა იქმნება-რა, რადგანაც სომეხი კაცი უცხოეთში ადვილათ სთმობს თავის ენას, ხასიათებს და თვით გვარებსაც კი ირქმევენ სხვისასო. აენიშნავთ პირნათლად რომ სომხების ასეთ გარემოებაზედ ჩვენ როგორც ძველს მეზობელ ხალხს გული ერთობ გვეთანაღრება და გვსურს, რომ მათ შორის ასეთ გულ-გრილურ მიმართვას ბოლო მოუღოს, თორემ ერთ დროს ასეთის გულ-გრილობით მთელი არმენია ცარიელი დაშთება, იქ სომხების მაგიერ მუსულმანები და სხვა ტომის კაცნი გამრავლდებიან, რის ნიშნებზე მათში დღესაც კარვადა აშკარად სჩანს.

თუ არ ამ მხრის წინაღმდეგობით, სომეხნი თავიანთ სიცალიერეს ვერაფრით შეაჩერებენ. სომხის ტომი თავის დასაღუპათ აი ამ გარემოებას უნდა ეწინააღმდეგებოდეს და არა ქართველებთან დანათესავებას, ქალის შერთვას. ამისი შიში მათ არ უნდა აქვდეთ, რადგანაც იგი საშიში არ არის. ვგონებთ იონესიანის შეიღმა, ვართაპეტოვის, სპანდარიანის და

ნავასარდიანის შეიღმა რომ მართლ-მადიდებელი ქალი შეირთას, შით მათი შეილები არ გადაგვარდებიან. ამას ფიცი და მტკიცება არ დასჭირდება. ასეთის მოსაზრებისა ვართ სომხებზედ და ვგონებთ აქ სამტრო და სავნო არაფერი უნდა იყოს, გვაროვნობის მხრით ძალის დატანება არსად არის კარგი, სადაც რომელ ერსაც რამე ენა ემარჯვება და ამ ენის რძე ჩასწოვებია და ის ამ ენის რძით გაზდილა, სადაც მის მამა-პაპებს უცხოვრიათ, სადაც დახოცილან და ამ ხნის განმავლობაში ძრიელ დიდ დროსაც გაუვლია, სწორედ ჩვენც ამ კუთხის ერის გვარისად უნდა ვიწამოთ. აბა რას ეგვანება ის გარემოება, რომ ჩვენ მართლ-მადიდებელ ქართველებმა ქართველ გრიგორიანები სარწმუნოების მხრით სომხათ ვიწამოთ. ესენი კი არა და საღის მოსაზრების წყალობით, თვით ნამდვილ სომეხთა შთამომავალთა ჩათვლაც კი აღარ შეგვეძლება, რადგანაც მათ კარგა ხანია საქართველოში ცხოვრების გამო ქართული ენა შეითვისეს, ქართული ზნე-ხასიათი და თვისება რაის საშუალებითაც მათ მნახველი ქართველთაგან ველარაფრით გაარჩევს.

ეს სომეხნი დრო და გარემოებამ ისე ოსასტურად გარდაქმნა, გარდააკეთა რომ მათ თავიანთის აღარა შერჩათ-რა, იგინი სულიერად დაუკავშირდენ ქართველებს, ერთის სიტყვით, ძრიელ ძნელად, რომ თქვენ ქართლელ სომხისაგან გარჩიოთ, ხოლო ვერც ერთს და ვერც მეორეს სომხად ვერიფიქრებთ, რადგანაც მათ ამისი არაფერი ეტყობათ. აწინდელ ქართველ გრიგორიანი, თუ გინდ ნამდვილად მათი შთამომავალიც იყოს, მაინც იგი დღეს წარმოადგენს სრულს სახეს ქართველის კაცისას, ძნელად, რომ აქ სომეხი ვინმეს ქართველისაგან გაარჩიოს, ენა, ზნე, ხასიათი და ყოველი მხარე ცხადათ მოწმობს ამ ერის მტკიცე ერთ სულობას, ერთ მტკიცე კავშირს.

სახეშია მისაღები, რომ საქართველოში არამც თუ მართოდ ქართველ გრიგორიანები ეკუთვნიან ქართველ ტომს,

არამედ- ისინიც კი ქართველები უნდა იყვნენ, ვისაც ჩვენ სომხის შთამომავლად ვსთვლით, აბა ერთი ბრძანეთ თუ ასეთ შთამომავალთ რა უნდა უწოდოთ ჩვენ, რომელთაც გულსა და სულში გადანერგიათ ქართული ზნე და ხასიათი, დღეს იგი ქართველი კაცის მტკიცე გეგმასაც წარმოადგენს, ერთის სიტყვით საქართველოს სომეხი არის ისეთივე ქართველი— მტკიცე განუყრელი, როგორც თვით ქართველი. გარდა ამის გინდ ეს ასე არ იყოს და იგინი სომხის შთამომავალნი იყვნენ, მაინც მათ ცხოვრების განმავლობაში იმდენი დრო და ხანა გასულა, რომ დღეს მათი განსხვავება ჩვენგან შეუძლებელია. აღრიდგანვე აქ უცხოვრიად მათ ძველებს, აქ დაბადებულან, აქვე დახოცილან, აქ არის მათი საფლავები, საფლავის ქვათა ქართული წარწერანი, აქაური სომხის წარსული არის საქართველოს ერის წარსული, მასთან მტკიცედ დაკავშირებული.

საქართველოს სომეხმა როგორც არა სომხის მიწის შთამომავალმა არ იცის სომხური ენა, მისი ისტორია, მწიგნობრობა, ზნე, ჩვეულება და ათასი სხვანი. იგი არაფრით ეკუთვნის მათს ძალას, მათი არც ავი იცის, არც კარგი. ნუ თუ ამდენ მაგალითების შემდეგ შესაძლებელი უნდა იყოს და საღსლოლიკასთან ახლოს მდგარი, რომ კაცმა იყვიროს, რომ მე ამა და ამ გვარის ვარ, მათ ვკუთვნი, რის ცნება და გაგება მეც არ მაქვსო, ე. ი. ადგილობრივ კი არა, სადაც დავიბადე და აღვიზარდეო. ეს იქნება სრული შეცდომა, სრული უძლეულება და კაცის საჭირო მოვლენათა არ ცოდნა. ესეთი საქციელი შეჭფერის მხოლოდ გაუგებარ კაცს, მოუსაზრებლობას, გაუნათლებლობას, რომ კაცი რომელიმე გვარს ეკუთვნოდეს, მისი ავი და კარგი არ იცოდეს და იმავ დროს იმას კი ყვიროდეს, რომ მე ესა ვარ და არა ისაო!— ისიც იმ ენით კი არა ვისაც აკუთნებს თავს, არამედ იმ ენით, რაც მან ჰუზურში იცის.

ქართველთა განთვისებას ქართველ გვაროვნობისაგან

ხელს უწყობდა ის გარემოებაც, რომ ქართველი სამღვდელოება უძლიური ანუ გაუგებარი იყო გვაროვნულ საქმეში, იგი გულ გრილი იყო და მას ამის ძიების დროც არ აქვდა, მეფენიც ისეთის შეხედულების იყვნენ, რომ საქართველოში მცხოვრებნი ოღონდ ქრისტიანები ყოფილიყვნენ, თორემ დანარჩენთან მათ საქმე არ აქვდათ.

ასეთი ცნობები გვაქვს ქართველ გრიგორიანებზედ, მხოლოდ ამის გაგება დიდი ხანი არ არის რაც აღორძინდა ჩვენში, წინეთ ქართველი თავის დღეში არ იტყოდა, რომ ქართველი სომხის სჯულის მალიარებელიც იქმნებოდა, თვით სომხებსაც ასევე დანერგვიათ და იგინი არას შემთხვევაში არ იწამებენ ამას, რომ სომხის ეკლესიის მალიარებლად შეიძლება რომ სხვა ტომის კაციც იყოს. უსათუოდ თუ გრიგორიანი ვინმე, ის უეჭველად სომხის ტომისაც უნდა იქმნეს, ამას თურმე ეჭვი არ უნდა და ესენი არამც თუ ქართველ გრიგორიანებს, არამედ თვით ქართველთ კათოლიკეთა გვაროვნობასაც, კი უარს ჰყოფენ და ამბობენ, რომ ქართველ კათოლიკენი არც ყოფილან და არც იქმნებიანო. ეს კი არა და თვით სამხრეთ საქართველოსაც კი უარს ჰყოფენ და სწერენ, რომ სამხრეთი საქართველო არმენიის ნაწილიაო და იქ მცხოვრებნიც სომხის გვარის შთამომავალნიო იყოს ასე. მაგრამ ვიტყვით იმასაც რომ ეს იქმნებოდა მხოლოდ ახირება და მსწორე შეხედულების დაბნელება, შორს გაქცევა.

ჩვენი მოსაზრება რამდენ გზისმე „მურჭში“ მასხარათაც აიგდეს, ერთს წერილში, ამ გვარ შრამს ვინის შრამს უწოდეს და „სამხრეთ საქართველო“ წიგნაკი, მკაცრათ უარჰყვეს, ესევე ქმნეს „ახალ მიმოხილვაში“ და აქაც პასუხი მომთხოვეს, რომ იქმნება სამხრეთ საქართველოს კუთვნილების შესახებ და ქართველ გრიგორიანების შესახებ რამე ცნობები წარმოადგინოსო და ისტორიულად დაასაბუთოსო. დიახ, რომ სამხრეთ საქართველო ნამდვილად საქართველოს კუთხეა და იქ მცხოვრებთ უმეტეს ნაწილის ქართველ გვარის გრიგორია-

ნებო, ამას ასაბუთებს შემდეგი გარემოება: ქართველთ მეფობის დროს და შემდეგაც, ქართველთ მებატონეთაგან თავისუფლად ისყიდებოდნენ მათი ყმანი, რომელთაც ყიდულობდნენ სომეხთ შეძლებულნი ვაჭარნი და მერე ამ ნაყიდს თავიანთ სჯულზედ მიაქცევდნენ და ამის მოდავე მათი არავინ იყო. კანონი იყო ისე რომ მყიდველთ ბატონი თავის ნაყიდს ყმას არამც თუ მარტოდ თავის სჯულზედ გადიყვანდა, არამედ შეეძლო გაეთათრებინა კიდევ. ამ გარემოებამ დიდი ნარცხი დაარტყა საქართველოს და ამან მოუღო ბოლო ჩვენს ძალას. ვიტყვით იმასაც, რომ ქართველთ არამც თუ ყმობიდან და ასხვაფერებდნენ, არამედ სომეხთა მხნე ხუცები თუ ულით ყიდულობდნენ მთელს სოფლის ხალხს და თვის სარწმუნოებზედაც გადაჰყავდათ, ამის მაგალითია შემდეგი: ცხინვალისკენ, ერთს სოფელში სცხოვრებენ გლეხნი გიგაურები. ყველა იგინი XVIII საუკუნეში გადაკავშირებულ იქმნენ სომხის საყდარზედ. დღეს, გიგაურები სომხთა ითვლებიან, სარწმუნოების წყალობით გვართაც სხვა-ფერდებიან. დღეს რომ მათთან მივიდეს ვინმე და ჰკითხოს თვისი ვინაობა, იგინი მაშინათვე ეტყვიან, „ჩემ სომეხები ვართ.“!

ამის სასარგებლოდ ღწვა სომხის სამღვდელოებამ აღრიდგანვე მორთეს, მარტოდ ერთს დიდს შრომათ ღირს ამათ მიერ გვარების გადაკეთება. მაგალითებრ მეტეხელ გლეხ-მირზაშვილებს, გვარი მირზაიანცად გადაუკეთეს, მირზაშვილები ხომ მოგეხსენებათ, ქიზიყის სოფ. მირზაანიდამ არიან, ძველადგან ყველა მირზაშვილები ქართველები იყვნენ, მათგან რამდენიმე კომლი XVIII საუკუნის დამდეგს სომხობას დაუკავშირდნენ, შემდეგ დროს, იგინი სრულიად გადაბირულნიც იყვნენ, ორმა კომლმა ამის ვითარება შეიტყო, ამათ სომეხთა სასულიერო გამგეობაში საქმე ჰქონდათ და დაბადების მოწმობას იღებდნენ, ესენი ძველადგანვე მირზაშვილება იწოდებოდნენ, სასულიერო გამგეობამ კი მათ მისცა მოწმობა და შიგ მირზაიანცი ჩაწერა, ამით საქმე ერთს გამგეობაში მირ-

ზაშვილებს კარგად გაუფუჭდათ, იგინი სხვა გვარის წევრებათ იქმნენ ცნობილნი და დროებით ამის გამო ერთი სადავო საქმეც წააგეს. ამაზედ მირზაშვილებმა სასულიერო გამგეობას თხოვნა მისცეს და ითხოვეს გვარის შვილობით ჩაწერა, მაგრამ სასულიერო გამგეობამ უარი სტკიცა, რომ თქვენი გვარი მირზაიანცია და ჩვენც ასე გიბრძანებთ რომ იწოდოთ.

კიდევ მაგალითი: გორში, ერთხელ ერთის საქალაქო გამგეობის წევრის დასაფლავების დროს, საყდარში, ერთმა ქართველმა ბ. შ.—დავ. ქართულად სიტყვა წარმოსთქვა, მოკლედ დახატა განსვენებულის ღირსება, ამ გარემოებამ სასულიერო გამგეობის წინაშე ჩხუბი და კამათი გამოიწვია და სიტყვის წარმომთქმელი სამართალში იქმნა მიცემული რომ სიტყვა ქართულად რად წარმოსთქვიოთ, სომხის საყდარში ქართულს ენაზედ სიტყვის წარმოსთქმა აღკრძალულიაო. ასეთ ოცნებათა გატაცებულთათვის საქმე იქამდე მივიდა რომ ზოგს ალაგას იგინი ქართულ საყდრებზედ ქართულ ნაწერებსაც კი ამტვრევენ და ასხვაფერებენ, ეკლესიებს აჩერებენ, ამაზედ ადგილობრივ გახეთქებშიაც იყო ხოლომე ცნობები და მათ ჰკიცხავენ კიდევ. ეს არ უნდა იყოს კარგი და მოსაწონი ვიცით ისიც რომ სომეხთა სასაფლაოებზედ მიცვალებულთა ქვებზედ ქართულად ნაწერ ეპიტაფიებს სულ სპობენ და აქრობენ. თფილისის ვანქის გალავანში ადრე სულ ქართულად ნაწერი ძველი ქვის წარწერანი და ეპიტაფიები იყო და დღეს კი იქ ერთ ქვასაც ვეღარ ნახანთ ასეთს, უნდა ითქვას, რომ ყველა ამას მათი საზოგადოება და სამღვდელოება მიტომ ჩადის და მოქმედებს, რომ მის საშუალებით ეგები ქართველებთან ყოველნაირი კავშირი გაწყდეს, ქართული ენა მათ საბძანებლოდამ განიდევნოს, ქართულ ენას მათში ადგილი არსად ჰქონდეს.

ჩვენი მოსაზრება იყო, რომ გვესაუბრა და დაგვესაბუთებინა ის გარემოებაც, რომ ქართველებში არიან ისეთნიც,

რომელიც გრიგორიანთა სარწმუნოებას აღიარებენ და ღღეს მის მეოხებით იგინი სომხის გვარათაც ირიცხებიან. ასეთ მოსაზრების დასამტკიცებლათ საჭიროა ცოცხალი ცნობები, ნამდვილი ამბები, ჭეშმარიტებასთან ახლოს მდგარი. ასეთ ჭეშმარიტებას ემორჩილება ყოველი განათლებული კაცი, ამ ჭეშმარიტებას ვერაფერ აეწინააღმდეგება. ვგონებთ რომ ცოცხალ ჭეშმარიტს ცნობების წინააღმდეგ კამათი უმნიშვნელო იქმნება, ცნობების დარღვევაზედ ღუმილი უბრალო უნდა იქმნეს, თუ კიდევ აქ ამის ასპარესზედ ჩვენს საწინააღმდეგოდ რამე პოლიტიკანობათ არ იქმნა მიღებული, მე ვიცი, რომ ჩვენს მოსაზრებას ზოგნი არ შეიწყნარებენ, მოსაზრებას არ დაენდობიან, იგინი ცნობილის კილოთი კამათს მორთავენ. ამას ექვი არ უნდა „მურჭში“ ბატ. ფირუმიანცი ჰკვირობს დიდათ, რომ მე ზოგი ერთი სომეხთა გვარები ქართულიდამ გადასხვაფერებულად ვაღიარე და თვით მანთაშაშვილი, მირზაშვილი, ფრიდონოვი, სუნდუკაშვილი, აღნიაშვილი და ბევრიც სხვანი ქართველად ვაღიარეთ. ეს პირი ქართული თიატრის არტისტია, შთამომავლობით სომეხი, მირალიანი, ქართულიც კარგად იცის და სომხურიცა, ორივე ენას ემსახურება და სწერს, სომხურს ენაზედ იგი სწერს ქართველთ ცხოვრებიდამ სხვა და სხვა საინტერესო ცნობებს, ნამეტურ მწიგნობრობიდამა. ამაზედ მე მადლობასაც ვუძღვნი, მაგრამ იმაში კი ვერ დავეთანხმები, რომ ვითომც საქართველოში ქართველთ შორის, გრიგორიანები და კათოლიკები არ იყვნენ. თუ კი რომ ნახევარი საქართველო გაფათრდა და ქრისტიანობიდამ ისლამზედ გადავიდა, ნუ თუ ქრისტიანობის სომხებსა და კათოლიკობაზედ კი არავინ გადავიდოდა, როცა ამ სარწმუნოებათა მალღარებელთ მუსულმანთა მახვილი სულ არ სდევნიდა.

ქართველთაგან ძველადგანვე რომ შრავლად დაკავშირებიან გრიგორიანობას ამას ასაბუთებს შემდეგი მაგალითებიც. ამ გვართა ცნობებში ბევრი ისეთი გვარიც არის მოხსენებული,

რომელიც ნამდვილ ქართული გვარია, ტეტიური, მაგრამ სხვათერ გადაკეთებული, დამახინჯებული, უნდა ითქვის, რომ ეს ცნობები და გვარები ჩვენის მასალების დასამტკიცებლად მეთასე ნაწილია, მის შეკრება და აქ ყველას მოყვანა შეუძლებელია. ვგონებთ ჩვენის ჰაზრის დასამტკიცებლად ესეც კმარა. ისევე ამას მივმართავ და ისეთი ცნობებმა ილაპარაკონ. ამის წინააღმდეგ თუ ვინმე რამეს იტყვის, ვთხოვთ, რომ იმან მასხარობა და მტრობის დაწამება და კიცხვა-გმობა იქით გადადოს და ცნობები მოიყვანოს. ამას ჩვენ მით უფრო ვნატრობთ, რადგანაც ჩვენ, ქართველნი და ჰაოსიანები ერთი მხრის ხალხნი ვართ, ერთს ჭირსა და ვარამში განვლილნი, ერთ გარემოებაში მყოფნი, ამიტომ რა საჭიროა, რომ ჩვენში რამე გვაროვნული მტრობა არსებობდეს, ან ერთმა შექამოს მეორე და ან მეორემ პირველი. ჩვენი ნატვრა გახლავსთ, რომ ყოველმა პირმა თავის გვაროვნობა დაიფაროს და ყველგან და ყოველთვის სომეხი სომხად იქმნეს ცნობილი და ქართველი ქართველად. ვგონებთ, რომ ამაზედ მეტი დიდი რამ სამკაული კაცობრიობის წინაშე სხვა არა უნდა იყოს რა, რათა ერთმა მეორე არ ჩანთქას და არ გააქროს, ერთმა მეორე არ შექამოს, როგორც ამას ნატრობენ მრავალი სრული სახელმწიფონი და თავიანთგან დამონებულ ერს აქრობენ და სქამენ. აი ესეც ზოგი გვარები ქართველ გრიგორიანებისა.

აჟაღიშვილი, ავალოვები, ყველამ ვიცით, რომ ქართველები არიან. მათში ზოგი თავადისშვილია, ზოგი აზნაურის. XVIII საუკუნის ნახევარს, რამდენიმე წევრი ამ გვარისა დაუკავშირდენ თათრებს აჭარაში, გრიგორიანობს და კათოლიკობასაც. თუილისში სცხოვრებენ ასეთ შთამომავლთ გასომხებულ ქართველ ავალიშვილები, ვინაობა სომხად მიიჩნეიან.

აღსაზრებელი, კახეთში მთელი სოფელია ქართველთა, ამათგანია ჩვენი ცნობილი მოღვაწე ილია აღსაზრები. მაგრამ არიან ამათგან ძველად გასულ ქართველნი, გასომხებულნი,



დღეს აღხაზოვათ იწოდებიან და გვაროვნობის აღარა იციან რა-  
აჭარანა, სიტყვა აქარა ვგონებთ ყველამ ვიცით სადაც  
არის. აქარიანცები მეფურნე კრუა სომხებიც არიან, გადაწ-  
ყვეტით ვიტყვი, რომ აქარიანცები ძველად აქარელ ქართვე-  
ლნი უნდა იყვნენ, აქარიდამ გასულნი და შემდეგ დროს გა-  
სომხებულ და სრულიად გადაგვარებულ ქართველთაგან, დღეს  
სომხის კათოლიკენი არიან.

არეშიძე ხომ ვიცით რომ ქართული გვარია. არეშიძეები  
შრავლად სცხოვრებენ საქართველოში. ტფილისში რამდენიმე  
ხელოსანი სცხოვრებს არეშიძეების. არეშიძეა ხომ გიორგი არე-  
შიძე, ქართულ ენაზედ რამდენიმე სამეცნიერო წიგნთა მთარ-  
გმნელი. ამათგან ძველად რამდენიმე პირი დაუკავშირდა გრი-  
გორიანობას და მის მეოხებით დღეს იგინი არეშიძეს მაგიერ  
არეშოვად იწოდებიან და სძახად სთვლიან თავს. ამითი რი-  
ცხვი საკმარისია თფილისში.

აბუჯოგი — აბუჯანცი, ქართულად აბულაძე. აბულაძეებით  
სამსგა საქართველო. აბულის მთაც ხომ იცით სად არის,  
ჯავახეთს, მთლათ აბულაძე-აბულოვები აქედამ გაიფანტნენ  
საქართველოს სხვა და სხვა კუთხეებში. ამათგან რამდენიმე  
წევრი XVIII საუკ. გრიგორიანობას დაუკავშირდა დღეს ტომო-  
ბითაც სომხობენ.

ბარათაშვილი, ხომ ვიცით რომ ქართული გვარი, ბარათა-  
თაშვილები არიან თავადები, აზნაურები და მცირეც გლეხ-  
ნიც. დუშეთში სცხოვრობენ ბარათაშვილები, ქართველ გვა-  
რის შთამომავალნი და გრიგორიანის სარწმუნოების მექონი,  
ამის გამოს იგინი ტომობითაც სომხობენ, თავიანთ დედა  
ენათ სომხურს ენას სთვლიან, ნამდვილი ქართველთა შთამო-  
მავალნი კი არიან. დუშეთში ასეთ გასომხებულთ ქართველთა  
რიცხვი ასობით მოთვლება.

ბაქრაძე, ხომ ვიცით, რომ ბაქრაძე ქართული გვარია.  
XVIII საუკ. ვილაც ბაქრაძეთაგანს სჯული მიუღია, დღეს  
იგინი სომხათ ირიცხებიან. თვითაც ესე ჰგონიან თავიანთი

ვინაობა, სომხებიც ასე უმზერენ, რომ ბაქრადეები სომხები ყოფილან ძველადვეო.

ბასილაშვილი, ნაოსრები არიან, ზოგნი ამათგანი თფილისში სომხის სჯულის ვაჟრებს დაახლოვებიან, მერე მათი სჯულიც მიუღიათ, დღეს ბასილოვით იწოდებიან და ნამდვილად სომხობენ.

ბეგთაბეგის შვილები, ბეგთაბეგის შვილები სომხის შთამომავალნი არიანო, ამაზედ ჩვენ არას ვიტყვიო, ისიც კი უნდა ვიქონიოთ სახეში, რომ ამათ სომხობის არა სცხიათ რა, ქართველ თავადის შვილებათ ირიცხებიან, სომხებთან არავითარი ნათესაობა არც ძველად და არც შემდეგ არ ჰქონიათ. თვით სიტყვა ბეგთა-ბეგის ქართული ენის ფორმის სახით არის წოდებული.

გიგაური, ქართლში, გორის მაზრაში, ერთს სოფელში, სცხოვრობენ მრავლად გიგაურები, გლეხნი ძველად ესენი ნაოსრები იყვნენ, მთელმა ქართლმა იცის რომ გიგაური გვარია. ამ გვარის წევრნი თფილისშიაც სცხოვრობენ. რალაც შემთხვევების წყალობით, XVIII საუკუნის ნახევარს, ერთს სოფლის ხალხს სომხის სჯული მიუღიათ და ამიტომ დღეს მთელი სოფლის გლეხთ გიგაურებსაც თავი სომხად მიაჩნიათ.

გიორგაძე, ყველამ კარგად ვიცით რომ ეს გვარი იმერულია და ამ გვარის წევრნი იმერეთში მრავლადაც სცხოვრობენ. დღეს, ამ გვარის შთამომავალნი სცხოვრობენ თფილისს, ამათ წინაპარი ადრე დაკავშირები გრიგორიანობას და ამიტომ დღეს იგინი სომხად იწოდებიან, გიორგიანცად.

გველესიანი, თვით მცირედ მკოდნემაც კი უნდა იცოდნენ, რომ გველესიანი ქართველი-მეგრული გვარია. ამ გვარის წევრთა რიცხვი დიდია. იმერეთში და თფილისშიც სცხოვრობენ. ერთი ამ გვარის წევრთაგანი ადრე გრიგონრანობას დაკავშირებია. დღეს მისი ჩამომავალნი ქუთაისში სცხოვრობენ და სჯულის გამო სომხათ ირიცხებიან, ამათგანია ქართველთ.

მოღვაწე და გაზეთ „აღორძინების“ რედაქტორი გრ. გველე-  
სიანი. ამას წინეთ „ნორ-დარში“ გველიანცი უწოდეს.

დურგაღიშვილი, სომხურადაც დურგალს ეს სახელი დურ-  
გალი ჰქვია, ამასხედ არ აეხირდები; მიოლოდ იმას კი ვიტ-  
ყვი, რომ დურგლიშვილებით სავსეა ქართლი და ამათ შო-  
რის რამდენიმე პირი მოიპოვება, რომელთაც სომხის სჯული  
აქვთ და მის გამო იგინი დღეს სომხობენ კიდევ.

ბერიშვილი, ხომ ვიცით, რომ სიტყვა ბერი ქართული  
სიტყვა არის და ამ გვარის ქართველნი მრავლად სცხოვრო-  
ბენ, როგორც სხვა და სხვა სოფლებში, ისევე თფილისში.  
თფილისში ამ გვარის წევრნი გრიგორიანობასაც აღიარებენ,  
მათ შეძლება აქვთ, თუმცა სომხურს ენასხედ ერთი სიტყვაც  
არ იციან, მაგრამ სომხობენ.

დალაქიშვილი, გორის მაზრაში აქა იქ, ქართველებში  
მრავლად სცხოვრობენ დალაქიშვილები. კასპში და სხვაგა-  
ნაც სცხოვრობენ დალაქიშვილები, რომელნიც სჯულით გრი-  
გორიანებს ეკუთვნიან და ამიტომ თავიც სომხათ მიაჩნიათ,  
თუმცა სიტყვაც არ იციან სომხობისა.

გულაშვილი, ანუ ივანე გულაშვილი შემდეგ გადაკეთდა  
ივანგულათ, ივან გულოვათ. დღეს ივანგულოვები ძველად-  
განვე გადასულნი, გასომხებულნი.

მამულაშვილი, სიტყვა მამული ხომ იცით, რომ ქართუ-  
ლი სიტყვა არის, მამული, მამულაშვილი. მამულაშვილები  
სცხოვრებენ გურიას, იმერეთს, თფილისს და ქართლის სხვა  
და სხვა სოფლებში, მამულაშვილები ყველგან ქართველები  
არიან, ამათგან რამდენიმე სული ძველად გრიგორიანებს და-  
კავშირებიან და ამიტომ დღეს იგინი მამულოვათ იწოდებიან  
და სომხათ ირიცხებიან, სომხურად მამული გვარად არ შეი-  
ძლება, რადგანაც მამული ბეჭდვას ეწოდება.

დაჩიბაშვილი, ეს სიტყვა ქართულია, ძველად რამდენიმე  
ლარიბი ქართველი დაკავშირებია გრიგორიანებს, დღეს იგინი  
სომხათ ირიცხებიან და გვართაც კარიბოვათ იწოდებიან.

ლოლაძე. ყველამ ვიცით, რომ ლოლაძე ქართული გვარია, საქართველოში ყველგან ქართველები არიან და ზოგნი აზნაურისშვილნიც. ძველად რაღაც მანქანებით ერთი ოჯახი ლოლაძეებისა გრიგორიანობას დაკავშირებიან, დღეს მათი შთამომავალნი ვერაზედ სცხოვრებენ და სომხათ ირიცხებიან. ამათგანია თვით მეწიგნე იოსებ ლოლაძე, რომელიც სომხად ირიცხება და სომხობის კი არაფერი სცხიათ.

ამბარდანა. დღეს ამბარდანოვი, თფილისში გასომხებულნი არიან, კახეთში კი ქართველნი ძველადგანვე.

კახტაიევი. კახელნი, ქართველნი, შთამომავლობით. შემდეგ დროს თფილისში გადმოსულნი და სჯულის გამო გასომხებულნი.

მამაცაშვილები; სიტყვა მამაცი ვიცით რომ ქართული სიტყვა არის, ჩვენ ვიცით კარგად რომ მამაცაშვილი ქართული გვარია, ძველადგანვე ესენი აზნაურშვილებათ ირიცხებიან. მამაცაშვილები თითქმის XI საუკ. არიან ცნობილნი. დავით აღმაშენებლის ამღზდელად ესენი ირიცხებიან. ამ გვარიდამ XVII საკ. ორიოდ წევრნი გრიგორიანთ ეკკლესიის წესებს დაუკავშირდენ, დღეს იგინი სომხათ ირიცხებიან-

მაჩაბეჯი, ხომ ვიცით, რომ ძირეული ქართული გვარია და მასთან თავადისშვილებიც არიან. სცხოვრობენ ცხინვალისკენ. ამათგანნი ძველად შემთხვევით დაბადებულან უკანონოდ შობილნი, იგინი მოუნათლავედ სომხურად და დღეს შიტომ სომხათაც ირიცხებიან, ასეთ სომეხ მაჩაბელნი სცხოვრებენ გორსა და ხაშურს—ვაჭრობით.

სანდაძე, სანდაძეს ცოლად სომხის ქალი შეურთავს, პირობისამებრ, ერთი შვილი გრიგორიანის სჯულით მოუნათლავეთ. სანდაძე ჯავახეთს სცხოვრებს, შვილების ერთი ოჯახი გრიგორიანის სჯულისა არს, ამიტომ ამას თავი სომხათ მიიჩიია, სომხის ეკკლესიის მნათეთაც ითვლება ეს სანდაძე, ამას გვარი „მშაკში“ სანდოიანცად მოიხსენეს, ერთ დროს, ამის ცნობა ილ. ალხაზოვსაც აქვს თავის მშვენიერ წიგნს „ბუნება და ცხოვრებაში“.

ტურიაშვიდი, ტურა ხომ ვიცით რომ ქართული სიტყვა არის. ამ გვარის წევრნი ადრე დაუკავშირდენ გრიგორიანებს, დღეს ტურიანცად იწოდებიან.

თარხნიშვიდი, თარხნიშვილები არიან ქართველნი, თავადიშვილები. ამათგანნი ძველად გადასულნი გრიგორიანობაზედ დღეს სომხათ ირიცხებიან.

მხარეული, დღეს დროის წყალობით მხარეულოვანთ ვადაკეთებული, ძველადგანვე იყვნენ ქართველნი, ამათგანი სცხოვრებენ. სოფ. დილომს და ბევრს კიდევ სხვაგან, ზოგნი ამათგანი ძველად დაუკავშირდენ გრიგორიანობას და ამიტომ დღეს იგინიც ტომით სომხობენ.

სოსიაშვილები, სოსე, სოსია ქართული სახელია. სცხოვრებდენ ძველადგან ქართლს. XVIII საუკ. დაუკავშირდენ გრიგორიანობას, დღეს სოსიანცად იწოდებიან.

შაბურიაშვიდი, დღეს შაბუროვი, ვიცით კარგად რომ შაბუროვი, ძველადგანავე შაბურიშვილები ქართველ აზნაურის შვილებათ ირიცხებიან და სცხოვრებენ შეშაბუროს, დუშეთის ახლოს, ამათ ერთი ოჯახი შემთხვევით ძველად სომხობას დაახლოვებიან, მათი სჯული მიუღიან და ამიტომ დღეს მათი გვარის წევრნიც სომხათ ითვლებიან, თუმც მათ სომხობის არა სცხიათ-რა, ასეთ სომეხ შაბუროვები თფილისში სცხოვრებენ.

ჯანდაძე. თფილისელნი, ძველადგან დაკავშირდენ გრიგორიანობას, დღეს სჯულის გამო სომხობენ. ერთ ღარღაძეთგანი თერძი იყო. მოკვდა, დიდი ქონება აქვდა, ეჩმიაძინს შესწირა. იგი დაასაფლავეს კუკიის სომეხთ ეკლესიის წინ ქვაზედ ღარღანიანცი აწერია!

მუხაიძე. ვიცით რომ ესენი სცხოვრობენ იმერეთს, თვით ჩვენის მოღვაწე მწერლის აღ. ჩანეიშვილის მეუღლეც მუხაიძეა. რამდენიმე წევრნი თფილისს სცხოვრებენ, სჯული გრიგორიანის აქვსთ, ამიტომ ტომითაც ასომხებენ.

თუშიშვიდი. ვიცით ყველამ რომ თუშიც იგივე სახელია

რაც ქართველი და სხვანი. ადრე ერთი თუ ორი კომლი თუ-  
შების შემთხვევით სომხობაზედ გადასულან. ამათი წევრნი  
დღეს თფილისს სცხოვრობენ და თუშურიანცად იწოდებიან.  
თუშურიანცი მელვინეც არის.

**ლაზიშვილი:** ლაზი—თუ რას ნიშნავს ვგონებთ ამას ახსნა  
არ უნდა. ძველად ლაზელი ვინმე დაკავშირებია გრიგორიან-  
ობას, დღეს ესენი ლაზიანად იწოდებიან და სომეხ-კათოლი-  
კეთ ირიცხებიან.

**ობოლ-გოგიაშვილი,** ობოლ-გოგიაშვილი. სცხოვრობენ ჰალ-  
ვაბარს, ძველად დაკავშირებული გრიგორიანობასთან დღეს  
სომხად ირიცხებიან, გვარადაც ობოლ-გოგიაშვილი იწოდებიან.  
„იხ. მიმ. № 6562“ 1904 წ.

**ლამბარაშვილი.** დღეს ლამბაროვი. ჩვენში ლამბარაშვილი  
ლამბარებათ ძველადგანვია ცნობილი. თვით „კალმასობის“  
ერთ მომქმედ პირთაგანი ლამბარაშვილია, ადრე რამდენიმე  
კომლი გრიგორიანობას დაკავშირებიან, დღეს მის გამო სომ-  
ხობენ და ლამბაროვათ იწოდებიან.

**როსტომიშვილები,** მრავლად სცხოვრობენ საქართველო-  
ში, ყველგან ქართველნი არიან, ზოგნი ამათგან გრიგორიანო-  
ბას ადრე დაკავშირდენ, დღეს სომხად ირიცხებიან და როს-  
ტომოვათ იწოდებიან.

**ჯაშიტაშვილი,** ჯაშიტა, ჯაში მეტი იქნება ავხსნათ რომ  
ქართულია. ჯაშიტა რაჭაში მრავალია, ჯაში გურიაში არის,  
აქედამ არის გადაგვარებულ გადასომხებულ დღეინდელი  
თფილისის სომეხთ ჯაშიტოვები, „იხ. მიმ. № 6764“.

**ათაბეგოვი,** ამათი ძველი გვარი ჯაყელია. სულ ამ გვა-  
რიდამ არიან გასულნი და გათათრებულნი, გასომხებულნი და  
გაფრანგებულნი. სომეხნი დღეს ათაბეგოვებათ ირიცხებიან,  
ათაბეგოვები ყიზლარსაც სცხოვრობენ.

**ზურაბიშვილი,** გრიგორიანობასთან დაკავშირებულნი,  
დღეს ზურაბოვათ იწოდებიან და სომხობენ, სცხოვრობენ  
ჰალვაბარს. ზურაბი სომეხებში სულ არ იხსენება.

დიდ-ზურაბიშვილები, სჯულით გასომხებულნი დღეს-იწოდებიან დიდ-ზურაბოვათ.

ქონიაშვილები, თფილისელნი, გასომხებულნი. დღეს სალოვი.

მესამთავროშვილები, ძველადგანვე გასომხებულნი სჯულით, დღეს სომეხნი და წოდებულნი სვეჩნიკოვებათ.

მელაშვილები, ძველი ქართველ მოქალაქენი. გასომხებულნი ძველად სჯულით, დღეს ირიცხებიან სომხად და გვარად იწოდებიან თარგმნით ლისიციოვი.

ხუციშვილები. ყველამ ვიცით, რომ ხუცი ქართული სიტყვა არის, ხუციშვილები სცხოვრებენ საქართველოს ყველა კუთხის სოფლებში და ყველგან ირიცხებიან ქართველებათ. ძველად ამ გვარის რამდენიმე წევრნი ჯავახეთში გადასულიყვნენ კათოლიკობაზედ, რამდენიმენი გრიგორიანობაზედ, კათოლიკენი სცხოვრებენ ჯავახეთს სოფ. ხიზაბაგარს. ამ გვარიდამ კათოლიკეთ ასპარესზედ ბევრი შესამჩნევი მოძღვარ-მოღვაწენიც გამოსულან. მართლ-მადიდებელ ქართველნი სცხოვრებენ საქართველოს ყველა კუთხეებში და გრიგორიანები გორის ახალ ქალაქს. ამ გრიგორიან ხუციშვილთაგანი ერთი მღვდელიც არის, ადრე ამათზედ ლაპარაკი ჩამოვარდა ქართულ მწერლობაში და ითქვა რომ ხუციშვილი ქართველიაო. მღვდელმა პასუხი დაბეჭდა „მზაკში“ და იწყინა და იტყვიცა ქართველობა. ჩვენ ნამდვილი სომხის შთამომავალნი ვართ და სომხეთიდგან მოსულნი აქაო, ჩვენ ქართველებთან არას დროს არავითარნი ნათესაეობა არა გვქონიაო!

გომელაური. ყველამ ვიცით კარგად, რომ გომელაური ქართული გვარია. ამ გვარის წევრნი მრავლად სცხოვრებენ ქიზიყისაკენ. ერთი ოჯახი გომელაურების ძველად დაუკავშირდა გრიგორიანობას, ერთი ასეთ სომეხთაგანი სცხოვრებს სიღნაღს. ვაჭარი გომელაური.

სულხანიშვილები. ძველის ძველი გვარია ქართველთა, სცხოვრობენ მრავლად ქართლს, ზოგნი აზნაურიშვილებიც არიან.

და მასთანვე ძველადგანვე განთქმულნი, ზოგნი კახეთშიაც სცხოვრებენ. თფილისში მცხოვრებ სომეხ სულხანოვები გვარის წევრთაგან არიან გასულნი ძველადვე.

**ზაზიაშვილები.** თფილისელები, წაოსრები არიან, ზოგნი ქართველნი, ზოგნი სომხობაზედ გადასულნი.

**ჯომიძე.** ყველამ ვიცით რომ ქართული გვარია და საქართველოში ვინც კი სცხოვრებს ყველა ქართველია. **XVIII** საუკ. რამდენიმე წევრნი ამ გვარის მოსდოკისკენ იქმნენ წასულნი და იქ გრიგორიანობასთან დაკავშირებულნი, ერთ ამათგანი გენერალ ლომიძე, გაკვირვებულია თავის გვარის წევრთა გასომხებაზედ, გენერალმა იცოდა რომ იგინი მართოდ სჯულით იყვნენ გრიგორიანები, იგი მოსდოკელი იყო ამის წინაპარ ქართველთ იქ მიუღიათ სომხის სჯული. ლომიძეები საქართველოში ქართველნი არიან.

**ზანჩულიძე.** ძველი გვარია, ზოგი აზნაურთაგანნიც არიან. რამდენიმე წევრნი ამ გვარის ვახტანგს მეფეს გაჰყვნენ რუსეთს. ერთ ამ გვარის წარმომადგენი თავის დროს ერთს გუბერნიის ქალაქში გუბერნატორადაც იქმნა დადგენილ. ამათ შთამომავალთაგანი დღესაც სცხოვრებენ რუსეთში, ასევე იწოდებიან. ამ გვარის წევრთა ზოგნი **XVIII** საუკ. დამდეგს გრიგორიანობასთან იქმნენ დაკავშირებულნი და ამიტომ დღეს პანჩულიანათ იწოდებიან, — იანცი-ლა აკლია.

**ფრიდონიშვილი** — ფრიდონიძე — აფრიდონიძე. სცხოვრებენ საქართველოს ყველა კუთხეებში. ნამეტურ ფშავ-ხევსურეთში. თვით სიტყვა ფრიდონაც ქართულია, იგი გრიგორიანებში სულ არ იხმარება. **XVIII** საუკუნის დამდეგს, ფშაველ-ფრიდონიშვილებმა თფილისში იწყეს ვაჭრობისთვის გადმოსვლა და ყველ-ერობო და მატყლის ჩამოტანა. ამ საქონელს იგინი ჰყიდნენ თფილისის ისეთ ვაჭრებზედ, რომელთაც სჯული გრიგორიანის აქვდათ. ვაჭრობის მხრით ესენი ერთმანეთს დიდათ დამეგობრებიან. შემდეგ დროში, მეგობართ ვაჭართა ოსტატობით ფრიდონიშვილებს ყმაწვილები ჰყოლიათ მოსა-



ნათლი, ამ ყმაწვილების ნათლიათ ვაჭარ გრიგორიანები ყოფილან და ამიტომ ამათის დავალებით და პატრონების თანხმობით ყმაწვილები სომხის მღვდელს მოუნათლავს, მაშინ ამის თავისუფლება იყო. არავინ რას დაუშლიდა. ამ ფრიდონიშვილების შთამომავალნი არიან დღეინდელ მდიდარ ფრიდონოვები, რომელთაც ქართველობის აღარა სცხიათ-რა. ზოგნი ამათ იტყვიან, რომ ვითომც ესენი თავადის გელოვანის შთამომავალნი არიან, ესეც შეიძლება. იქმნება ეს მეორე შტო არის მდიდარი ფრიდონოვების.

მალხაზიშვილი. სიტყვა მალხაზი ხომ ვიცით რაც არის, დღეს გრიგორიანობის გამო მალხაზიშვილი შალხაზიანად იწოდება.

ელისბაროვი. სომხებში ელისბარი არც ყოფილა და არც უნდა იყოს. ელისბარი ქართული სახელია და ამ გვარის ხალხი მთლად ქარველნი იყვნენ, ეხლა კი მათშიაც გამოერივნენ გრიგორიანები და ესენიც ელისბაროვად იწოდებიან.

ვახტანგისშვილი. ძველადგანვე მთლად ქარველნი იყვნენ. ვახტანგისშვილები სცხოვრებენ მთელ საქართველოში. ამათგანი დაკავშირებია გრიგორიანობას და დღეს მის გამო სომხათ აღიარებენ თავს და ვახტანგოვად იწოდებიან.

ნადირაძე. ამათ გვარის ხალხით სავსეა საქართველო. ყველგან ქარველები არიან. ამათგან არიან გასულნი და გრიგორიანობასთან დაკავშირებულნი დღეინდელ ნადიროვები.

მენტეშაშვილები. მენტეშაშვილები სცხოვრებენ ქისიყის სოფ. ქვემო მაჩხანში 60 კომლი და ასევე მცირედ სხვაგანაც სახლობენ, ყველგან ქარველ სჯულისანი არიან. ყველა იგინი მენტეშაშვილებათ იწოდებიან, ზოგს ალაგას სიტყვის სიადვილის გამოთქმის გამო მანთაშაშვილებსაც უხმობენ. ძველადგანვე იგინი ქარველ იყვნენ და ქარველადვე იწოდებოდნენ. იგინი გამოჩენილ გვარის მეომარ და ოჯახისშვილებადაც ირიცხებოდნენ და მეფე თეიმურაზ და ერეკლესაგან სიგელ-გურჯებიც აქვსთ ბოძებული. XVIII საუკუნის ნახევარს,

ლეკიანობის შიშის გამო, რადგანაც ქიზიყს ხშირად ესხმებოდნენ თავს, რამდენიმე კომლი მენტეშაშვილებისა გადმოსახლებულ იქმნენ თფილის და აქედამ ზოგნი წაეკის, ბორბალოს, ვაშლოვანს დასახლდნენ, ეყმნენ იქაურ მებატონეთა და გრიგორიანის სარწმუნოებასაც დაუკავშირდნენ. ასევე მოხდა თფილისში, ამიტომ მენტეშაშვილებს მოქალაქე სომეხთაგან მანთაშაშვილი ეწოდათ. დღეინდელი მდიდარი მანთაშოვი და სხვანრ ვინც კი სცხოვრებენ აქა-იქ თფილისის ახლო-მახლო სოფლებში, ყველა იგინი ზემოხსენებულ მანთაშოვების შთამომავალნი არიან. მანთაშაშვილებს XVIII საუკ. მეფის თეიმურაზის II-ისაგან ეძლევათ აზატობის და თარხნობის წერილები. დაბეჭდილია 1899 წ. „ივერია“-ში მოკლედ უნდა ითქვას, რომ თბილისელ სომეხს მანთაშოვები XVIII საუკ. ნახევარს ქიზიყიდან არიან თფილის გადმოსახლებულნი.

**წამალაშვილი.** წამალი ხომ ქართული სიტყვა არის, გვარიც ქართულია, მაგრამ დღეს გრიგორიანთა სარწმუნოების გამო წამალაშვილი წამალიანცათ იწერება.

**შავარდენაძე.** ძველი ქართული გვარი, საქართველოში მრავლად სცხოვრებენ. ბორჩალოს მაზრაში, შავარდენაძეების რამდენიმე კომლი დაუკავშირდა გრიგორიანობას და ამიტომ დღეს იგინი შავერდოვად იწოდებიან. ქართველ შავერდაშვილები კუკიაში სცხოვრობენ.

**კახტაშვილი.** ქართული გვარი, ქართული სიტყვაა. ამ გვარიდან გრიგორიანობას დაკავშირებულნი დღეს კახტიევათ იწოდებიან.

**აისამანოვი.** თვითიასამანოვი არის მთხრობელი ამის, რომ ძველად ჩვენ ქართველნი ვიყავით და შემდგომ გადავსულვართ ამ სჯულსა და სომხობაზეო.

**აღნაშვილი** სცხოვრებენ კახეთის და თფილისს, XVIII საუკ. გასომხდნენ. დღეს აღნიანი, კელნიანი და სხვანი.

**ბუხარაშვილები.** ნაოსრები სცხოვრებენ მუხრანს.

**ალავერდაშილი,** ალავერდოვი, მთაწმინდელი, მამაპაპიო

ქართულის ენით მოლაპარაკე, დღეს ალავერდოვი და გაგვარებული, ერთ ამ გვარის წევრთაგანი ქართულად მწერლობს კიდევ; ფსევდონიმი აქვს ჩარხიშვილი. ამ პირმა ქართულს ენაზედ დასტამბა ერთი მოთხრობა „უძლური ვარინკა“ რომელიც თვ. ცალკე წიგნათ გამოიცა 1903 წ. ამ რომანის წინასიტყვაობაში სხვათა შორის იგი სწერს შემდეგ საყურადღებო ცნობას, რომელიც უმნიშვნელო არ იქნება რომ მოვიყვანოთ აქ: „მე ვსწავლობდი თფილისის სასკოლსნო სკოლაში. მე, სომეხი ვარ, მაგრამ სომხური არ ვიცოდი, საქართველოს სომხები მარტად სჯულით ვართ სომხები, თორემ ერთნობით ქართველები ვართ, როგორც ფრანგები და თათრებიც, სომხების განყოფილებაში ქართული ენა აკრძალული აქვს, იქ არავის ასწავლიან ამ ენას, არც მე მასწავლიდენ, ქართული წერა მე ჩემის შრომით და მალვით შევისწავლე. ამიტომ ამხანაგები მე „ვრაცას“ შეძახდნენ. ე. ი. ქართველს. როცა ეს ამბავი სომხური ენის მასწავლებელმა და მღვდელმა შეიტყეს, მათ ამის გამო სასტიკათ გააკიცხეს. ქართულ ენას ნუ სწავლობო, ასეთის ვაი ვაკლანით შევისწავლე ჩემი დვიძლი ენა—ქართული“ ამის შემდეგ აქ აღარას ვიტყვი. მკითხველისთვის მიგვიჩვენია ბოროტად ქართული ენის დევნის ვითარება, მაღლობა ღმერთს, რომ ეს სიტყვები ეკუთვნის ქართველ გრიგორიანს, ან როგორც მათ სურს ისე ვსთქათ—სომეხს.

ნამურაძე, ქართველნი, სცხოვრებენ მთელს საქართველოს კუთხეებში და ზოგნი აზნაურისშვილებიც არიან. არავითარი ნიშანწყალი ამ გვარის კაცთ სომხის არა აქვს რა, ხოლო ერთი ამ გვარის წევრის ოჯახთაგანი XVIII საუკუნის ნახევარს თფილისში რაღაც შემთხვევით დაკავშირებიან გრიგორიანებს და იმიტომ დღეს მათი შთამომავალნი ნამურაძეს მაგიერ ნამურაზოვთ იწოდებიან. დღეს ესენი სომხობენ და სომხური ენაც ისე აქვს შესწავლილი, რომ ერთი მათგანი, ქალი, დღეს საუკეთესოდ ამშვენებს თფილისის სომხურ თიატრის სცენას. თვით ამათაც კი კარგად იციან გარდმოცე-

მათ, რომ წინეთ ქართველები იყვნენ, მათი გვარი ნამურაძე იყო, მაგრამ დღეს ნამურაზოვები არიან და ამიტომ თავიც ჰაებათ მიაჩნიათ. უცხო საკვირველება არ უნდა იყოს ეს ჩვენთვის, რადგანაც გვაროვნობიდან ადვილად გადასხლექა ქართველთ ხელობად გადიქცა ამ ბოლოს დროს.

**ქოჩიაშვილი**, ქოჩორი ხომ მოგეხსენებათ, რომ ქართული სიყვა არის. მაგრამ დღეს ქოჩორიანცად იწოდება ქოჩორაშვილი, რადგანაც ადრე ამათი წინაპარნი გრიგორიანობას დაკავშირებიან.

**მამაჯანიშვილი**, ძირეულ ქართველნი, შემდეგ გრიგორიანობას დაკავშირებულნი დღეს მამაჯანიანცად წოდებულნი, თვით ჩემი მეზობლებიც არიან.

**მამინაშვილი**, გურიაში საესეა ამ გვარის ხალხით, იქ მამინაშვილად იწოდებიან. ამათგანი ძველად გრიგორიანობას დაუკავშირებიად და დღეს მიტომ მამინოვათ იწოდება.

**შანსეშვილი**, შანშე ძირეული ძველი ქართველი გვარია, ქართველობიდან გასულნი დღეს შანშიევათ იწოდებიან: ამ გვარსვე დაუკავშირდენ. ძველად გამყრელიძენი — XVIII საუკ.

**მირზაშვილები**, სოფელი მირზაანი ქიზიყშია. თათრულად მირზა ბატონიშვილს ეწოდება. მირზაშვილები სულ აქაურები არიან და აქედგანვე გაფანტულნი საქართველოს კუთხეებში. ზოგი ქართლს სცხოვრებს, ზოგი კახეთს. თფილისს და სიღნაღსაც. ამათგან რამდენიმენი ძველად გრიგორიანებს დაკავშირებიან და ამიტომ დღეს თფილისის მირზაშვილები სომხებად ირიცხებიან — მირზოევებათ.

**თავ-ქალაქილები**, სიტყვა ქართულია, დღეს ესენი გრიგორიანობის გამო თავქალიანცად იწოდებიან.

**პურადაშვილები**, მესხები, ზოგნი კათოლიკობეს დაუკავშირდენ, ზოგნი გრიგორიანობას, დღეს პურადოვი.

**თუშანიშვილები**, თათრულად ეს სიტყვა შარჯღის შემკერავს ნიშნავს. ზოგნი სომხები არია, ზოგნი ქართველნი, ზოგნი კათოლიკენი სარწმუნოებით, ყველა ესენი ტომით ქართველ-

ნი არიან, ხოლო სარწმუნოებით სხვა-და-სხვა, ამიტომ გრიგორიანები გვაროვნობითაც სომხობენ, თუმც მათ სომხობის არა იციან რა. სომხეთში კი სომხებიც არიანო თუმანიანები.

ჯავახიშვილი, რაც არის ჯავახი ვგონებ ყველა ქართველმა უნდა იცოდეს, ჯავახიშვილები თავადებიც არიან ქართლში. ჯავახიშვილები საქართველოში ყველგან სცხოვრებენ, ძველად ყველა ქართველები იყვნენ. ოსმალთა დევნილების დროს ჯაკახეთიდან გამოსულნი და მოფენილნი, ძველად ჯავახეთში სომეხთ რიცხვი ქაქანებათაც არ ყოფილა. ზოგნი ამათგანი დაუკავშირდნენ გრიგორიანებს და ამიტომ დღეს გვაროვნობითაც სომხობენ, ასეთ გადაგვარებულნი სცხოვრებენ თფილისს.

მირიანაშვილები, მირიანი ქართული სახელია. ქართლის შორის ამ სახელის მეფენიც იყვნენ ხშირად, დიდათ გამრავლებული გვარია. უმეტესად ესენი ქართველნი უნდა იყვნენ, ანაგელნი და ძველადგანვე აქედამ გასულნი და მოფენილნი მთელს საქართველოში. ზოგნი ამათგანი გრიგორიანობას დაკავშირებიათ და ამიტომ იგინი დღეს სომხათ სთვლიან თავიანთ ვინაობას, მირიანაშვილები ქართლიდამ ძველად იმერეთსაც გადასახლდნენ ვაჭრობის მხრით. დღეს იქ მირიანაშვილები არიან ძველად გასულნი ქართველობიდან.

ნარიმანაშვილი, დღეს ნარიმანოვები თფილისში ძველადვე გასულნი ქართველობიდან და გასომხებულნი გვაროვნობიდაც. ამ გვარის წევრთა ბინა ივრის ხეობაზეა, სოფ. პატარძელს და სადაც დღესაც ცხოვრობენ ქართველნი ნარიმანაშვილები.

წეჩეთელი. რაც არის ეს გვარი და რაც და ვინც უნდა იყოს ამ გვარის წევრთა ვინაობა, ეს მე მგონია ყველას უნდა ეცოდინოს, მაგრამ ერთ ამ გვარის წევრთაგანი ძველად გრიგორიანობას დაკავშირებია და ამიტომ იგი დღეს თავის გვარტომობას სომხათ სთვლის. სცხოვრებს თბილისს.

მარტიაშვილები. სიტყვა მარტივი ქართულია. ქართველებიც არიან, მაგრამ ზოგნი სომხებიც არიან, ვინაიდან ზოგნი ამათგანი ძველადვე დაკავშირებულან გრიგორიანობას.

ფანიაშვილი. ძველი ქართველი აზნაურიშვილების გვარია. სცხოვრებენ ქართლს, ყველა ესენი ქართველნი არიან. ერთი ამათგანი ძველად სპარსეთში წასულა, იქ გრიგორიანობას დაუკავშირებია, ამიტომ დღეს მათი შთამომავალი თფილისში გვაროვნობით სომხად იწოდება, თუმცა აზნაურისშვილიც არის და ღვიძლი მონათესავე რუისელ ქართველთ. ფანიაშვილების—დღეს ფანიანიცი.

ძიძიკაძე. ოსური გვარია. ქართლის გაქართველებულ ჯაგის ხეობის ოსებთაგანის რავდენიმე პირნი XVIII საუკ. გრიგორიანობას დაუკავშირდნენ და ამიტომ დღეს ივინი გრიგორიანებად სთვლიან თავს.

ხიდირბეგიშვილი. თავადიშვილთა გვარია. სულ ქართველნი არიან, ერთი ამათგანი ძველად გრიგორიანობას დაუკავშირდა, სახელად მას ასატურა უწოდეს, შემდეგ ამ პირთ გვარადათ ასატუროვი დაერქვა ხიდირბეგიშვილის მაგიერ.

ხახანაშვილი, ძველად ესენი ქართველ ისრაელნი იყვნენ და სცხოვრობდნენ ცხინვალს და მის თემისკენ. ამათგანი ძველად ქართველობას დაუკავშირდნენ, დღეს ხახანაშვილები გორში სცხოვრებენ. ამათგან ერთი ოჯახი ძველად დაუკავშირდა გრიგორიანობას და ამიტომ დღეს ესენი სომხად იწოდებიან, ზოგნი ქართველად, ამათგანია პროფესორი ალექსანდრე ხახანაშვილი.

ზაღიაშვილები, ქართველები არიან, სომეხნი ქართველობიდან გასულები ძველად, ზაალი სპარსებსაც ეწოდებოდათ ძველად, ეს სახელი სომხებში არას დროს არ ყოფილა.

ხიზანაძე, სიტყვა ხიზანი ვგონებთ ყველამ ვიცით თუ რაც არის. ხიზანი სიტყვა შეხიზნიდამ არის წარმომდგარი. ყველანი ქართველები იყვნენ, ზოგი ხიზანთაგანი XVIII საუკ. ფულით დაუკავშირდნენ გრიგორიანობას და ამიტომ დღეს ივინიც ვინაობას სომხად სთვლიან. ქართველის ხიზანაშვილების მთელი სოფელია ქართლში.

მეღვინაძე, მეღვინეშვილი. ძველად სულ ქართველები

იყვნენ, ზოგნი ამათგანი XVIII საუკ. გრიგორიანობას დაუკავშირდნენ, ამიტომ დღეს თავიანთ ვინაობასაც სომხად სთვლიან. მეღვინოვი სომეხი არ შეიძლება. სომხურად მკვირვანად უნდა იყოს, ეს გვარი კი მათ არა აქვსთ. ვერც გამოითქმება ადვილად.

ბაინდურაშვილები, ცხინვალელები. ქართველი გვარისანი, გრიგორიანობას ესენი აღრიდგანვე დაუკავშირეს, ამიტომ დღეს თფილისის გრიგორიანები ბაინდუროვად იწოდებიან.

ჩხეიძე, იმერთ ძველი თავად-აზნაურთა გვარია. ამათგანი XVIII საუკ. ნახევარს, კათოლიკობას დაუკავშირდნენ, დღეს იგინი მოსდოკს სომეხ კათოლიკეთთ ირიცხებიან.

დადიანი, ყველამ ვიცით, რომ ეს გვარი ქართულია — მეგრული. ძველთაგან ზოგ ამათ ნაბიჭვრებთაგანი სტამბოლს იქმნენ დაყიდულნი. ერთი ამათგანი დაუკავშირდა გრიგორიანობას, ამიტომ იგინი XVIII საუკ. გვაროვნობითაც გადასხვაფერდენ, გასომხდენ. ვის არ გაახსენდება სტამბოლში დადიან ფაშა სულთან აზიზისა, სომეხი, გამოჩენილი, კარგი ფაშა, სომეხთა საქმეების გულ შემატკივარი, ამას გარდა სხვაც ბევრი არის ასეთი გვარებისა.

დოდაშვიდი, ერეკლე მეფეს ხაბაზნი, შთამომავლობით ქართველნი, მაგრამ დაკავშირებულნი გრიგორიანობაზედ ძველადგანვე, მერე სომხურად ხმობილნი.

კოშკაშვილები, მცხოვრებნი სოფ. ნავთლოხის ყველა ქართველნი იყვნენ, ზოგნი ამათგანი დაუკავშირდნენ გრიგორიანობას და ამიტომ დღეს თავიანთი ვინაობაც სომხად მიაჩნიათ. ქართულ ენასაც კი აღარ ხმარობენ ამათი ქალები და ვაჟები ამბობენ, რომ „სომეხები ვართ ჩვენა“ —

გოზალოვი, ამათი ძველი გვარი კოჭიაშვილია. მთლად შესხები იყვნენ, ქართველთ გაჭირების დროს ზოგი კათოლიკობას დაუკავშირდა, ზოგი გრიგორიანობას, ამიტომ დღეს მათ ვინაობა სომხად მიაჩნიათ და იწოდებიან გოზალოვით. გოზალოვები დღეს არიან კათოლიკის სჯულის, გრიგორიანის

და ბერძნისაც, გათათრებულნიც არიან და სცხოვრებენ მესხეთს.

სათარაშვილები, ხომ მოგეხსენებათ სათარის ტაძარი, სათარელნი, გაბრიელ სათარელი და სხვანი. აქარაში სათარაშვილების არი სოფელია, სხვაგანაც სცხოვრებენ. სამცხე-საათაბაგოს აოხრების დროს, ზოგი სათარაშვილები კათოლიკობას დაუკავშირდნენ, ზოგნი გრიგორიანობას, ზოგნი ისლამს. გრიგორიანთ რიცხვი ჩვენში დიდია, მათ თავიანთ ვინაობისა აღარაფერი აღსოვთ, სომხობენ.

ხიმშიაშვილები, ყველამ ვიცით, რომ ეს გვარი ქართულია, იგი არს თავადისშვილების გვარი. სცხოვრებდნენ ძველად ქვედა აქარას. XVIII საუკ. დამდეგს ზოგნი ამათგანი ისლამს დაუკავშირდნენ, ამათგანი იყო აბდულ ბეგი ხიმშიაშვილი, სელიმ ფაშა, ამისი შვილი ახმედ ფაშა და შერიფ ბეგი ხიმშიაშვილი, გათათრების გამო ზოგნი ამათ წევრთაგანნი ქართლსა და კახეთში გადმოსახლდნენ. ერთ ამათგან სიმონი რქქევია, დღევანდელი სიმონიშვილები ამათგანი არიან. თელავის სიმონიშვილები სიმონოვად წოდებული და XVIII საუკ. დაკავშირებულნი გრიგორიანობაზედ.

წმინდაშვილები, ქართველობიდან გასულნი სცხოვრებენ დღუშეთს. ამბობენ რომ ზოგი ამათგანი ბარათაშვილებათ იწოდებიან. ამათი გასვლა ქართველობიდან XVIII საუკ. დამდეგს უნდა მიეწეროს.

დონდაროვები, ძველადგან სამეგრელოდამ თფილისში მოსულნი, ბატონის შიშით მალვით მცხოვრებნი, თფილისში სომხის სჯულს დაუკავშირდნენ, შემდეგ დროს გამრავლდნენ. ამათი ძველი გვარი დონდუა არის, თფილისში დონდაროვად გადაუკეთებიათ. დღევანდელი სომეხ დონდაროვები მეგრელთა დონდუების შთამომავალნი არიან.

გიორგაკე, ქართველი შთამომავალნი. დღეს გრიგორიანცი. გასომხებულნი. სცხოვრობენ 3-მე თუმანოვის ქუჩაზედ. თვითონაც ლაპარაკობენ ამას, რომ წინეთ ჩვენ ქართველები



ვიყავითო. 75 მან. დავხარჯე, რომ გვარი გადავაკეთებინე კონსისტორიაში-გრიგორიანცათო.

ქიტიაშვილი, ყველამ ვიცით, რომ ქართველები არიან. ზოგნი ქიზიყს სცხოვრობენ, ზოგნი სურამს. სოფ. ღ სხვაგან, ზოგონი ამათგან გრიგორიანობას დაკავშირებულან, ამიტომ ესენი დღეს ვინაობას სომხად სთვლიან, ესენი ალში სცხოვრობენ.

ხარაზიშვილები, ქიზიყში მთელი სოფელი სცხოვრობს ხარაზიშვილების. იმერეთში და ქართლშიც სცხოვრობენ. სოფ. ლიჩიდამ ერთ ხარაზიშვილებთაგანი გადმოუყვანიათ სურამს, იქ ეს უყიდია ერთ სურამელს სომეხს, იმას იგი თავის შჯულზედ მოუნათლავს, XVIII საუკ. ამიტომ მის მომდევარნი სომხად იწოდებიან.

მეღარეშვილები, ქართველები XVIII საუკ. გადასულნი ქართველობიდან სომხობაზედ.

ჩარექაშვილები, ძველად მესხეთს სცხოვრობდნენ, ქართველთ გაქირების დროს აქეთ-იქით გადასახლდნენ. ამათგანი ზოგნი კათოლიკობას დაუკავშირდნენ, ზოგნი გრიგორიანობას, გრიგორიანები ვინაობით სომხობენ. კათოლიკ ჩარექაშვილები აზნაურიშვილებიც არიან, სე ხოვრობენ ქუთაისს და ვინაობც კარგად იციან.

შეტევეშვილი, მეტივე ბორჯომი. მხრის ქობისხეველნი არიან, აქ მათში სომხის ხსენებაც არ ყოფილა არას დროს. ერთი ამათგანი დაკავშირებია გრიგორიანობას და ამიტომ იგი ვინაობითაც სომხათ ითვლება—დღეს შეტევენცად.

ხახუტაშვილები, ძველი ქართული გვარია. მთლად ქართველები არიან, ზოგნი ამათგანი XVIII საუკ. თფილისში გრიგორიანობას დაკავშირებიან და ამიტომ იგინი დღეს სომხათ ირიცხავენ ვინაობას, სცხოვრობენ ავლაბარში.

მანგუჯაშვილები, არიან ქართველები, სცხოვრობენ მრავლად პატარა თონეთს. წინეთ კი რაჭაში, სოფ. წესს. ძველად გადმოსახლდნენ თფილისს, ახალციხეს, კოთელიას, აქეთ ზოგნი

გაფრანგებულან, ზოგნიც გასომხებულან სჯულით. დღეინდელი მანველოვები სცხოვრობენ სურამს, ახალ-სოფელს, თფილისს, ავლაბარს, ნახალოვკას და სხვაგან ამათი შთამომავალნი არიან, ხოლო ქართველობიდან გასულნი. ქართველნი ყველგან მანველიძეთ იწოდებიან, გასულნი კი მანველოვებათ—მანველიანცათ.

აფხაზიშვილები, სცხოვრობენ სოფ. ლილოს. ძველად ეს აფხაზიშვილები ქართველობიდან სომხის სჯულზედ გადასულან, მერე სომხობიდან ქართულზედ გადასულან, შემდეგ ამის ისევ სომხობაზედ გადასულან და დღეს იგინი ირიცხებიან გვაროვნობით სომეხნი, თუმც მათ მამა-პაპათ ამ გვაროვნების არა ჰქონიათ რა.

ჩუბლაჩია, მეგრელი. სამეგრელოდამ გლეხნი გაიქცნენ ბატონის შიშით ერევნისაკენ, იქ შეუერთდნენ სომხის სჯულს. შემდეგ გამრავლდნენ. XIX საუკუნის დამდეგს რუსეთის მფართველობის წყალობით აცვავდნენ. დღეს სომეხთ ხუბლაროვები მეგრელ ხუბლარიების შთამომავალნი არიან.

ჭიჭაშვილი, თფილისში ძველი მდიდარი სომეხთა გვარი. იმერ ქიპაშვილებთაგან შთამომავალნი XVII საუკ. იმერეთიდან გადმოსულნი თფილისს და სომხის სჯულზედ გადასულნი. აქამდის ამით შთამომავალნი ქიპაშვილებად იწოდებოდნენ თფილისში, დღეს კი ქიპიანცად იწოდებიან.

ღვთისიეგ, იმერელთაგანი. თვით ეს გვარი იმცნევა, თუ ვინ უნდა იყოს იგი.

აქ, ამაზედ მეტს გვარების დასახელებას არ ვსაჭიროებთ. ესეც საკმარისია ჩვენის მოსაზრების დასასაბუთებლად, თუ რამოდელი რიცხვი უნდა იყოს ქართველ გვარის ხალხის სომხის გვაროვნობის ქვეშ შესული და დაჩრდილული. თუ საჭირო იქნება, მაშინ არამც თუ მარტოდ ამ გვარებით დაბოლოვდება ქართველთ საქმე, არამედ მთელის ქართლის მცხოვრებ ქართველთ გრიგორიანთა გვარებსაც დავასახელებთ. ვგონებთ რამდენიმე ათასი გამოჩნდეს.

ამ გარემოებას სომხის სასულიერო წოდებამ ყურადღება მიაქცია და ამ 40 წლის წინეთ, ქართველ გრიგორიანებს ნამდვილ ქართული გვარების სომხად გადაკეთება უწყეს და ყველას გვარი—ტერით და იანციით გადაასხვაფერეს. 40 წლის წინეთ კი არა და ბ-ნ ილ. ხლხაზიშვილის სიტყვით, 15 წლის წინეთ, ერთი ქართველი ჯავახი—სანდაძე გრიგორიანობას დაკავშირებია. ეს სანდაძე ჯავახელია და მასთან შეძლებული პირიც. ამ პირს ჯავახეთში ეკლესიის მნათეობა მიანიჭეს, ეს ამბავი „მშაკ-“ში იყო გამოცხადებული, რომ სანდაძე მნათედ ამოაჩივსო, იქვე ფრჩხილებში სანდაძე—სანდაძე იყო დაბეჭდილი. ამის მაგალითებიც ათასობით შეგვიძლიან დავასახელოდ. ქართველ გრიგორიანებსაც არწმუნებენ, რომ ვითომც მართლაცა და ისინიც შთამომავლობით სომეხნი არიან და მათი გვარებიც ასე უნდა იქმნეს გადაკეთებული.

ჩვენის ცნობებიდან ცხადად სჩანს, რომ გრიგორიანობასთან ქართველ გვარის ხალხი მრავლად უნდა იყო დაკავშირებული. ჩვენც ეს გვინდოდა რომ გვეთქვა, რომ ქართველობის უმრავლესობა არის გრიგორიანობასთან დაკავშირებული. გვითქვამს ეს, ვამბოათ და მომავალშიაც ვიტყვი ამას. ჩვენ გრიგორიანთ ეკლესიის საწინააღმდეგო არა გვაქვს რა. ეს სჯული შეიძლება ოდესმე შეთელმა ქართველობამაც მიიღოს, მაგრამ ვიტყვით იმასაც, რომ იგინი ამით გვარითაც კი არ გადასხვაფერდებიან, არამედ თავისით უნდა დარჩენ, რომელი ეკლესიის წესებიც ამას არ ითმენს და სჯულის მიღებასთანავე გვარს სჭამს, ის ჩვენ საცდურ სჯულად მიგვაჩნია და გვარი ჭამიათ. ასეთ სჯულათ ჩვენ ვთვლით ისლამს. ვინც ისლამს მიიღებს იმ დღიდან უნდა იძახოს, რომ მე თათარი ვარო. ასეა მაგალითებრ იმ ქართველთ, სომეხთ, ბერძენთ, ბოლოგარელთა, სერბთა და სხვათაც, რომელთაც ისლამი მიუღიათ. ყველა ესენი დღეს ამბობენ, რომ თათარი ვართო. ისლამი გამოდის გვარი ჭამიად. ეს არავის მოსაწონია და მით უფრომ ჩვენი, ქრისტიანების, რომელნიც ჭეშმარიტ პროგრესიულს გზას ვადგევართ. ჩვენ ნება არა გვაქვს, რომ

ქრისტიანობის საშუალებით ან ერთი გვარი შევქამოთ და ან მეორე. ერთმანერთის შექმა არავის მოსაწონია და მით უფრო ჩვენი. ეს წერილი მე დავსწერე ჩვენის ისტორიულის შეცდომების ასაცდენათ, ზოგი რამ გვაროვნობის ცნობების გასარკვევად და არა რამე განსაკუთრებულის პირობებით, რომ ან ერთი დავამციროდ და შევქამოთ და ან მეორე ავამაღლოდ და დავაწინაუროდ. არა, ამისაგან ჩვენ შორს განლაგართ და ამიტომ ზოგიერთნი რამე მლიქვნელობას ნუ დაგვწამებენ.

ის კი ვიცი, რომ გამოჩნდებიან ჩვენთ შორის ისეთი პირნიც, რომელნიც ამაზედ ცილს დაძვამებენ, ბრალს დამდებენ მტრობის და განხეთქილების დასათესად, მაგრამ ამაოდ, აქ ჩემს წერილში სამტრო არაფერია. თუ აქ სადმე სომხის გვარის საწინააღმდეგოდ რამე იყოს ნათქვამი, მაშინ მე ამ მარჯვენა კლავს მოვიჭრი, მაგრამ რა გაეწყობა, ჩვენშიაც არიან ისეთი პირნი და სომხებშიაც მრავალნი რომელნიც ქეშპარიტებას უკულმართად ემსახურებიან. იგინი ბრძანებენ, რომ ვითომც ჩვენ ვავრცელებთ ქართველთა და სომეხთ შორის გვაროვნულს მტრობას, ის კი არა თვით ეს გამირები, თვით ეს ვაუბატონები ავრცელებენ ყოველ ნაირ მტრობას და ზიზღს.

ყველამ კარგად ვიცი, რომ ჩვენმა ცნობილმა მოღვაწემგოსანმა აკაკიმ ზოგი ერთ სომეხთ შესახებ წერილები სწერა, ნამეტურ იმ პირთა საწინააღმდეგოდ, რომელთაც ქართველების წინაშე რამე ბოროტება მიუძღოდათ. ჩვენ კარგად ვიცი, რომ ასეთი პირები თფილისის სომხებში მრავლად სცხოვრებენ და იგინი ქართველებს ყველგან სისტემატიურად სდევნიან. ამას არც ეჭვი უნდა და არც ლაპარაკი. ვგონებთ ასეთ პირთა მხილება ჩვენგან არ იქმნება უკანონო და მით უფრო ისეთის მწერლისაგან როგორც აკაკი გახლავსთ. გარეშე ასეთის პირების აკაკის ერთი სიტყვაც არა აქვს ნათქვამი სადმე ცუდი. ერთი სიტყვითაც არ ახსენებს სადმე ზიზღით მთელს სომხობას, სომხის გვარს, ენას, მწერლობას, ისტორიას, წარსულს და სხვანი. იგი თუ ეხება ვისმეს მხო-

ლოდ კერძოებითი პირებს და მათ დანათეს მტრობისას, სხვა არაფერს, მეტს არაფერს, ნაცვლად მტრობის იგი ყოველთვის და ყველგან ქართველთა და სომეხთა ერთობას, ძმობას და სიყვარულს ჰქადაგებს. ამას ექვი არ უნდა, რადგანაც ეს მის ნაწერებში გაპნეულია.

სომხის უმრავლესობამ ზოგიერთა პირთა მეოხებით აკაკი სომხის გვარის მტრად აღიარეს, ასევე სწერს კიდევ სომხურს ჟურნალ-გაზეთებში, რომ აკაკი სომხის გვარის მტერიაო. ეს სულ ტყუილები გახლავსთ, ჭორები, ეს მოგონებული გახლავსთ იმ მაგნე კერძო პირებისაგან, რომელთაც აკაკი ეხებოდა ხოლმე, ამათ თავიანთ კერძო საზიზღრობა და გმობა მტრობათ მთელს სომხობაზედ აქვსთ გადატანილი და ხალხშიაც ისე გავრცელებული. ასეთ პირთაგან თვით მეც შევსწრებივარ ხშირად აკაკის უჯეროდ კიცხვას და მტრობის დაწამებას. შევბძივართ, ბაასი ამტყდარა და ვერც ერთს მათგანს ვერ უჩვენებია ის წყაროები და მასალები, თუ აკაკი სად ჰკიცხავს მთელს სომხობას და სომხის გვარს. ასეთი ცილის წამება ბატონებო დიდი სირცხვილი უნდა იყოს და საგმობიც, უნდა ითქვას, რომ საგვაროვნო ბოროტებას და მტრობას აკაკი კი არ ავრცელებს, არამედ ესეთი პირები, რომელნიც აკაკს მოუფიქრებელ ბრალს სდებენ, ცილს სწამებენ, და მით სომხობაშიაც მტრობას და ზიზღს სთესვენ. თორემ ვერც ერთი მათგანი ვერ დაასახელებს თუნდ ერთს ნაწერს აკაკისას, რომ იგი მთელს სომხობასაც და სომხის გვარს აძაგებდეს, ეს ბატონებო დიდი ცოდვა არის და არც საკადრისი განათლებული სომხის საზოგადოების ზოგი ერთ წევრთათვის, რომ აკაკის კიცხვას ზოგი ერთს უღირს სომეხთა წინააღმდეგ მიმართულს საზოგადო ხასიათს აძლევენ და დამწერს სწამებენ ისეთ ცილს, რომელიც აკაკის თავის დღეში გულშიაც არ გავლებია. ნაცვლად ამის, აკაკის კალამი ყოველთვის მომხრეა უძღურთა მფარველობის სხივებით, კეთილშობილურის კაცთ მოყვარეობით, სათნოებით, თანასწორობით და უმაღლესის ნათელის დედა-აზრებით და ნუ თუ შესაწყნარისია ზოგი ერთაგან ასეთი მიუტყვებელი ბრალის დადება? ჭეშმარიტად რომ არა.

სწორედ ეს ვაუბატონები სთესვენ მტრობას, სწორედ ესენი ემსახურებიან ბოროტებას და არა აკაკი. თუ ეს ასე არ არის, მაშინ ამ პირებმა სთარგმნონ ყველა ის აკაკის ნაწერები სომხურს ენაზედ, სადაც სომეხთ მტრობა საზოგადოთ არის განმარტული და იგი წააკითხონ ხალხს, რათა თვით სომხის საზოგადოებას ექმნეს თვალთ წინ აკაკის გესლიანი ბოროტი კალამი. რასაც იგინი სწამებენ, თორემ სომხების უმრავლესობა ქართულს არაფერს კითხულობენ, იგინი ერწმუნებიან თავიანთ ზოგი ერთ თანამემამულეთა და მათის წყალობით ყოველი ქორი, ცილი და ბოროტებაც უტყუვრათა სწამთ აკაკის ნაწერების და მტრობის შესახებ. ეს ბატონებო არ არის კარგი და არც საკადრისი. სირცხვილია, სირცხვილი, რომ ზოგი ერთ სომეხთა საშუალებით ასეთი ცრუ ხმები იფინება სომხობაში არამც თუ სიტყვით, არამედ კალძითაც კი.

განა სომხებთ კი იშვიათად ჰკიცხავენ ზოგი ერთ ქართველთ ცნობილ პირებს, განა მათ კი ცოტა ჯერ ულანძღავთ ქართველთ ვერაგობა, უმხელიათ მათი უსამართლობა, რა უყოთ, ჩვენ ერთი რომელიმე კერძო ქართველის გაკიცხვის გამო მათთვის მთელი ქართველობის გმობა და ბრალი როდი დაგვიდვია, არამედ ერთი პირის, ერთის უგვანობის. ამიტომ სომხობაც მოვალეა და ნამეტურ ის პირნიც, რომელნიც თვალთ ყურს ადევნებენ ქართულ მწერლობას, რომ იგინი ჭეშმარიტს გზაზედ იდგნენ და აკაკის კერძოებითი მიძღვნარლ გმობას საზოგადო ხასიათს ნუ აძლევენ, უგვან და უღირს სომხის ხსენებას მთელი სომხის გვარის საქმეებს ნუ უკავშირებენ, ერთი მეორეზედ ნუ გადააქვსთ. თორემ ბატონებო ეს აკაკი, ესეც მისი ნაწერები, გაიცანით და გააცანით სომხის საზოგადოებასაც, თუ აკაკი რად ჰკიცხავს სომხის ნაციას, ენას, ისტორიას, წარსულს და სხვანი. უამისოდ კი აკაკის კიცხვა და მტრობის ვრცელება უკანონოდ და უადგილოდაც მიგვაჩნია.

სომხის საზოგადოებას აკაკზედ უარესად შეაძულეს ილია ჭავჭავაძე. ამაზედაც სწერს და სწერენ „მშაკში“ „მურჭში“ „ნორ-დარში“ და სხვაგანაც, რომ ილია ჭავჭავაძე სომხების

დაუძინებელი მტერიაო, ამ გვართ ცილთ რიცხვი არ აქვნდა. ცილი საწყულს გადავიდა. სომხურ მწერლობაში მისი მტრები იმარჯვებენ. სომხების საზოგადოების წინაშე ათასნაირს ჭორსა და ცილს ავრცელებენ და ამტკიცებენ რომ ვითომც სომხის ერი ილ. ჭავჭავაძეს ჭირივით სძულდეს. ვითომც ეს პირიც მათ შექმას, გადაყლაპვას ერთის კალმითაც კი ნატრობდეს. ამაზედ არამც თუ ენით, არამედ მწერლობითაც კი ავრცელებს. თვით 1904 წ. აგვისტოს „მურჭში“ შენიშნეს ასე: ამ დღეებში, თიფლისში, ცალკე წიგნად გამოიცა რამდენიმე ლექსი ილია ჭავჭავაძისა, ლექსები მაღალის იდეებით და ჭაზრებითა ბრწყინავენ. ყოველს ლექსს აქვს თავისებური მაღალი მნიშვნელობა და კეთილი ჭაზრები. ცოდო არ არის, რამ ასეთი ბრწყინვალე ძვირფას ლექსების მწერალი, ასეთი კარგი ჭაზრების მთენილი კი სომხობის მტერი იყოს და გვარფობის ზიზღსა სთესდეს, — ეს კი ვერაფერია“. ასეთ ცილი და ბოროტების დაწამება ილ. ჭავჭავაძის საწინააღმდეგოდ ერთხელ არ ყოფილა და ორჯელ, არამედ მრავალჯერ და მრავალ ალაგას.

ვიტყვიტ ამაზედაც, რომ ესეც ჭორებია და მიუპატიებელი ცოდვა, ცილის წამება, ბოროტება და უკადრისი ღირსება. ჩვენს დროში ცილის წამება და ისიც ასეთის განა შეჭფერის ვისმეს რამე? რასაკვიველია არა, მაგრამ რასა ვიქმთ, როცა ბოროტების მფენელთ ხელში კარგი იარაღი უკავიათ, როცა სურსთ იმასვე ავრცელებენ. ვიტყვიტ თამამად, რომ ილ. ჭავჭავაძეს სომხის გვარი, მთელი ერი, ენა, მწერლობა და მოქალაქეობა ერთხელაც კი არ გაუკიცხავს სადმე, ამის წინააღმდეგ არამც თუ კიცხვა, არამედ ერთი სიტყვაც არა აქვს ნათქვამი სადმე. მარტოდ მტრობის ვრცელება კი არ არის საქმე, არამედ, ცნობა არის და მტკიცე ჭეშმარიტება. ილ. ჭავჭავაძეს ერთი სიტყვაც არა აქვს სადმე სომეხთა სამტროდ ნათქვამი, მისი „ქვათა-ლალაღი“ გაღიკითხეთ და თქვენ ერთ ცნობასაც ვერ ჰპოვეთ, რომ მით ილ. ჭავჭავაძე სომეხთა გვარსა ღ პატივისცემას ჰკიცხავდეს ღ მუსრავდეს. სირცხვილია და არა საკადნიერო რომ ილ. ჭავჭავაძისაგან ზოგი ერთ სომეხთადმი მიძღვნილი მღურვა მთელს გვარზედ

გადააქვთ და მით მართლაცა და დიდს მტრობასაც ავრცელებენ. ამით სურთ ვაჟბატონებს, რომ ქართველთა და სომეხთ შორის სიყვარულს ჩამოვაგდეფთო, ის კი არა მტრობას ავრცელებენ და ზიზღს.

მართალია სომხებს სძულთ ილ. ჭავჭავაძე და მისი ნაწარმოებებიც, ნაწარმოები სძულთ მიტომ რადგანაც მის ნაწარმოებს სულ არ იცნობენ, ასე ჰგონიათ რომ ილ. ჭავჭავაძის ნაწარმოებში სომხების მტრობის მეტი სხვა არა მოიპოვებოდეს რავიტყვით იმასაც რომ ილ. ჭავჭავაძეს გარეშე სომხებს არც არა საქართველო და ქართველი ხალხი ეპიტნავებათ, ქართველებს გვაყვედრიან, რომ სომხები გძულთო, ჩვენ კი არა გვძულს, სომხებს ვძულვართ ქართველები, ამის სრული საბუთია თფილისის გამგეობაში მომხდარა საქმე 1893 წ. ქართველები სომხებმა მთლად გამოსდევნეს აქედამ, გააშავეს. მაგრა ისეთი კაცებიც, როგორც ნ. ნიკოლაძეა, ნ. ცხვედაძე, ნ. ზუბალაშვილი და რამდენიმეც სხვა საპატიო პირნი ქართველთა. ილ. ჭავჭავაძის წერილებს სომეხთადმი მიმართულს აქვს მხოლოდ კერძოებითი ისტორიული ხასიათი და არა საზოგადო, მაგრამ მის მტრებს ეს არ სჯერად და უსამართლოდ ყოველნაირ ცილს სწამებენ, და ავრცელებენ.

სომეხთა მტრობას არც ნიკოლოზ ნიკოლაძე გამოაკლეს, ვინც არ ვინდა, შუაბაზრის უმეცრებთაგან დაწყობილი თვით სოლოლაკის მდიდრებამდისაც კი იმას გაიძახდენ, რომ ნ. ნიკოლაძე ჩვენი მტერიაო. ეს პირიც ბევრჯერ ჰყვედრეს ლ ჰკიცხეს. ყოველნაირს ბრალს სდებდენ ლ ჰორებს! ნ. ნიკოლაძე და რამდენიმე საპატიო პირნი შეურაცყოფილი იქმნენ ზოგი ერთ ისეთ უგვან სომეხთაგან, ამიტომ ბ. ნ. ნიკოლაძეც მათ წინააღმდეგ დაირაზმა, მათი შეცდომათა მხილება ბექდვით გამოჰფინა. ეს ზოგი ერთ აზგასერებმა იწყინეს და თითო ოროლა კაცის გმობა მთელს სომხის გვარზედ გადიტანეს და თავიანთი სტვირი და ნაღარაც ამ კილოთი გაბერეს. რა უყოთო, ესეც ჩვენიო, სომეხი კაციაო, მაგისი გმობა მთელი სომხის გვარის გმობა არისო. რა ლოლიკა არის და! ერთმა მეთევზე სომეხმა მთელს კახეთში დამპა-